

Uraata Kizin Ŋgoŋana Ki Yesu

1 ¹⁻³O Tiopilus, sua mi uraata mataana kan boozomen ta mungu Yesu ikam, ta aŋbeede se ro tio mataana kana.^{a b}

⁴Aigule ta na, ni ziŋan timbotmbot mi tikanan kini, mi ni iur sua pizin ma iso: “Kozo kezem Yerusalem loŋa pepe. Kombot mi kazza. Pa koronj ta Tamaŋ imbuk sua pa, ta iŋgi be iur ŋonoono i. Ka sua ta nio aŋso ma kelenj kek.”^c ⁵Yoan, ni ikam yok men pizin tomtom. Mi niom na, molo som to Anutu ikam Bubuna Potomana ma isalakaala yom.”^d

Yesu isala pa saamba
(*Mk 16:19-20; Lu 24:50-53*)

⁶Tana zin wal ta ziŋan Yesu timbotmbot na, tiwi i. Tiso: “Biibi, parei? Iŋgi nol tabe pamender yam Israel mini be amkam peeze pa toono i?”^e

⁷To Yesu ipekel kwon ma iso: “O, uraata tina ka nol, ina imbota la Tamaŋ itunu leleene. Pa ni ta imboro. Mi ina niom koronj tiom be kuute na som.”^f ⁸Mi kelenj. Bubuna Potomana isombe imar ma isalakaala yom, toinabe kakam mburaana, mi kamaŋga mi kosoyaara uruŋ pizin tomtom be kopombol sua tio. Ko kakam isu Yerusalem mungu, mana kapa pa Yudea, to kala pa Samaria, mi kala karao lele pakaana ta boozomen.”^g

⁹Yesu iposop sua tana, to tizem ruumu mi tisala pa lele mbukuunu Olib. Tirre i, mi miiri tieene izukkaali, mi Anutu ikami ma isala pa

^a **1:1-3** Ro mataana kana tana, ina uruunu ambaijana ta Lukas ibeede.’ Sua mi uraata kini tana imar imar ma Anutu ikami ma isala pa saamba mini. Mi iŋgi be aŋseŋge sua tio pa sua mi uraata kini pakan. Indeeŋe tau Yesu imeete mi imaŋga mini, mi aigule tomtooru ta iparto i tana na, ni ila iwedet kizin ŋgoŋana kini ta itunu ipeikat zin na. Mi izzwe itunu pizin pa zaala booza. Pa isombe zin tire kati. Naso tiute kat tau ni imaŋga kek. Mi izzo zin pa peeze ki Anutu, mi ikam ma Bubuna Potomana iso zin pa uraata pakan tomini.

^b **1:1-3** Lu 1:1+, 9:51, 24:13+; Yo 20:19+; 1Kor 15:5+ ^c **1:4** Lu 24:49; Yo 14:16+;

Ŋgo 2:33 ^d **1:5** Lu 3:16 ^e **1:6** Mika 4:8; Lu 24:21 ^f **1:7** Mk 13:32+;

1Tes 5:1+ ^g **1:8** Lu 24:47+; Ŋgo 2:1+

saamba.^h 10 Matan izalla be tirre kinkiini i, mi molo som na, wal ru tipet kizin ma ziŋan timendernder. Mburu kizin kokouŋan men. Timanŋa na tiso:ⁱ 11 “O niom tomtom ki Galilea, parei ta kemendernder mi motoyom izalla pa saamba? Keleŋ. Yesu ta Anutu ikami ma izem yom mi isala pa saamba a, kaimer ni kola imiili mini ma isu ta kembena.”^j

Matias ikel Yudas

12 To tizem abal Olib, mi timiili mini ma tisala pa Yerusalem. (Lele mbukuunu tana imbot kolouŋana pa Yerusalem. Sombe tasala, na irao aigule potomŋana ka pai.)^k 13-14 Tipet kar na, tisala ruumu leleene kor kana ta tiluplup zin pa i. Zin ta tingi: Petrus ziru Yoan, mi Yems, Andreas, Pilip, Tomas, Patolomai, Matai, Yems toro ta Alpai lutuunu i, Simon (ni igabgaaba zin wal ta tisombe tikam malmal pa Rom mi tiziiri zin pa Israel na), mi Yudas ta Yems lutuunu na. Ziŋan Maria ta Yesu naana i, mi moori pakan, mi Yesu tiziini bizin tomini. Zin tana koronj to tiparluplup zin mi tizuŋzuŋ.

15 Indeeŋe mazwaana tana na, aigule ta, zin wal ta titoto Yesu i tilup zin. Zin ko kembei tomtom lamata tomoota (120). To Petrus imanŋa mi iso ta kembei. 16-19 Iso: “O niom toŋmatiziŋ tio, kere. Munŋu, Yesu ipeikat Yudas mi itiŋan tawwa mi takamam uraata ki Merere tingi. Tamen ni isu mi iwe zaala pa Yesu ka koi bizin, ta tikami. To ikam mbulu kini sananŋana tana ka pat, mi isu iŋgiimi toono pakaana pa. To ila itop su toono, mi ipetepaala kopoono ma koponkopon ipet. Mi zin Yerusalem kan ta munŋaana men tileŋ, tabe tipaata toono tana la zitun kalŋan ma tiso Akeldama. (Zaana tana ka uunu ta kembei ‘Toono ki siŋ.’) Mbulu tana ka sua, munŋu Bubunana Potomŋana iswe la ki Dabit.^l 20 Pa mboe suŋŋana kana ta ki Dabit iso ta kembei:

Muriini ta ni imbotmbot pa na, ko bilim.

Tomtom sa ko imbotmbot pa som.^m

Mi sua lwoono toro iso ta kembei. Iso: “Kozo tomtom toro ikam muriini mi ikeli pa uraata.”ⁿ Sua tana iur ŋonoono kek. Pa Merere sua kini ta boozomen bela iur ŋonoono. 21-22 Tana tomtom sa bela imar mi iŋgal yam ma munŋoyam mini. Naso amap ma ampombol sua pa manŋanana ki Yesu. Tana tere tomtom kiti sa tau igabgaaba iti, mi itiŋan Yesu tawwa. Indeeŋe tau uraata ki Yoan pa yok kamŋana, mi imar imar ma aigule ta Anutu ikami ma izem ti, mi isala pa saamba mini.”^o

23 Petrus iso sua tana, to tiur wal ru: Yosep Barsabas ta zaana toro Yastus na, mi Matias. 24 Tipamender ziru zan makiŋ to, tisunŋ. Tiso: “O

^h 1:9 Mk 16:19; Lu 24:50+ ⁱ 1:10 Lu 24:4 ^j 1:11 Mt 26:64; 1Tes 4:16; Tur 1:7

^k 1:12 Lu 24:52 ^l 1:16-19 Mbo 41:9; Mt 27:3+; Yo 6:70+ ^m 1:20 Mbo 69:25

ⁿ 1:20 Mbo 109:8 ^o 1:21-22 Lu 24:48+

Merere, nu ute leleyam lup kek. Tana wal ru ti, so yam pa tomtom ingoi ta itum roogi^p 2⁵ be ikam Yudas muriini, mi iwe ŋgonjana ku mi ikam uraata pu. Pa Yudas ta ipizil ndemeene pa uraata ku, mi imeete ma ila lene pa muriini tau nu ur pini pataaŋa kek na.” 2⁶ To tikam ma Matias zaana ipet. Tabe Matias ikam Yudas muriini, mi iwe ŋgonjana ki Yesu, mi ingal zin laamuru mi ta ma ila imun mini.

Bubuŋana Potomŋana isu

2 1Indeeŋe aigule ki Pentekos^q na, zin urlaŋana kan timap ma tilup zin ma timbotmbot.^r 2Mi molo som na, tileŋ koronj kembei ta miiri biibi i. Imbul ki saamba, mi isu ma izeebe ruumu leleene ta timbotmbot pa i.^s 3To tire koronj kembei ta you miaana ipet, mi imureege ma isala tomtom tataŋa uten ma ikot zin.^t 4Tana Bubuŋana Potomŋana izeebe zin wal tana lup, mi ipaurau kwon ma tiso sua ila karkari kaŋan.^u

5Indeeŋe tana, zin Yuda booza ta timbotmbot leŋaleŋa irao lele pakaana ta boozomen na, zin tila timbotmbot Yerusalem tomini. Zin wal ki titoto mbulu ki Anutu. 6Timbotmbot mi tileŋ la pa, to timokor la pataaŋa. Mi zin wal ta Bubuŋana Potomŋana izeebe zin na, sua kizin ikam ma iwal biibi tau ŋgar kizin imap. Pa tileŋleŋ kat la pa zitun kaŋan tau. 7Tabe kwon itaanda mi tikamam ŋgar booza. Tiso: “Wai, a niom, wal tiŋgi tikam parei kembei? Zin iŋgi sa Galilea kan men. 8Mi parei ta iti tomtom tataŋa teleŋleŋ zin tizzo sua lala itundu kaŋanda kat kembei? 9Iti tamar pa lele pakaana ki Partia, Midia, mi Elam, mi Mesopotamia, Yudea mi Kapadosia, mi Pontus ma Asia, 10-11 mi Pirigia ma Pampilia, mi Aikuptu, mi lele pakaana ki Libia ta kolouŋana pa Kairini na, mi Krit mi Arabia. Mi tomtom kiti pakan timar pa Rom tomini. Mi zin Rom kan na, pakan zin Yuda ŋonoono. Mi pakan na, zin wal ta titooro zin ma tiwe Yuda i. Tamen sua ta wal taŋgi tikamam pa Anutu uraata kini bibip, ta iti tamap teleŋleŋ la itundu kaŋanda.” 12Tana zin iwal tana kwon taanda lup. Pa tikankaana pa mbulu tiŋgi. Mi tiparwwi zin ma tiso: “Wai, iŋgi parei?” 13Mi pakan na, tikam seŋge pizin ma tiso: “Ou, niom iwal, iŋgi sa tiwin na.”

Mos ta Petrus ikam pizin iwal biibi

14Petrus ziŋan zin ŋgonjana laamuru mi ta timbotmbot, mi imanga na iso ma kaŋaana biibi. Iso: “Niom Yuda mi niom wal boozomen ta kombotmbot Yerusalem i, kungun talŋoyom pio, mi nio ko aŋso yom pa

^p 1:24 Yo 2:25; Tur 2:23 ^q 2:1 Pentekos, ina suŋŋana biibi ta kizin Yuda. Zin tilup zin pa Pasoba, mi aigule tomtooru laamuru ilae, to Pentekos ipet. ^r 2:1 Kam 23:16
^s 2:2 Ezek 37:9+; Yo 3:8 ^t 2:3 Kam 3:2; Mt 3:11 ^u 2:4 Mk 16:17; Yo 7:37+, 14:16; Ŋgo 4:31, 10:44+, 19:6

mbulu tingi ka uunu.^v ¹⁵ Niom koso zin wal tingi tiwin. Mi ingi zoḡ ise zen. Lak, winḡana sa, tiwinin pa mazwaana ta kembei? Som.^w ¹⁶ Keleḡ. Mbulu ti ka sua, ta Anutu kwoono Yoel iso ta mungu kek. Mi ingi buri iur ḡonoono i. Sua ta kembei:

¹⁷ Anutu iso: Indeeḡ mazwaana kaimer kana ma uraata tio iso ipet kat mat,^x

na nio kola aḡkam Bubunḡ ma isalakaala tomtom ta munḡana men.

To lutuyom bizin ma lutuyom moori bizin ko tiwe nio kwoḡ mi tiso kalḡoḡ pizin tomtom.

Mi zin nanḡaḡ kaibiim ko tikeenetondo.

Mi Anutu ko iswe koronḡ pakan pizin kolman ila miunḡana.^y

¹⁸ Mi zin mbesoonḡ mi mbesoonḡ moori tio ta kembena.

Indeeḡ mazwaana tana na, nio ko aḡkam Bubunḡ ma isalakaala zin.^z

¹⁹ Mi nio ko aḡkam uraata bibip ma ipet sala maḡanaanḡana, mi aḡkam mos mburanḡan isu toono tomini.

Ko kembei ta siḡ, you, mi you kakoi ta buk ma ise i.

²⁰ Pa zoḡ kola iyaara mini som, mi lele zugut. Mi puulu mataana ko isiḡsiḡ.

Uraata tana kola ipet munḡu, mana nol biibi ki Merere be iswe mburaana ma ipet kat mat.^a

²¹ Mi wal boozomen ta so titanḡroro Merere be iuulu zin, na ni ko ikamke zin ma timbot ambai.^b

²² “Tana niom tomtom ki Israel, keleḡ sua tingi. Uraata mburanḡan mi mos bibip ta Yesu ki Nasaret ikam la mazwoyom na, niom kuute lup kek. Uraata ta Anutu ipomboli ma ikam, ina iswe i kembei: Ni Anutu iḡo i.^c

²³ Anutu, ni itunu ḡgar kini mi iur Yesu pataḡa kek be ima nomoyom. Tanata niomḡan zin Rom kan tau titoto tutu som na, kupuni ma imeete sala ke pambaaranḡana.^d ²⁴ Tamen meeteḡana irao ikisi na som. Pa Anutu itatke i pa meeteḡana mburaana, mi iwiti ma burup ma imanḡa pa naala.^e ²⁵ Ka sua, Dabit iso ta mungu kek. Pa iso:

Nio aḡre Merere imbotmbot kereḡ uunu totomen.

Ni imbotmbot raama yo mi ikiskis yo. Tana kosa sa ko irao ikam yo ma aḡtop na som.

^v 2:14 Mt 16:19 ^w 2:15 1Tes 5:7 ^x 2:17 Mazwaana kaimer kana imanḡa pa meeteḡana mi manḡanḡana ki Yesu. Mi ko ila ila ma toono swoono. Mi ka kilalan biibi na uraata ki Bubunḡana Potomḡana. ^y 2:17 Yesa 44:3; Ezek 39:29; Yo 7:37+ ^z 2:18 Iḡo 21:9

^a 2:20 Mt 24:29+, 27:45 ^b 2:21 Yoel 2:28+; Iḡo 4:12; Ro 10:13 ^c 2:22 Yo 5:36

^d 2:23 Yesa 53:10; Iḡo 4:28 ^e 2:24 Lu 24:5; Iḡo 3:15

- 26 Ingi tabe ikam yo ma lelej ambai kat,
mi anso sua raama menmeen yo.
Ŋonoono, nio ko anmeete. Pa nio tomtom toono konj.
Tamen koponj rru som. Ingi anjmbotmbot mi anjurur motoj pu men tau.
27 Pa nu irao zem yo ma anmeete mi ansula Andewa be anjbot na som.
Nu irao zem mbesoono ku potomjana ma ibuuzu na som.
28 Nu patoono yo pa zaala ki mbotjana mata yaryaaranjana.
Mi nu ko kam yo ma anjbot su kerem uunu, mi kam ma lelej ndabok men.^f

29 “O atongan mi tizijan. Nio lelej be anso kat yom pa tumbundu Dabit. Ni imeete ma titwi i ta munju kek. Ma naala kini ta imbotmbot men kar ti.^g 30 Tamen Dabit, ni Anutu kwoono. Mi ni iute tau Anutu imbuk sua mboljana pini be kaimer to iur popojana kini sa ma iwe king kembei ni itunu.^h 31 Ni ire mbulu tabe ipet pa kaimer i. Tanata iso pa mangajana ki Mesia, mi iso Anutu ko irao izemi ma imeete mi isula Andewa be imbot na som. Mi irao izemi ma ibuuzu na som.ⁱ

32 “Mi Yesu ta amzzo yom pini i, ta Anutu iwiti ma burup ma imanga mini pa naala. Niam ta boozomen ti amre kat pa motoyam, tanata ampombolmbol ka sua. 33 Ni, Anutu ipakuri, mi iuri ma imbot la namaana woono. Mi Tamaana ikam Bubujana Potomjana pini kek. Ito itunu sua kini mbukjana tau. Bubujana tana, ta Yesu kadoono ikam ma isalakaala yam, mi ingi kere mi kelej i.^j 34 Mi Dabit itunu na, isala saamba som. Tamen ni iso ta kembei. Iso:

Merere iso pa Biibi tio ta kembei:

Mar mbulem su ta nomoj woono i

- 35 ma irao anjoto kom koi bizin ma mburan imap kat,
mi kumbum ise nguren.^k

36 “Tana niom Israel ta munjaana men, kelej kat. Yesu ta kupuni ma imeete sala ke pambaraanjana, ta Anutu iuri ma iwe Merere mi Mesia.”

Wal boozomen tiurla

37 Tomtom tilej la pa sua tana ma ambai som. Pa sua ingal zin. To tisu na tiso pa Petrus bizin. Tiso: “Wai toyamjan, kenako amkam parei?”^l

38 Petrus ipekel kwon ma iso: “Kozo kamap kotooro leleyom, mi kakam yok pa Yesu Krisi zaana. Naso sanaana tiom ila ne, mi ni ipomoozo yom ma ikam Bubujana Potomjana piom.^m 39 Pa sua mbukjana ti, ingi ima

^f 2:28 Mbo 16:8+ ^g 2:29 1Kin 2:10; Ŋgo 13:35+ ^h 2:30 2Sam 7:12+; Mbo 89:3+, 132:11

ⁱ 2:31 Mbo 16:10 ^j 2:33 Yo 14:26; Pil 2:9 ^k 2:35 Mbo 110:1 ^l 2:37 Ibr 4:12

^m 2:38 Mk 16:16; Lu 24:47; Ŋgo 3:19

pa niom Israel niomŋan lutuyom bizin, mi zin iwal karkari ta timbot lele molo na tomini. Pa wal boozomen ta sombe Merere Anutu kiti iboobo zin na, sua mbukjana tindi imar pizin.”ⁿ

⁴⁰Petrus iso sua tindi men som. Kwoono imbol pizin pa sua boozomen. Pa isombe ikam zin ma tiurla ki Kisi. Tana iso pizin ma iso: “Motoyom ingal mi kuru zaala pa ituyom be kombot ambai. Pa tindi kombot la wal sananŋan lenen. Kokena niomŋan kala leyom.”^o

⁴¹Aigule tana na, zin tau tiurla Petrus kaljaana, mi tikam yok mi tila tigaaba zin wal urlaŋana kan na, zin ko kembei munjaana tel (3,000) ma ingi. ⁴²Mi zin tiurur kat lenen pa sua kizin iŋgojana ki Yesu, mi tiluplup zin pa sunjana mi kini kanjana.

Mbulu kizin wal mataana kan ki Kisi

⁴³Zin iŋgojana ki Yesu tikamam uraata bibip mi titortooro mos boozo. Tabe tomtom ta boozomen tire mi timoto kan. Pa tire kat Anutu mburaana tau.^p ⁴⁴Mi zin urlaŋana kan tiluplup zin, mi tiparkamam zin ma ambai. Tomtom sa irao kwoono imbol pa koronj kini sa be iwe itutamen lene i na som. Koronj kizin ta munjaana men, ta tiparra pizin men.^q ⁴⁵Pa tikamam mburoonjo pa koronj kizin, mi tiparra pizin pakan ta len som i. Tabe zin ta boozomen len koronj irao.^r ⁴⁶⁻⁴⁷Mi aigule ta boozomen tilala ma tiluplup zin su Urum Merere kwoono. Mi tiparluplup zin la ruumu kizin kizin pa sunjana mi kini kanjana. Mi tikanan kini raama lenen ambai men, mi tiwidit Anutu zaana. Paso, tiur kat lenen pini. Tana tomtom timap ma lenen pizin. Mi zin wal ta Merere ikamam uraata pizin be ikamke zin na, ni ipangutnguutu zin ikot aigule ta boozomen, ma tilala tigabgaaba zin wal urlaŋana kan.

Petrus iurpe tomtom kumbu kaamaŋana ta

3 ¹Aigule ta, zonj mataana ikam tel na, Petrus ziru Yoan tisala pa Urum Merere. Pa sunjana rou kana be imanga. ²Ziru tiwwa ma tisala na, tomtom kaamaŋana ta, tikami ma tiuri su urum kwoono ta tipaata be Kataama Kwoono ta Ambaijana Kat na. Tomtom tana, naana ipeebe na, ni ta kembeaŋana. Tana aigule ta boozomen tizinzini ma timar, mi tiuri mi imbotmbot. Beso tomtom timar be tiloondo pa urum na, izarra namaana pizin pa le koronj. ³Ikamam ta kembea, mi ire Petrus ziru Yoan tila mabe tilela. To isunj ziru pa le pat. ⁴Ziru tigeede su pini, mi Petrus iso: “Motom mar!” ⁵Tana tomtom imbot mi iur mataana pizin. Pa indemeere iso ko tikam le koronj sa.

ⁿ 2:39 Yesa 57:19; Yo 10:16; Iŋgo 14:27; Ep 2:13+ ^o 2:40 Ga 1:4; Pil 2:15

^p 2:43 Iŋgo 5:12; 2Kor 12:12 ^q 2:44 Lu 12:33, 18:22; Iŋgo 4:32+ ^r 2:45 2Kor 8:13

⁶Tamen Petrus iso pini. Iso: “A barau, pat silba mi gol na, leŋ sa som. Mi koron ta, ta imbotmbot i. Ingi be ankam pu. Nio anso pu pa Yesu Krisi ki Nasaret zaana: Manga mi pa!”^s

⁷⁻⁸To iteege su pa namaana woono mi iwiti. Beso burup na imanganga to, siŋ iloondo pa kumbuunu uranuran, mi iyamaana kembei kuliini ikam pirik. Ipa ma ila ri, to ilulu i raama menmeeni biibi, mi ipakurkur Anutu zaana, mi ziŋan tilela pa urum.^t ⁹Wal matan la na, tire ni iwwa mi ipakurkur Anutu ma ikamam. ¹⁰Mi tikilaali kembei ni ta munŋu imbotmbot Kataama Kwoono ta Ambaiŋana Kat, mi izarra namaana pa le pat. Tabe timurur pa mbulu ta ipet pini na, mi kwon itaanda. Tikam ngar pini ma tirao som.

Mos ta Petrus ikam su Urum Merere kwoono

¹¹Tomtom tana isou kiskis Petrus ziru Yoan ma ziŋan timbotmbot, mi iwal biibi tilonloondo ma tila kizin ta Pooto ki Salumo a. Pa timurur pa mos ta ipet na. ¹²Petrus ire zin, to iso pizin. Iso: “O niom Israel, parei ta kumurur pa uraata tingi mi kegeede yam? Tomtom ti, niam amkami ma ipa pa ituyam mburoyam, som mbulu tiam sa ta ndabokjana i na som. ¹³Keleŋ kat. Anutu ki tumbundu bizin, Anutu ki Abaraam, Isak mi Yakop, ina ni ikam mbesoono kini Yesu ma isala saamba kek be ikam zaana biibi. Mi Yesu tana, ta ikam mbulu tingi. Ni ta kakami ma ila be tipuni na. Pilatus ire i ma iso izemi. Mi niom koso: ‘E-e. Niam leleyam pini som. Puni ma imeete.’^u ¹⁴Kere. Tomtom potomjana mi ndeeŋeŋana, ta niom leleyom pini som. Mi tomtom sananjana ta ipunun zin tomtom, ta koso pizin ma tiputke i mi ima tiom na.”^v ¹⁵Tana ni ta mbotjana mata yayaaraŋana katuunu i, ta niom kupuni ma imeete. Tamen ni, Anutu ipei i ma burup ma imanga mini pa naala. Niam tingi amre kat ki motoyam. Tanata ampombolmbol ka sua i.”^w ¹⁶Mi kosa sa som. Yesu zaana tau. Waende ti, niom kuute pataŋana kini kek. Mi ni iurla mi ipase pa Yesu zaana, tanata ikami ma niom ta boozomen kere ni niini ndabok.^x

¹⁷“O atonjan ma tiziŋan, nio aŋute. Ina niomjan zin bibip tiom kikilaala Yesu som, tanata kakam mbulu tana pini.”^y ¹⁸Mi ina zaala ki Anutu tau. Ni itunu ipazal, bekeni sua kini boozomen ta munŋu iso la ki kwoono bizin na iur ŋonoono. Sua tana iso ta kembei: Mesia kini ko ire yoyouŋana biibi.”^z ¹⁹Tana niom kere be kipizil ndemeyom pa mbulu tiom sananjana, mi kotooro yom, mi kimiili ma kala ki Anutu. Naso ni imus sanaana tiom mi ila ne. Mi niom so kakam ta kembei, inako Merere

^s 3:6 Ŋgo 14:10 ^t 3:7-8 Ŋgo 5:15+, 9:34+, 14:8+; Yems 5:14+ ^u 3:13 Kam 3:6; Lu 23:18+ ^v 3:14 Lu 23:18+ ^w 3:15 Lu 24:48; Ŋgo 1:8, 2:24,32+ ^x 3:16 Lu 17:19; Ŋgo 4:10 ^y 3:17 Lu 23:34; Ŋgo 13:27; 1Kor 2:8; 1Tim 1:13 ^z 3:18 Mbo 22; Yesa 53:5+; Lu 24:26,44; Ŋgo 2:23; 1Pe 1:10+

ipayaryaara yom,^a ²⁰mi iŋgo Mesia ta ni itunu iuri piom na ma imiili mini.^b ²¹Pa ni bela imbotmbot men ta saamba a ma irao mazwaana tabe Anutu iurpe koronj ta boozomen ma ambai mini. Ito sua kini mbukŋana ta iso la ki kwoono bizin ta munju kek na.^c ²²Pa Mose iso ta kembei. Iso:

Merere Anutu tiom ko ipamender tomtom tiom sa ma iwe kwoono kembei ta nio i. Mi niom kozo kelenj la kaljaana pa koronj ta munjaana men. ²³Mi sombe tomtom sa ilenji som, nako Anutu ipambiriizi i ma ila lene kat. Kokena igaaba wal kini.^d

²⁴“Tana kere. Pa munju ta Anutu kwoono Samuel mi imar na, Anutu kwoono bizin tiso sua pa mazwaana ta tingi.^e ²⁵Iŋgi matamur ki Anutu kwoono bizin, ta imar kiti tomtom ta popoŋana kizin i. Pa sua mbukŋana kini ta ni ikam la ki tumbundu bizin, ta iŋgi iur ŋonoono piti i. Motoyom iŋgal sua ta munju iso pa Abaraam na. Isombe

Popoŋana ku ko iwe zaala be kampeŋana biibi ise kizin wal boozomen ta timbotmbot su toono na.^f

²⁶“Tana kere. Anutu ipei mbesoŋo kini Yesu ma burup ma imanga mini pa naala kek. Mi ni isombe ipumuunju kampeŋana kini piom. Tanata iŋgi ikam Yesu uruunu ma imar piom munju, bekena ikam yom ma kipizil ndemeyom pa mbulu tiom sananŋana.^g

Tipamender Petrus ziru Yoan

4 ¹Petrus ziru Yoan tizzo sua pizin tomtom, mi zin patoronŋana kan pakan ziŋan biibi kizin menderŋan ta timborro Urum Merere i, mi zin sadusi pakan timar. ²Timar raama keten malmal kat pa Petrus ziru Yoan. Pa ziru tikamam sua pizin tomtom mi tizzo ta kembei: Wal ta so tisekap la ki Yesu, nako timanga mini pa naala.^h ³Mi rorou kek. Tana tila ma tikiskis zin, mi tiur zin lela ruumu sanaana pataaŋa be tinaama sua. Ziru be timbot tana, mi tikeene ma aigule toro. ⁴Mi zin tomtom tau tilenj sua kizin na, boozomen tiurla. Tabe tila tigaaba zin ta munjuŋan na, to zan isala kat. Zin tomtom tirao kembei munjaana lamata (5,000).

⁵Aigule toro na, zin peeze kan kizin Yuda, ziŋan zin mboronjan mi zin ŋgarŋan ki tutu tilup zin su Yerusalem. ⁶Mi bibip kizin wal patoronŋana kan ta Anas, Kaipas, Yoan, mi Alisande na, mi wal kizin pakan, ziŋan tau. ⁷Timbotmbot, mi tikam Petrus ziru Yoan ma timar na, tipamender ziru ila keren uunu. To tiwi zin ma tiso: “Ai, niomru kakam uraata ti pa asiŋ zaana mi mburaana?”ⁱ

^a 3:19 Iŋgo 2:38 ^b 3:20 Iŋgo 1:11; 1Tes 4:16 ^c 3:21 Mt 19:28; Ro 8:19+; 2Pe 3:13

^d 3:23 Lo 18:15+; Iŋgo 7:37 ^e 3:24 Lu 24:27 ^f 3:25 Un 12:3, 18:18, 22:18; Ga 3:8

^g 3:26 Iŋgo 13:46, 22:21; Ro 1:16 ^h 4:2 Mt 22:23; Iŋgo 17:18 ⁱ 4:7 Mt 21:23

⁸To Bubugana Potomgana izeebe Petrus, mi imanga to iso pizin. Iso: “Niom peeze koyom mi niom mborogan. ⁹Parei? Koozi niom kosombe kiwi yam pa mbulu ambaijana tau ipet pa tomtom kaamajana ti, mi zaala tau ni niini ambai, ta koboobo yam i? ¹⁰Nakena niom ta boozomen kelenj kat. Mi niom men som. Zin Israel ta munjaana men. Ingi kosa sa som. Mi Yesu Krisi ki Nasaret ta kupuni ma imeete sala ke pambaarajana, mi Anutu ipei i ma burup ma imanga pa naala na. Ina ni zaana mi mburaana, ta ikam ma niom kere tomtom kaamajana taingi niini ambai mi imendernder la motoyom i.” ¹¹Yesu ta mungu tibeede ka sua ta kembei:

Pat ta niom wal tau kowwo ruumu na, motoyom repiili mi kipiri lae lene na, pat tamen tana, ta ko tipamender ruumu sala ma imbol.^k

¹²“Ni itutamen ta ulaaja kiti. Sombe turu ulaaja la ki tomtom toro sa, ina tarao tendeeje som. Pa tomtom ta tirao toono ti, na sa zaana irao iuulu kat iti ma tombot ndabok na som. Pa Anutu iur ni itutamen.”^l

¹³Timbotmbot mi tire Petrus ziru Yoan timoto som mi tizzo katkat sua, to timurur pizin. Pa tiute zin tomtom kar kan men. Tila skul biibi som. Tana tikilaala zin kembei zigan Yesu tiwwa tau. ¹⁴Mi tire tomtom ta tiurpe i ma niini ambai i, zigan timender ma timbotmbot, tabe len sua sa som mi timaane men. ¹⁵To tiser Petrus ziru Yoan pa lupjana kizin ma tipera mat, mi zin be tiso kan sua. ¹⁶Mi timanga na tiparwi zin. Tiso: “Lak, ingi kozo ko takam parei pizin? Pa mos biibi ta ziru tikam na, ina ipet kat mat, mi iwal biibi ta timbot Yerusalem i tiute lup kek. Tana iti tosombe takam be tawatkaala, nako takam ma tarao som.” ¹⁷Mi bela tupunmeete sua tingi ma imborene kat. Kokena irak ma wal pakan tilej mi tiurla. Kozo takam sua pamotojana pizin mi tepeteke zin be tiso sua pa tomtom sa pa Yesu zaana mini pepe.”

¹⁸Tiso makinj, to tiboobo Petrus ziru Yoan ma tile mini na, kwon imbol pizin be tikam sua sa pizin tomtom pa Yesu zaana mini pepe.” ¹⁹Tamen ziru tipekel ma tiso: “Wai, kena niom ituyom kitiiri. Ko parei? Amlej la niom kaljoyom, som Anutu kaljaana? Mbulu ingoi ta indeeje pa Anutu mataana?” ²⁰Pa koroj biibi ta niam amre mi amlej kek. Tana ingi irao amaane na som. Ko amzzo men ta kembei.”

²¹Tiso ta kembei, tabe zin bibip tisuu ma tise pizin, mi tikam sua pamotojana pizin mini. Mana tizem zin ma tila. Tana zin bibip tana tiru zaala be tiseeze matan ma som. Pa iwal timap tire uraata tana ma lelen ambai mi tipakur Anutu pa. ²²Pa tomtom kaamajana ta mos tana ipet pini ma niini ndabok na, ndaama kini ilip pa tomtooru kek.

^j 4:10 Ŋgo 3:13+ ^k 4:11 Mbo 118:22; Mt 21:42 ^l 4:12 Mt 1:21; Yo 14:6; Ŋgo 10:43; Ro 10:13 ^m 4:16 Yo 11:47 ⁿ 4:18 Ŋgo 5:28,40 ^o 4:19 Ŋgo 5:29

Suŋŋana kizin wal urlaŋana kan

²³Petrus ziru Yoan tiyooto na, kaŋkaŋ ma tila ki waen bizin, mi tiso zin pa sua ta zin bibip kizin patoroŋana kan mi zin mboronŋan tikam pizin na. ²⁴To waen bizin tileŋ na, tilup lenen mi tikam suŋŋana ila ki Anutu ta kembei. Tiso: “O Merere, nu ta mburom keskeezemo mi koronŋan imap katuunu. Nu ur saamba mi toono, mi tai raama koronŋan boozomen men ta timbot pa.” ²⁵Itum Bubunom Potomŋana ta ikam peeze pa tumbuyam Dabit ta mbesoonjo ku na, ma iso ta kembei:

Parei ta zin karkari keten malmal mi kaŋŋan izalla?

Wal matan munŋan timburmbuuru sorok paso?

²⁶Zin king ki toono zinan zin peeze kan tilup zin,

mi tikam kumbun be zinan Merere mi Mesia kini tiporou.^q

²⁷“Mi ingi sua tiŋgi iur ŋonoono kek. Pa nu itum roogo mbesoonjo ku potomŋana Yesu, mi uri ma iwe Mesia. Tamen Erot ziru Pilatus zinan zin wal ta Yuda somŋan i mi zin Israel, ta tilup zin su kar biibi ti mi tipuni ma imeete.” ²⁸Mi timaŋga ma tikam mbulu ti na, itoptop la zaala tau nu itum lelem iur pa pataaŋa kek be ipet ta kembena.^s ²⁹Merere, sua pamotoŋana ta tikamam piam i, nu len kek. Tana pombol niam mbesoonjo ku be amoto pepe, mibe amender mbolŋana pa sua ku kamŋana.^t ³⁰Swe mburom mi urpe zin metenŋan mi kam mos bibip pakan ma ipet pa mbesoonjo ku potomŋana Yesu zaana.”

³¹Tisunŋan makin, to kembei ta yenyeenge itok pa lele tau tilup zin pa i, mi Bubunana Potomŋana izeebe zin ta boozomen. Tana timoto som, mi timender mbolŋana pa Anutu sua kini soyaaraŋana.”

Zin urlaŋana kan tiparlup lenen

³²Zin urlaŋana kan ta munŋaana men lenen mi nŋar kizin iwe tamen. Mi tomtom sa irao kwoono mbol pa koronŋan kini sa be iwe itutamen lene i som. Koronŋan kizin ta munŋaana men, ta tiparraŋi pizin men.” ³³Mi uraata kizin ŋgoŋana ta tipombolmbol sua pa manganŋana ki Merere Yesu na, mburaana biibi. Mi kampeŋana biibi imbotmbot raama zin urlaŋana kan ta boozomen. ³⁴Mi tomtom kizin sa imbot ŋoobo som. Pa zin ta len toono mi ruumu na, tiurur ŋgomo pa. Beso tikam ka pat, ³⁵to tikam ma tiur la kizin ŋgoŋana. Toinabe zin tirai pizin wal tau len koronŋan som mi timbot ŋoobo i.”^w

³⁶⁻³⁷Tikamam ta kembei, tana tomtom ta ki mutu Saiprus, zaana Yosep, ni tomini iur ŋgomo pa toono kini. To tiŋgiimi, mi ikam ka pat ma ila

^p 4:24 Kam 20:11 ^q 4:26 Mbo 2:1+ ^r 4:27 Lu 23:7+ ^s 4:28 Iŋgo 2:23

^t 4:29 Iŋgo 3:13, 13:46; Ep 6:19+; Pil 1:14 ^u 4:31 Iŋgo 2:2+ ^v 4:32 Lu 12:33, 14:33; Lu 18:22; Iŋgo 2:44+ ^w 4:35 2Kor 8:13+

iur la kizin ngogjana. Yosep tana, ni uunu ipet la ki Lebi. Mi zin ngogjana tileele zaana be Panabas. (Pisis Panabas ka uunu ta kembei: ‘Tomtom ki ipombolmbol zin tomtom’.)^x

Mbulu pakaamjana ki Ananias ziru kusiini Sapira

5 ¹Tomtom toro, ni zaana Ananias. Mi kusiini zaana Sapira. Ni ziru tomini tiur ngomo pa toono kizin pakaana, mi wal tingiimi. ²Tamen ziru tisu mi tikam pakaamjana. Pa pat ta tisombe tiur ma iwe Anutu lene na, tiruutu pakaana ma imbot pizin. Mi pakaana men, Ananias ikam ma iur la kizin ngogjana, mi iso: “Is. Iŋgi pat munjaana ta ti.”^y

³Tamen Petrus ileŋ na, iso pini. Iso: “Wai, Ananias. Parei ta nu zem Tomtom Sanaana ma izeebu, mi ruutu pat pakan? Parei? Nu so kam be pakaam Bubujana Potomjana?”^z ⁴Indeeŋe ta nu kam ngomo pa toono ku tana zen, ina nu korog ku. Mi kaimer ma tomtom tingiimi mi kam ka pat, ina tomini korog ku men. Nu itum ta mboro. Mi sokorei ikamu ta lelem iur pa mbulu ta kembena? Ina nu kam pakaamjana piam tomtom som. Ina nu kam pa Anutu tau.”^a

⁵Ananias ileŋ men sua tingi mi imalaala. Itop su ma kup. Beso tomtom tileŋ uruunu na, motojana biibi ikam zin lup. ⁶To nanganj timar ma tizuki pa kawaala, mi tisiŋi ma tila titwi i.

⁷Timbot ma mologana ri, mana Ananias kusiini ile. Mi mbulu ta ipet pa Ananias na, ni iute som. ⁸Ile na, Petrus imanga mi iwi i. Iso: “Ai, nu so lak. Nu niomru kusim Ananias, toono ka ngomo munjaana men ta ti?” Moori ipekel ma iso: “E, ngomo ta tina.”

⁹To Petrus iso pini. Iso: “Lak, parei ta niomru kulup leleyom mi koso kotoombo Merere Bubujana? Leŋ. Wal ta titwi kusim ta timbotmbot kataama ndemeene i. Mi nu ko tisiŋu ma pera tomini.”

¹⁰Lak molo? Moori imalaala ma ila ituti su Petrus kumbuunu uunu ma kup. Nanganj tile ma tire i kup su ma imbotmbot, to tiroŋroongi ma tiyooto, mi tila titwi sula waene ziljaana uunu. ¹¹Uraata ti ipet ma lupjana ki Krisi ziŋan zin wal pakan tileŋ, to motojana biibi ikam zin lup.

Zin ngogjana titooro mos bibip pakan

¹²Yesu ngogjana kini timbotmbot mi titortooro mos mi uraata bibip boozomen pizin tomtom. Mi zin urlajana kan na, tiluplup zin se pooto ki Salumo ta imbot Urum Merere ziljaana na.^b ¹³Mi tomtom tila ma tigabgaaba zin sorok na som. Pa timoto. Tamen iwal biibi na, matan ise kizin mi tiwidit urun. ¹⁴Tabe moori ma tomooto na, iwal ma iwal

^x 4:36-37 Iŋgo 9:27, 11:22,30, 13:2 ^y 5:2 Yos 7:1-26 ^z 5:3 Lo 23:21+; Lu 22:3

^a 5:4 Mt 23:27+ ^b 5:12 Iŋgo 2:43; 2Kor 12:12

kat ta tiurla ki Merere, mi tila tigabgaaba zin ma tiwe boozo. ¹⁵Mi uraata boozomen ta iwedet. Tabe tomtom tikamam zin metenjan kizin izze ke pojana ma mi kizin, mi tikamam zin ma tilala zaala. Pa tikam ngar ta kembei: Sombe Petrus ipa ma ila igarau zin, mi so kunuunu men isalakaala zin, toinabe mburaana iyooto pini, mi iulu zin ma nin ndabok.^c ¹⁶Mi kar ta timbot koloujana pa Yerusalem na, ta kembena. Tikamam zin metenjan kizin ma wal kizin pakan ta bubujana sananjan tipasansaana zin na, mi tilala Yerusalem. To timokor men la kizin ngogjana, mi zin tiurpe zin ma nin ambai lup.^d

Zin bibip kizin Yuda tiseeze zin ngogjana matan

¹⁷Zin ngogjana tikamam ta kembena, tabe biibi kizin wal patoronjana kan, zijan gaabajana kini boozomen ta zin sadusi na, ngar sananjana izeebe zin ma matan mburmbur mi keten malmal kat pizin ngogjana. Paso, tire uraata kizin ilonloondo raama mburaana. ¹⁸Tabe timanga, to karau lae pizin, mi tizeebe zin lela ruumu sanaana.^e

¹⁹Mi mbej na, ajela ki Merere ta ila, to isol ruumu sanaana ka kataama pizin, mi ikam zin ma tiyooto ma tipera mat.^f ²⁰To iso pizin. Iso: “Kala ta Urum Merere kwoono, mi koso kat zin tomtom pa mbotjana popojana ti ka zaala.”

²¹Tana berek su na, tiloondo pa Urum Merere, mi timanga ma tikam sua pizin tomtom. Tito sua ta tilej kek na. Tikamam mi, biibi kizin patoronjana kan zijan zin gaabajana kini, tiboobo zin peeze kan kizin Israel zijan zin mborogan ta boozomen ma timar be tilup zin. Tilup zin ma timbotmbot, mi tingo menderjan pakan ma tila ruumu sanaana be tikam zin ngogjana. ²²Beso tiwwa ma tilela ruumu sanaana na, matan ru zin ma som. Tana timiili ma tila lupjana, to tisotaara zin. ²³Tiso: “Wai, niam amla ruumu sanaana na, ka kataama kotkaalajana, mi zin ta timborro kataamanjan i, timendernder. Tamen amkaaga kataama ma amlela na som. Tomtom som.” ²⁴Biibi kizin menderjan ta timborro Urum Merere i zijan bibip kizin patoronjana kan tilej sua sotaarajana tingi na, tikam ngar boozo. Tiso: “Wai, ingi kozo ko parei?”

²⁵Be molo som na, tomtom ta imar mi isotaara zin. Iso: “A, niom na kombotmbot? Mi zin wal ta kezeebe zin lela ruumu sanaana, ta tikamam sua pizin tomtom ta Urum Merere kwoono a.” ²⁶Biibi kizin menderjan ilej sua tana na, imanga mi iyo zin tomtom kini, to pai. Kanjan pataaja ma tila be tikam zin. Tamen rungun kembei malmal mi tila tikam zin som. Pa timoto kan. Kokena zin iwal biibi timanga pizin, mi tipun zin pa pat.

^c 5:15 Mt 9:21, 14:36; Iŋgo 19:12 ^d 5:16 Mt 8:16 ^e 5:18 Iŋgo 4:3 ^f 5:19 Mbo 34:7, 146:7; Iŋgo 12:7+, 16:26

27-28 Tila tikam zin ŋgojana makin, to timiili ma tila mi tipamender zin la zin bibip matan. Mi biibi kizin patoronjana kan iyaamba zin. Iso: “Kapaata to tana zaana ndabok! Niom taljoyom som? Niam kwoyam imbol piom kek. Irao koso zin tomtom pa tomtom tana pepe. Mi ŋgi kosoyaara uruunu ma irao Yerusalem kek. Parei? Niom koso kakam be kuur siŋ kini ka kadoono ise tiam?”^g

²⁹Petrus zijan ŋgojana pakan tipekel kwon ma tiso: “Niam ti amrao amto sorok sua ki tomtom sa na som. Bela indeeŋe Anutu ŋgar kini to amto.^h ³⁰Keleŋ. Yesu ta niom kupuni ma imeete sala ke pambaaraŋana, ta Anutu ki tumbundu bizin ipei i ma imanga mini kek.ⁱ ³¹Mi ipakuri mi iuri la itunu namaana woono, mi iwe koronj imap katuunu kek. Mi ni ulaaŋa kiti. Tana ni ta ko itooro iti Israel, mi ireege sanaana kiti ma ila ne.^j ³²Mi niam tiŋgi amre kat uraata kini, tanata ampombolmbol koronj tiŋgi ka sua. Mi niam men som. Bubujana Potomjana tomini ipombolmbol sua ti. Ni, Anutu ikami pizin tomtom ta boozomen ta titoto sua kini na.”^k

Ŋgar ambaijana ki Gamaliel

³³Zin tileŋ sua tana, to keten ibeleu kat ma tiso tipun zin ŋgojana ma timetmeete ma tila len pataaŋa. ³⁴Tamen tomtom ta ki lupjana tana, zaana Gamaliel. Ni tomtom zaanaŋana kizin ngarjan ki tutu. Mi zin iwal tau matan izze kini. Imanga to iso pa waene bizin. Iso: “Ai, kakam wal tina ma tipera mat muŋgu.” ³⁵Zin ŋgojana tipera, to ni iso pa lupjana tana. Iso: “Niom Israel, keleŋ. Kumbuulu zin loŋa pepe. Timbot mi iti takam kat ŋgar muŋgu, tona tuur len zaala sa. ³⁶Motoyom imiili pa Teudas. Ndaama pakan ta ila kek na, ni imar ipet, mi izzo pa itunu be ni tomtom toro. Ma tomtom tau sorok som (400), ta tila tito i. Lak, koozi imbotmbot i? Som. Tipuni ma imeete, to nangaŋ kini tikam pirik, mi kosa sa som. ³⁷Ni imar ila, to kaimeer ma mazwaana ta tikam tomtom zan na, Yudas ki Galilea imar ipet, mi ipese zin tomtom ma tito i, mi tila be tiziiri gabman ki Rom. Tamen ni tomini, tipuni ma imeete, mi tomtom kini tisu ma tiwe paŋaŋae sorok. ³⁸Tana koozi, nio leleŋ be aŋsope yom ta kembei: Wal tina, kumbuulu zin pepe. Kezem zin ma tila. Pa takankaana pa ŋgar mi uraata kizin. Sombe ki toono, nako tikam ma som.^l ³⁹Tamen sombe uraata ti imar pa Anutu, na niom ko karao be kokoto zin na som. Tana kere yom. Kokena niomjan Anutu koporou.”^m

⁴⁰Sua ki Gamaliel ikam ma titooro ŋgar kizin. Tana tiboobo zin ŋgojana ma tilela mini, to tibaliz zin, mi tiŋgalsek pizin be tila mi tiso

^g 5:27-28 Mt 23:35, 27:25; Ŋgo 4:18 ^h 5:29 Ŋgo 4:19; Ga 1:10; 1Tes 2:4 ⁱ 5:30 Ga 3:13

^j 5:31 Mk 16:19; Lu 24:47+; Ŋgo 2:38, 3:19 ^k 5:32 Lu 24:48; Yo 15:26+ ^l 5:38 Mt 15:13

^m 5:39 Lu 21:15

zin tomtom pa Yesu zaana mini pepe. To tizem zin ma tila. ⁴¹Zin ŋgoŋana tizem lupŋana mi tila na, lelen ambai kat ma menmeen zin biibi. Paso, tire ta kembei: Sombe tomtom tipamianj zin, mi tibaada patanana pa Yesu zaana, ina kembei pakurŋana."

⁴²Mi uruunu ambaiŋana soyaaraŋana na, tizem risa som. Aigule ta boozomen tikamam sua pizin tomtom su Urum Merere kwoono. Mi tilala ruumu kizin tomtom tomini ma tizzo zin bekena tiute: Yesu, ni Mesia.

Tiur wal lamata mi ru be tiuulu zin ŋgoŋana

6 ¹Indeeŋe mazwaana tana, zin wal ta titoto Yesu i timasak ma tiwe boozo. To zin Yuda tau tizzo Grik kalŋan i, tisu mi tikam sua boozo pizin wal tau tizzo Iburu kalŋan i. Tiso: Kini raiŋana mi koronj reegeŋana ta gorgori tikamam na, tirre zin noroŋa kizin Yuda ta tizzo Grik i som. ²Tabe zin ŋgoŋana laamuru mi ru tiboobo wal boozomen ta titoto Yesu i ma tilup zin, mi tiso pizin. Tiso: "Niom tonmatizij tiam, kere. Sombe amzem sua ki Anutu soyaaraŋana, mi amboro kini ma koronj raiŋana, ko Anutu leleene ambai? Som. ³Tana niom kaparre yom, mi kuur leyom tomtom lamata mi ru sa tau urun ambaimbaiŋan, mi len ŋgar ambaiŋana, mi Bubunana ikamam peeze pizin. To amur zin ma timender pa uraata taiŋgi.^o ⁴Mi niam ti, nako ambot kat pa sunŋana mi ambesmbeeze pa Merere pa sua kini soyaaraŋana."^p

⁵Wal ta boozomen tileŋ ma titiiri sua ta zin ŋgoŋana tipiri na, mi tiyok pa. To tiur Setepan (ni Bubunana Potomŋana izeebe kati mi urlanana kini imbol kat), mi Pilip, Prokorus, Nikeno, Timon, Pamenas mi Nikolas ta ki kar Antiok na. (Nikolas ti, naana ma tamaana Yuda som. Mi ni itoori ma iwe Yuda.) ⁶Mi tikam wal lamata mi ru tana ma tila kizin ŋgoŋana, to zin tiur naman sala uten ma tisunj pizin bekena tiur zin pa uraata.^{q r}

⁷Mi mazwaana tana, Anutu sua kini mburaana ma ila pizin tomtom boozomen. Tabe zin wal ta titoto Yesu i tiwe boozo kat su Yerusalem. Mi zin patoronŋana kan ta kembena, tomtom kizin boozo tileŋ la sua mi tiurla.^s

Titeege Setepan

⁸Setepan, ni tomtom tau Merere mburaana mi kampeŋana kini biibi imbotmbot se kini. Tana itortooro uraata mburanŋan mi mos bibip ma tomtom tire.^t ⁹Tamen zin Yuda pakan ki lupŋana ta, ta timbotmbot. Wal tana, munju tiwe mbesoonjo pizin tomtom pakan. Tamen buri na, tomtom sa imboro zin mini som. Mi timar pa kar Kairini, mi kar Aleksandria,

ⁿ 5:41 Mt 5:10+; Ŋgo 14:22; Pil 1:29; 1Pe 4:13 ^o 6:3 1Tim 3:2+; Tit 1:6+ ^p 6:4 Ro 1:9
^q 6:6 Wal lamata mi ru ta tiur zin pa uraata na, zin ta boozomen tizzo Grik kalŋan. Pa pisin kizin na, kizin Grik. ^r 6:6 Ŋgo 13:3; 1Tim 4:14 ^s 6:7 Ŋgo 12:24, 19:20 ^t 6:8 Ŋgo 2:43

mi lele pakaana ki Silisia, mi lele pakaana ki Asia. Timanga mi ziŋan Setepan tiparzooro pa sua. ¹⁰Tamen tirao i som. Pa Bubunjana Potomjana ipazalzali pa sua ta ni izzo pa Anutu ngar kini.^u ¹¹To tiru zaala pini, mi tipese tomtom pakan ma tila mi tiso sorok sua pakaamjana ta kembei. Tiso: “Niam ti amleŋ Setepan ipiri sua repiilijana pa Mose, mi Anutu tomini.”^v

¹²Tikam sua ta kembei, tabe tikuru zin ngarjan ki tutu mi zin mborongan ziŋan iwal biibi lelen ma timanga mi titeege Setepan. To tila mi tipamenderi la lupjana biibi kizin wal peeze kan matan. ¹³Mi tisokere zin tomtom ma timanga mi tipombol sua pakaamjana pa Setepan. Tiso: “To ti, gorgori iwirri sua sananjana pa Urum Merere potomjana tiŋgi mi tutu ki Mose. Izemzem som. ¹⁴Pa niam amleŋi isombe Yesu ki Nasaret, kola ireege urum ti ma isu lene, mi itooro mbulu mi tutu ta Mose ikam piti na tomini.”^w

¹⁵Beso zin peeze kan tau timbutul pa lupjana tana tileŋ ta kembei na, timap ma tikor matan pa Setepan. Mi tire runguunu na, kembei ta aŋela i.

Sua ki Setepan

7 ¹To biibi kizin patorongjana kan iwi Setepan ma iso: “Lak, sua ta tiso na, ŋonoono?”

Anutu ipet ki Abaraam isu lele pakaana ki Mesopotamia

²Mi Setepan ipekel kwoono ma iso:^x “O atongan mi tamaŋan, kuŋgun talŋoyom mi keleŋ sua tio ti. Mungu kat, indeeŋe tamanda Abaraam ila itu su kar Aran zen, mi imbotmbot men ta Mesopotamia na, Anutu ta azunŋka katuunu na ila ipet kini,^y ³mi iso pini ta kembei. Iso:

Zem toono ku ramaki wal ku, mi maŋga ma la pa toono tabe aŋso u pa i.^z

⁴“Tana Abaraam izem lele pakaana ki Mesopotamia ta toono kizin Kaldia na, mi ila itu su kar Aran. Tamaana imeete mi kaimer mana, Anutu iso pini mini, to isiri i ma imar lele ta buri tomtombot pa i.^a

⁵Mi Abaraam, Anutu ikam toono pakaana risa ma iwe lene kat i na som. Tamen imbuk sua pini be ikam toono tiŋgi pini mi poponjana kini tabe tipet pa kaimer i. Ŋonoono, mazwaana tana, Abaraam ipeebe pikin sa

^u 6:10 Lu 21:15 ^v 6:11 Mt 26:59+ ^w 6:14 Mt 5:17; Mk 14:57+; Yo 2:20+; Ŋgo 7:49

^x 7:2 Sua ki Setepan na, ka uunu ru. Ta na, Zin Yuda tikam ngar biibi kat pa toono kizin mi urum kizin ta imbot Yerusalem. Tamen Anutu imbot lele tana men som. Lele swoi ta wal kini timbot pa na, na ni imbotmbot raama zin. Mi uunu toro na, ta mungu mi imar, zin Yuda timbel Anutu kwoono bizin zooronjana. ^y 7:2 Un 11:31 ^z 7:3 Un 12:1

^a 7:4 Un 12:4+

zen. Tamen Anutu ikam sua mbukŋana tana pini.^b ⁶ Mi Anutu isope i tomini ta kembei:

Kaimer popoŋana ku ko tiwe leembe pa lele toro. Mi lele tana ka tomtom bizin ko tikam zin ma tiwe len mbesooŋo, mi tiseseze matan ma irao ndaama 400.^c

⁷ Tamen kaimer to nio kola aŋur kadoono pa toono tana ka tomtom bizin mi aŋpokot mbulu kizin, mi aŋkam zin popoŋana ku ma tizem lele tana, mi timiili ma timar mini be tisuf pio isu toono ti.^d

⁸ “Mi Anutu iur reetegana ma iwe kilalan pa sua ta imbuk la ki Abaraam na. Tana Abaraam ipeebe Isak mi imbot pa kozolwoono lamata mi tel, to ireeti. To Isak ipeebe Yakop mi ireeti. Mi Yakop ta kembena. Ipeebe lutuunu bizin laamuru mi ru na, ireete zin tomini. Mi zin tina ta tiwe undu bizin.^e

Anutu imbotmbot raama Yosep isu Aikuptu

⁹ “Yakop lutuunu bizin tana timbot ma matan mburmbur pa Yosep, to tongomooni ma ila Aikuptu mi iwe mbesooŋo su tana. Tamen Anutu imbotmbot raami,^f ¹⁰ mi itatke i pa patana kizi ta munŋana men. Mi ikam ŋgar ambaŋana pini. Tabe king kizin Aikuptu leleene pini, to iuri ma ikam peeze pa ruumu kizi ramaki koron kizi ta boozomen mi toono biibi ta Aikuptu a tomini.^g

¹¹ “To peteele biibi ipun zin Aikuptu ta boozomen ziŋan zin Kanaan ma timbot ŋoobo kat. Ikam ma tumbundu bizin tiru kan kizi ma maŋanakaala zin.^h ¹²⁻¹³ Yakopbi imbotmbot mi ileŋ kembei kizi wit imbot ta Aikuptu a, to isu na iŋgo lutuunu bizin ma tisula Aikuptu be tiŋgiimi kan kizi. Tikam kizi maŋiŋ to, timiili ma tila ki taman mini. Ina pai kizin mataana kana. Timbot to tisula mini pa Aikuptu ma iwe ru pa. Indeeŋe tana, Yosep iswe itunu pizin. Tabe king kizin Aikuptu, ni tomini iute Yosep wal kizi.ⁱ ¹⁴ Tona Yosep iso la pa tamaana mi toono ma tiziini bizin be tiyauyau mi timar kizi. Zin wal ta tisula na, zin tomtel lamoro mata (75).^j ¹⁵ Tana Yakopbi isula Aikuptu, mi ziŋan lutuunu bizin ta timetmeete su ta tiŋga.^k ¹⁶ Mi titwi zin isu Aikuptu som. Tikam zin, mi timiili ma tila pa kar Sekem, mi titwi zin sula naala ta Abaraam iŋgiimi la ki Amor lutuunu bizin na.^l

Mose

¹⁷ “Tumbundu bizin ta timbot Aikuptu na, timasak ma tiwe booŋo kat to, sua mbukŋana ta Anutu ikam la ki Abaraam na, ka nol igarau be

^b 7:5 Un 12:7, 17:8; Ibr 11:13 ^c 7:6 Un 15:13+; Kam 12:40 ^d 7:7 Kam 3:12

^e 7:8 Un 17:10+, 35:18 ^f 7:9 Un 39:2, 21+ ^g 7:10 Un 41:37+ ^h 7:11 Un 41:54, 42:1+

ⁱ 7:12-13 Un 42:1+, 45:1-16 ^j 7:14 Un 45:9+, 46:26+ ^k 7:15 Un 46:1+, 49:33

^l 7:16 Un 23:3+, 33:18+, 50:7+

Anutu ikam ma iur ŋonoono.^m 18 To king toro imanga ma ikam peeze pa Aikuptu. Mi ni ikam ngar pa Yosep som. 19 King tina imanga ma ikam pakaamjana pa tumbundu bizin, mi iseeze kat matan. Mi iur sua mboljana pizin be tikam lutun bizin popoŋan ta buri tipeebe zin i, mi tizem zin ma timboren bekena timetmeete ma tila len.”

20 “Indeeŋe gorgor tana na, Mose tipeebi ma isu. Ni pikin kaibiim, mi kamperjana ki Anutu imbotmbot se kini. Tuyeete bizin tikam per pini ma irao puulu tel,^o 21 to tizemi su yok kezeene, mi king lutuunu moori kadoono ikami ma iwe lene, mi ila imborro i.^p 22 Mose itum ma iwe tomtom, mi ikam ngar kizin Aikuptu ma imap. Mi ni tomtom mburaanajana, mi sua kini tomini mburaanajana.

23 “Imbotmbot ma ndaama kini tomtooru, to ikam ngar be ila ilou zin wal kini Israel.^q 24 Ila to ire tomtom ta ki Aikuptu ipunun sorok tomtom ta ki Israel. Tana iloondo ma ila na ilae ki Israel tana, mi ipun Aikuptu tana ma kup bekena ipokot mbulu kini. 25 Mi iso ko wal kini tikilaala kembei ni, Anutu ipeikati be ikamke zin pa patajana kizin. Tamen som.

26 Aigule toro na, Israel ru tiporrou. Mi Mose ila ma ire zin, to itoombo be ipeteke zin mibe ilup lelen. Tana iso pizin ma isombe: ‘Wai, niomru na sa toŋmatiziŋ na! Kaparpun yom ma kembena paso?’ 27 Tamen ni ta namaana imuungu pa malmal na, imanga to ipusuk Mose ma ilae ziljaana mi iso: ‘Nu tina, asiŋ iuru be we biibi piam mi urpe patajana tiam? 28 Parei? Nu so pun yo kembei ta neeri kam pa Aikuptu tana na?’ 29 Mose ileŋ sua tana, to imanga na iko ma ila lele molo ta kizin Midian. Ila iwe leembe isu tana, mi imbot ma iwoolo, mi ipeebe pikin tomooto ru.^s

30 “Ndaama tomtooru tomen imap ma ila, mi kaimer to aŋela ta ila ipet kini su lele bilimjana ta imbot igarau abal Sinai na. Imar kembei you miaana ta ibilbil lela ke matanmatanjana leleene.^t 31 Mose mata kunduunu ikam you, mi imurur. To iso ipa ma ila koloujana be ire kat. Som, mi ileŋ Merere kaljaana. 32 Isombe:

Inggi nio Anutu ki tumbum bizin tau. Nio Anutu ki Abaraam, Isak, mi Yakop.”

Mose ileŋ to motojana biibi ikami, mi iturke mataana.

33 Mi Merere iso pini mini. Iso: “Kinke kumbum keteene. Pa toono ta nu mendernder pa i, ina potomjana. 34 Leŋ. Nio aŋre zin Aikuptu kan tiseeze zin wal tio Israel matan ma timbot ŋoobo kat. Tiŋiizi kizin aŋleŋ kek. Mi patajana kizin, nio aŋute ma imap. Tanata inggi aŋsu be aŋtatke

^m 7:17 Kam 1:7 ⁿ 7:19 Kam 1:9+ ^o 7:20 Kam 2:2; Ibr 11:23 ^p 7:21 Kam 2:3+

^q 7:23 Kam 2:11+; Ibr 11:24+ ^r 7:26 Kam 2:13+ ^s 7:29 Kam 2:15+ ^t 7:30 Kam 3:1+

^u 7:32 Kam 3:6

zin la zin Aikuptu naman. Mi nu mar. Pa nio aḡsombe aḡgo u be miili ma la pa Aikuptu.”^v

Zooroḡana kizin Israel buriḡana som. Ta muḡgu mi imar

35 “Ina Mose tina, ta muḡgu lelen pini som mi tisombe: ‘Nu tina, asiḡ iuru be we biibi piam mi urpe pataḡana tiam?’ Mi tomtom tamen ta tina, ta Merere itunu iḡgo aḡela ma ila ipet kini su lele bilimḡana, mi iuri be ikam peeze pizin Israel, mibe iwe tun. 36 Mi ni tina, ta ikam zin ma tizem Aikuptu, mi itortoro uraata bibip mi mos boozomen isu Aikuptu, mi Tai Siḡsiḡḡana, mi lele bilimḡana ma irao ndaama tomtooru.” 37 Mi ni tina, ta iso pizin Israel ma iso:

Kaimer, Anutu ko iur tomtom tiom sa be iwe kwoono kembei ta nio i.^x

38 “Mose ziḡan tumbundu bizin, ta tiwe lupḡana ki Anutu isu lele bilimḡana na. Mi ni ziru aḡela, ta tizzo sua sala abal Sinai na, mi ikam sua mata yaryaaraḡana mi iso zin Israel pa, ta imar imar ma iti takamam i.^y

39 “Tamen tumbundu bizin lelen be tileḡ la Mose kalḡaana som. Titit sua kini, mi lelen be timiili pa Aikuptu. 40 To tisu mi tiso pa Aron. Tiso: Urpe lende merere pakan be timuḡḡu piti, mi tiso iti pa zaala. Pa tizim Mose ta ikam ti ma tezem Aikuptu ma tamar taḡḡi na, amkankaana pini. Ko kosa sa ikami ma ila ne kek.^z

41 “To timaḡa na tiurpe merere pakaamḡana ma runḡuunu kembei ta makau lutuunu. Mi tiyyo zin koron ma tikam patoronḡana be tipakur koron tau zitun tiurpe pa naman na, mi menmeen zin pa.” 42 Tana kaimer Anutu ipizil ndemeene pizin, mi izem zin ma timbeeze pa pitik ma puulu ramaki koron boozomen ta timbot saamba na irao zitun lelen ma ḡgar kizin. Ka sua imbot la sua ta muḡgu Merere kwoono bizin tibeede na. Isombe:

O niom Israel, ndaama tomtooru ta kawwa isu lele bilimḡana mi kakamam zin mbili ma koron pa patoronḡana na, kakam sa pio? Som.^b

43 Pa leleyom imbot molo pio. Tanata kuurpe merere pakaamḡana Molok muriini, mi kiziḡziḡ ramaki merere pakaamḡana Repan ta pitik i kunuunu. Ina merere tiom tina ta ituyom kuurpe bekenā kelek kumbuyom pizin.

^v 7:34 Kam 3:5+ ^w 7:36 Kam 7:11,14-17; Mbo 105:27 ^x 7:37 Lo 18:15; Iḡgo 3:22

^y 7:38 Kam 19:1-20:17 ^z 7:40 Kam 32:1+, 32:23 ^a 7:41 Mbo 106:19 ^b 7:42 Mbo 81:12; Yer 19:13

Tana ingi ko anmanga piom, mi anjiiri yom ma kala kewe panjaenae sorok pa lele molo ta imbot Babilon mbuleene kat.

Mungu zin Israel len urum jonoono sa som

44 “Indeenje tau tumbundu bizin tiwwa isu lele bilimjana na, tiwwa raama beeze potomjana ta iswe kembei Merere, ni imbotmbot raama zin. Beeze tana, Merere itunu ipatoongo Mose pa, mi kwoono imbol pini be ito ka mos ta ire sala abal na mi ipo kat.^c 45 Tumbundu bizin tiziinjiz beeze tana ma tila, to kadoono isu ki lutun bizin. Tila tipet toono Kanaan to, Anutu iziiri ka tomtom bizin ma tila len, mi Yosua ikam zin Israel ma tila tikam len. Mi beeze tana imbot imbot ma indeenje gorgor tau king Dabit ikamam peeze pizin Israel na.^d 46 Dabit, Anutu leleene pini. Tana imanja to iwi ten Anutu ki Yakop. Beso iyok, to iurpe le muriini sa be imbotmbot pa.^e 47 Tamen ni itunu ipo urum sa som. Lutuunu Salumo ta ipo.^f

48 “Tamen Anutu kor kana kat, ni imbotmbot lela ruumu tau tomtom tiwwa pa naman i som. Pa Anutu kwoono ta iso ta kembei:^g

49 Merere iso: Saamba, ina nio muriņ peeze kana.

Mi toono, ina kumbuj muriini.

Mi ruumu sojana ta koso kopo pio i?

Som lej lele tau be anmbormbooreņ pa i ingoi?^h

50 Som. Pa koronj ta munjaana men tingi, nio ituj ta anur zin.”

51 To Setepan iso pizin wal ta tipamenderi na ta kembei. Iso: “Niom tina kapa kat ki tumbuyom bizin. Pa niom zorzooroņoyom, mi ngar tiom imbol kat. Reetjana jonoono ta ki lelende i, na niom kuute risa som. Pa motoyom munjoyom, mi taljoyom pampamjoyom kembei zin wal ta tiute Anutu som i. Gorgori kozorzooro Bubujana Potomjana.ⁱ 52 Kere. Anutu kwoono bizin ta boozomen, tumbuyom bizin tizem tasa? Som. Anutu kwoono bizin ta mungu tisoyaara sua pa Tomtom Ndeenjana tabe imar na, tipun zin ma timap. Beso itunu imar na, ta kembena. Niom kusu kuuri la ka koi bizin naman, mi kupuni ma imeete.^j 53 Jonoono. Tutu ta ajela tiwe zaala pa ma isu na, niom kakam kek. Tamen koto som.”^k

Tipun Setepan ma imeete

54 Tileņ sua tana, to ipas kat keten mi tikařut zurun pini. 55 Tamen Setepan, ni Bubujana Potomjana izeebe kati, mi mataana sala saamba

^c 7:44 Kam 25:9,40, 26:30; Ibr 8:5 ^d 7:45 Yos 3:14+, 18:1, 23:9 ^e 7:46 2Sam 7:1+; Mbo 132:1+ ^f 7:47 1Kin 6:1+ ^g 7:48 Ngog 17:24 ^h 7:49 Yesa 66:1+; Mt 5:34+

ⁱ 7:51 Kam 32:9; Lo 10:16; Yesa 63:10; Ro 2:28+ ^j 7:52 Mt 23:31+; Lu 13:34; 1Tes 2:15

^k 7:53 Kam 20:1; Ngog 7:38; Ga 3:19; Ibr 2:2

to, ire Anutu azuṅka kini biibi, mi ire Yesu imendernder la Tamaana namaana woono.^l ⁵⁶To iso: “Kere. Nio aṅre saamba ikaaga, mi Tomtom Lutuuu, ni imendernder la Anutu namaana woono!”^m

⁵⁷Aa, iṅgi tileṅ sua koronḡana ri tingi, tabe orooro biibi isala, mi tizeeze talḡan, mi borok ma tila. ⁵⁸To tiyaaru tataati ma tila mi tizem kar na, tikor naman pini pa pat. Mi zin wal ta tipombol sua pakaamḡana pa Setepan na, tizun mburu kizin mat kana, mi tila tindou su nanḡan kaibiim ta kumbuunu uunu. Zaana Saul.ⁿ ⁵⁹Pat itoptop zalla Setepan ḡwaana, mi ni isuṅ. Iso: “O Merere Yesu, kam kunuṅ.”^o ⁶⁰To iṅgun kumbuunu, mi kalḡaana biibi ma iso: “O Merere, sanaana tau tikam pio i, na pokot pepe. Reege pizin.” Iso ta kembei, mi itop su ma kup.^p

Saul iseeze zin urlaḡana kan matan

8 ¹Saul, ni imbot mi ire meeteḡana ki Setepan na, iyok pa men tau. Mi indeeḡe aigule tana na, timaḡa be tikam malmal tau musaana som pa lupḡana ki Kriṣi ta imbot Yerusalem a. Tiseeze kat matan, tabe tiko papirik lup ma tilala pa Yudea ma Samaria ma. Mi zin ḡgoḡana men ta timbotmbot Yerusalem.^q ²Mi Setepan na, wal pakan ta titoto Anutu mbulu kini na, titwi i. Mi timbel tiṅjiizi pini. ³Mi Saul, ni imaḡa pa lupḡana ki Kriṣi, mi isombe ipambiriizi zin ma timap kat. Tana isinin zin ruumu, mi iyaaru tataata zin tomooto ma moori ma ilala iurur zin lela ruumu sanaana.^r

Pilip ikam uraata isu Samaria

⁴Zin tau tiko papirikḡan i, na tiwwa mi tizzoyaryaara uruunu ambaiḡana pizin tomtom isu kar ta boozomen ta tila pa i. ⁵Tana Pilip ta kembena, ni isula pa kar biibi ki Samaria, mi izzoyaryaara Kriṣi uruunu isu tana.^s ⁶Iwal biibi tileṅ sua ta ni izzo, mi tire mos ta itortooro, to timap tiṅgun talḡan pini. ⁷Pa bubuḡana sananḡan tiṅarakrak mi tiyotyoto pizin tomtom boozomen. Mi wal kaamaḡan ma narapeḡan boozomen, ta ni iurpe zin ma nin ambai lup.^t ⁸Tana zin tomtom ki kar tana menmeen zin biibi kat.

Simon ta tomtom ki naborou

⁹Kar tana, tomtom ta imbotmbot. Zaana Simon. Mi ni ikamam naborou. Tabe zin Samaria kan tire i ma kwon itaanda pini. Mi ni ipakurkur itunu ma kembei ta ni tomtom biibi sa.^u ¹⁰Ikam ma zin

^l 7:55 Mk 16:19; Lu 22:69 ^m 7:56 Mbo 110:1; Ro 8:34; Kol 3:1; Ibr 12:2

ⁿ 7:58 Iḡo 22:20; Ibr 11:37 ^o 7:59 Mbo 31:5; Lu 23:46 ^p 7:60 Mt 5:44; Lu 23:34

^q 8:1 Iḡo 1:8, 11:19 ^r 8:3 1Kor 15:9; Ga 1:13,23; Pil 3:6; 1Tim 1:13 ^s 8:5 Iḡo 6:5, 21:8

^t 8:7 Mk 16:17+ ^u 8:9 Iḡo 13:6+

tomtom ta boozomen timokorkor la kini. Wal zanjan mi zin sorrokjan tomini. Mi tizzo ta kembei. Tiso: “Wai, to ti, ni mburaana kembei Anutu itunu. Ko ikam Anutu runguunu ma inggi?” ¹¹ Mi naborou kini ta gorgori ikamam na, tomtom tire ma kwon itaanda pa. Tana tizemzemi som.

¹² Tamen Pilip izzoyaryaara sua pa uruunu ambaijana, mi Anutu peeze kini, mi Yesu Krisi zaana, to tomtom tiurla mi tikamam yok. Zin tomooto mi moori tomini.” ¹³ Mi Simon tomini, iurla mi ikam yok. Indeeje tana mi ila na, izemzem Pilip risa som kat. Itoto i ila kena. Itoto i ila kena. Pa Pilip itortooro uraata bibip ma koronj boozo. Tabe Simon irre ma kwoono itaanda.

¹⁴ Beso zin ngogjana ta timbotmbot Yerusalem na, tilej kar Samaria uruunu kembei tikan la Anutu sua kini kek, to tingo Petrus ziru Yoan ma tisula be tire zin. ¹⁵ Ziru tisula ma tipet, to tisuj pa Anutu be ikam Bubujana Potomjana pizin wal poponjan ta tiurla. ¹⁶ Pa tomtom kizin sa ikam Bubujana Potomjana zen. Tikam yok men pa Merere Yesu zaana bekena tiwe lene. ¹⁷ Tana Petrus ziru Yoan tiur naman isalakaala zin, mi tikam Bubujana Potomjana.”

¹⁸ Simon ta tomtom ki naborou na, ire zin ngogjana naman izalakalkaala zin tomtom mi tikamam Bubujana, to iur sorok pat ila kizin mi iso: ¹⁹ “Aiss, nio ti anjo anggiimi mburoyom tina. Beso tomtom sa imar mi nomonj isalakaali, tonabe ikam Bubujana Potomjana.”

²⁰ Tabe Petrus imanga na iso pini. Iso: “Wai Simon, koronj ta Anutu itunu leleene mi ikam piti sorok, ta nu su mini ma sombe ngiimi pa pat? Na nu ko la lem raama pat silba ku tana.” ²¹ Nu tina, itijan temender pa uraata tingi som. Pa lelem mi ngar ku indeeje pa Anutu mataana som.” ²² Tana tooro lelem, zem ngar ku sananjan tina, mi toombo ten ma suj pa Merere. Mi re. Ko ireeje sanaana ku, o som? ²³ Pa nio ajre u kembei lelem bok pa mbulu ki motom berber, mi sanaana ikis katu kek.”^z

²⁴ To ngar ki Simon ipet, mi isu na iso: “Wai, kena niomru kusuj pa Merere pio. Kokena sua tiom tana iur jonoono pio.”

²⁵ Petrus ziru Yoan tipombol sua ki Merere mi tiso zin Samaria kan pa makinj, to timiili ma tisala mini Yerusalem. Ziru tiwwa ma tila na, tikamam uruunu ambaijana pizin kar pakan ki Samaria ta timbot zaala ziljanziljan. Ta kembei, mi tila tuj la Yerusalem.

Pilip ikam uruunu ambaijana pa biibi ta imar pa lele pakaana ki Etiopia

²⁶ To Merere ajela kini ta, ipet ki Pilip mi iso: “Manga ma sala pa Yerusalem. Tona to zaala ta ipa pa lele bilimjana ma isula pa kar Gaza

^v 8:12 Ngog 2:38 ^w 8:17 Ngog 2:4, 19:1+ ^x 8:20 Mt 10:8; Ngog 2:38 ^y 8:21 Mbo 78:37; Ep 5:5 ^z 8:23 1Tim 6:9; Ibr 12:15

na.” ²⁷Pilip ileḡ sua ti, to imanḡa pa pai. Ila zaala lwoono na, ise ki tomtom ta, ni imar pa lele pakaana ki Etiopia.^a Mi tomtom tana, ni zaana biibi. Imborro pat mi koron zanḡan ki Kandake, ni moori ta imborro lele pakaana ki Etiopia na.^{b c} ²⁸Tomtom tana isala pa Yerusalem pa suḡḡana, mi suḡḡana tana imap. Tana ni mbuleene sala karis kini, mi iḡḡi be imiili mini pa kar kini i. Karis ikowo, mi ni iwatwaata sua ta mungu Anutu kwoono Yesaya ibeede na. ²⁹Pilip ise kini, to Bubunana iso pini. Iso: “Koguru karis tinḡa ma la kolounana.”

³⁰To Pilip iloondo ma ila karis uunu. Ila na, ileḡ tomtom tana iwatwaata ro ta Yesaya ibeede na. Tana Pilip iwi lae pini. Iso: “Ai, sua ta watwaata na, ute ka uunu?”

³¹Mi ni ipekel kwoono ma iso: “Wai, aḡute ko aḡute be parei? Bela tomtom sa iso yo pa.” To iso pa Pilip ma isala kini ta karis a. ³²Mi sua lwoono ta tomtom tana iwatwaata na, iso ta kembei:

Ni kembei sipsip ta tikami be tipuni.

Mi imaane kembei sipsip lutuunu ta iur niini mi tipup rumuunu na. Pa iso sua sa som.

³³Ni, tipasomi mi tipamenderi.

Mbulu ta tikam pini na, indeeḡe som.

Mi ni le tomtom sa be imender pini som.

Asiḡ ko ipit mbol pa poponana kini? Som.

Pa swoono ko imap karau men.”^d

³⁴Tana biibi kizin Etiopia isu to iwi lae pa Pilip. Iso: “A, nu so yo lak. Sua tinḡi, Anutu kwoono tana iso pa itunu, som iso pa tomtom toro sa?”

³⁵Tona Pilip kwoono ila pa sua tana, mi iso seeḡe ma ila, mi izzo i pa uruunu ambaiḡana ki Yesu. [³⁶Tilala ma tindeeḡe yok ta, to biibi tana isu na iso: “Mi parei pio? Irao anḡkam yok? Pa yok ta, ta tamar i.”^e ³⁷Pilip ipekel kwoono ma iso: “Nu sombe ur lelem imap ila ki Merere, ina ta tina. Rao kam yok.” Ni ipekel kwoono ma iso: “E, nio aḡurla. Yesu Krisi, ni Anutu lutuunu.”]

³⁸To ikam ma karis imender ma imbot, mi ziru Pilip tisula yok ma Pilip ikam yok pini. ³⁹⁻⁴⁰Ziru tizem yok ma tise, to biibi tana ire Pilip mini som. Pa Merere Bubunana, ta iwiti ma ila iuri su kar Asdot. Tana Pilip iwwa pa kar ta boozomen ki lele pakaana tana, mi izzo uruunu ambaiḡana pizin ma ila ipet kar Sisarea. Mi biibi tana, ni imiili ma ila kar kini raama menmeen i biibi kat.^f

^a 8:27 Etiopia, ina lele pakaana ta ki Aprika. Mi imbot molo kat pa Yerusalem.

^b 8:27 Tomtom tina, tipal lembeene ma isu. Pa mazwaana tana tikamam mbulu ta kembei pizin tomooto ta tikamam uraata pa king ma kwin. Kokena timbuulu moori kizin sa. Buk Lo 23:1 iso wal ta kembei irao tigaaba Anutu wal kini pa suḡḡana kizin som. Tamen sua ti iswe kembei Anutu iyok pizin wal ta kembei raraate kembei ta wal pakan.

^c 8:27 Mbo 68:31, 87:4 ^d 8:33 Yesa 53:7+ ^e 8:36 Iḡo 2:38, 10:47 ^f 8:39-40 Iḡo 21:8

Yesu itooro Saul

(*Ngogana 22:3-16, 26:9-18*)

9¹⁻²Indeeŋe mazwaana tana, ngar sananŋana izebzebe men Saul, mi ni ikamam sua pamotoŋana pizin wal ta titoto Merere na. Pa isombe ipun zin ma timetmeete lup. Imbot ma som, mi ikam ngar. Iso: “O, nio ko aŋla kar Damaskus tomini. Beso aŋdeŋe tomtom pakan ta titoto zaala ki Yesu isu tana, to aŋyo zin ma timar ta Yerusalem i.” Tana ila ma ire biibi kizin patoronŋana kan, mi iwi i be ibeede sua yokŋana pini. To ikam ma ila be lupŋana kizin Yuda ta timbot kar Damaskus na tire. Naso zaana imbot mat pa uraata kini.

³Saul imbel pai. Ila ila ma igarau kar Damaskus na, azuŋka tau imbot saamba mi ikelyaara su pini ma kembei ta lele ikimit i. ⁴Tabe itop su toono, mi ileŋ sua ta kembei: “Saul, Saul, parei ta nu noknok motoŋ seezeŋana?”

⁵Saul ipekel ma iso: “O biibi, nu asiŋ?” To pekelŋana imar. Iso: “Ingi nio Yesu ta nu seseeze motoŋ na.”⁶ Maaŋa ta buri mi lela kar, to leŋ sua pa mbulu tabe kam i.”

⁷Mi zin wal ta ziŋan Saul tiwwa na, len sua som. Timbot mi tire men. Pa tileŋleŋ sua ta imarmar, mi tire tomtom sa som. ⁸Saul burup ma imaaŋa na, irao ire lele som. To titeegi mi tilela kar Damaskus. ⁹Ni mataana ipis ma imbot pa aigule tel. Mi mazwaana tana, ikan kini sa som, iwin yok sa som.

¹⁰Kar Damaskus na, tomtom ta tau itoto Yesu i, ni imbotmbot. Zaana Ananias. Ni ikeenetondo, mi ileŋ Merere iso sua pini ma iso: “Ananias o!” Ananias iso: “Oi Merere, nio aŋbotmbot i!”

¹¹To Merere iso pini. Iso: “Maaŋa mi la pa zaala ta tipaata tisombe Zalŋana na. La to, lela ruumu ki Yudas mi wi pa tomtom ta ki kar Tasus, zaana Saul. Pa izuŋzuŋ a. ¹²Inga ikeenetondo u, mi ire u pa ma la kini mi nomom isalakaali, to mataana ikam pak mini.”

¹³To Ananias iso: “Mi Merere, tomtom tina, wal booze tiso uruunu ma aŋleŋ kek. Wal ku potomŋan ta timbot Yerusalem a, ni ikamam mbulu sananŋan boozomen pizin.”^h ¹⁴Mi zin bibip kizin patoronŋana kan tiuri ma zaana be ikam mbulu raraate men pizin wal tau tizuŋzuŋ pa nu zom isu kar ti tomini.”

¹⁵Tamen Merere iso pini ma iso: “Soom. La. Pa tomtom tana, nio ituŋ aŋpeikati be ikam uraata tio, mibe iswe zoŋ ila ki zin wal ta Yuda somŋan i, mi zin king, mi zin Israel matan tomini.”ⁱ ¹⁶Mi patanŋana tabe ibaada pa nio zoŋ kana, ina nio ituŋ ko aŋso i pa.”^j

* **9:5** 1Kor 15:8 ^h **9:13** Ngogana 8:3 ⁱ **9:15** Ngogana 26:16+; Ro 1:5; Ga 1:15+; 1Tim 1:12

^j **9:16** Lu 21:12+; Ngogana 20:23; 2Kor 6:4+, 11:23+; 2Tim 2:9

¹⁷To Ananias ila mi kanjan ma ilela ruumu ki Yudas. Ilela na, iur namaana ru isala Saul ŋwaana, mi isombe: “O tiziŋ Saul, Merere Yesu, ta nu mar pa zaala mi ni ipet ku na, ni isombe nu re lele mini mi Bubunana Potomŋana izeebu. Tanata ŋgo yo ma aŋmar i.” ¹⁸Molo som na, koronj ta ipakaala Saul mataana na, ikam pok mi itop su. To ire lele mini. Mi isu na ikam yok pataaŋa.^k ¹⁹Kaimer ma ikan kini, to mburaana imiili mini. To ziŋan zin wal ki kar Damaskus ta titoto Yesu i, timbot su Damaskus pa aigule pakan.

Saul imanŋa pa sua soyaaraŋana isu Damaskus

²⁰Saul inamnaama som. Imanŋa pataaŋa na ilelala lupŋana murin kizin Yuda, mi izzoyaryaara sua ta kembei: Yesu, ni Anutu Lutuunu. ²¹Tabe zin wal tau tileŋ i na, timap timurur pini. To tisu mi tiso ta kembei: “Wai, to ta koronj mi ikamyaryaara zin wal ta tizunzun pa Yesu zaana isu Yerusalem, ta ŋgi isu mi iso mini kembei? Iti toso ko imar be iyo zin wal ki kar tiŋgi ta titoto Yesu i, ma tila kizin bibip kizin patoronŋana kan ta Yerusalem a.”^l

²²Anutu ipombolmbol Saul ma sua kini mburaanaŋana kat. Tabe ikam ma zin Yuda ta timbotmbot Damaskus mi tileŋi na, tiru zalan pa sua. Pa izzo pa sua muŋgunana ta iur ŋonoono ise ki Yesu. Tana sua kini iswe kat ta kembei: Yesu, ni Mesia.^m

²³Zin Yuda timbot ma aigule boozomen ilae, to tisu mi timbuuru kana. ²⁴Mbeŋ ma aigule tizaŋzaaŋi su ta zaala kwoono. Beso tire i, to tipuni ma imeete. Tamen tingal Saul talŋaana pa kiizi kizin tana, ²⁵mi mbeŋ ta na, wal pakan ta titoto Yesu i, tiuri sula tiigi, mi tipabeleu i pa siiri ndemeene, mi titu i ma isula.ⁿ

Saul ila Yerusalem

²⁶To Saul iko ma ila pa Yerusalem. Ila ipet to, isombe igaaba zin wal tau titoto Yesu i. Mi zin tiurla kembei ni itoori ma iwe Yesu lene i na som. Tana timoto i lup.^o ²⁷Tamen Panabas, ni iwe zaala pini. Ikami ma ila kizin ŋgoŋana, mi iso zin pa mbulu ta pet pa Saul na. Iso: ‘Saul ila ma Merere ipet kini isu zaala lwoono, mi iso sua pini. To Saul ila Damaskus, mi imender mbolŋana, mi ikam sua pizin tomtom pa Yesu zaana. Imoto som.’^p ²⁸Tileŋ sua tana, to lelen ambai pa Saul, mi ni igabgaaba zin ma ziŋan timbotmbot ta Yerusalem. Mi ni imender mbolŋana kat, mi iwwa pa Yerusalem, mi ikamam sua pizin tomtom pa Yesu zaana. ²⁹Ni ziŋan zin Yuda ta tizzo Grik kalŋan i tiparzorzooro pa sua, to timanŋa na tiso tikam be tipuni ma imeete. ³⁰Tamen zin toŋmatiziŋ ki Krisi tileŋ sua

^k 9:18 Ŋgo 2:38 ^l 9:21 Ŋgo 9:2+; Ga 1:23 ^m 9:22 Ŋgo 5:42, 17:3, 18:5

ⁿ 9:25 2Kor 11:32+ ^o 9:26 Ga 1:17+ ^p 9:27 Ŋgo 4:36; 1Kor 9:1, 15:8

tana, to tikami ma tisula kar Sisarea, to tiuri ma ila lene pa kar kini Tasus.

³¹Tona lupjana ki Krisi ta timbot irao lele pakaana ki Yudea, Galilea, mi Samaria na, timbot ambai. Kosa sa imbuulu zin mini som. Mi Bubujana Potomjana ipombolmbol zin, mi timototo Merere mi titoto mbulu kini. Tana timasaksak ma tiwe boozo.^q

Petrus iurpe tomtom narapejana ta isu kar Lidda

³²Petrus, ni izzu ma ize pa lele ta boozomen. Aigule ta na, isula kar Lidda be ilou Anutu wal kini potomjana ta timbot tana. ³³Ila ipet na, indeeje tomtom narapejana ta, zaana Aineas. Ni ra, imbel keenejana. Pa ikeene pa ndaama lamata mi tel kek. ³⁴Petrus ila ire i, to iso pini. Iso: “Aineas, Yesu Krisi iurpe u ma nim ndabok. Manga mi lek murim.” Iso ta kembei mi Aineas burup ma imanga pataja.^r ³⁵Zin Lidda kan mi Saron kan ta munjaana men na, tire i, to titooro lenen mi tiurla ki Merere.

Petrus ipei moori ta ma imanga mini isu kar Yoppa

³⁶Kar Yoppa na, moori ta itoto Yesu i imbotmbot, zaana Tapita. (Tipaata pisis tana ila Grik kaljan, tisombe Dorkas.) Ni ikamam uraata ambaimbaijan boozomen mi iuluulu zin wal tau timbot joobo pa kan kini ma len mburu ma. Tana welu kini ambaijana kat.^s ³⁷Indeeje mazwaana tana, ni mete ikami ma imeete. Tana tiurpe i, mi tiuri sala ruumu leleene ta imbot kor na ma imbotmbot. ³⁸Kar Lidda mi Yoppa na, tipargarau zin. Tana zin wal ta titoto Yesu i tilenjembei Petrus imar imbotmbot Lidda, to tingo wal ru ma tila, mi tisotaari pa mooribi tau. Tiso: “Aiss Petrus, niam leyam patajana ta, ta amar i. Parei? Ko irao mar ma itijan tala ta buri?”

³⁹To zijan Petrus tila. Tipet kar na, tikam Petrus ma isala ruumu leleene ta imbot kor na. Per sala na, zin noroja ra, tila ma tiliu i. Mi titantjan, mi tiso i pa mburu ta Tapitabi imbotmbot mata yaryaara mi ikamam pizin na. ⁴⁰Petrus isu na iser zin wal ta timbot ruumu leleene na, ma tiyooto lup. Tiyooto makiŋ na, iŋgun kumbu mbukuunu mi isuŋ. To itoori ma kereene ila ki uri mi iso pini. Iso: “Tapita, manga!”^t

Molo som na, moori mataana ikam pak, mi ire Petrus. To imanga mi mbuleene su. ⁴¹Petrus iteege su pa namaana mi iwiti ma imanga imender, to iboobo zin noroja mi Anutu wal kini ma timar na, tire Tapita mataana iyaara mini ma imbotmbot. ⁴²Uraata ti uruunu irak ma irao kar biibi Yoppa. Tabe tomtom boozo tiurla ki Merere. ⁴³Mi Petrus, ni izem kar Yoppa loja som. Ila ki Simon tau ikamam uraata pa buzur kulin na, ma ziru timbot pa mazwaana ri.

^q 9:31 Ŋgo 2:41+, 4:32+ ^r 9:34 Ŋgo 3:6, 14:8+, 28:8+; Yems 5:14+

^s 9:36 1Tim 2:10, 5:10; Tit 3:8 ^t 9:40 Mk 5:41+; Lu 7:14; Yo 11:43+; Ŋgo 20:9+

Konili iso la pa Petrus be imar

10 ¹Kar Sisarea na, tomtom ta imbotmbot, zaana Konili. Ni biibi ta kizin malmal kan ta timar pa toono Itali na. Imborro tomtom tomtoto lamata. ²Mi ni Yuda som. Tamen ziŋan wal boozomen ta timbot ruumu kini na, timototo Anutu mi titoto mbulu kini, mi tigabgaaba zin Yuda pa suŋjana kizin. Mi ni ikamam sorok koronj boozo pizin Yuda ta timbot ŋoobo i. Mi ni tomtom ki izuŋzuŋ pa Anutu totomen.

³Aigule ta na, zonj mataana ikam kembei tel, mi ni ikeenetondo. Mi ire kat aŋela ki Anutu ta imar kini mi iboobi. Iso: “Konili o!”

⁴Konili igeedi mi imoto. Imbot ma som mi iso: “Biibi, parei?”

Mi aŋela iso pini. Iso: “Suŋjana ku ramaki mbulu ku ambaijana ta uluulu zin sorrokjan i, na Anutu ire kek. Mi mataana iŋgalŋgal mi leleene ambai pa kembei ta patoronjana ambaijana.” ⁵Kar Yoppa na, tomtom ta imbotmbot, zaana Simon Petrus. Iŋgo wal pakan ma tila kini be tikami. ⁶Imbotmbot ki Simon toro ta ikamam uraata pa buzur kulin na. Ruumu kini imbot ta tai a.”^v

⁷Aŋela iso sua tana makin, to izemi mi ila lene. To Konili iboobo mbesoonjo kini ru ta tikamam uraata pa ruumu kini na, mi tomtom kini malmal kana ta tau imbesmbeze pini. Tomtom tana, ni tomini itoto mbulu ki Anutu. ⁸Konili iso zin pa mbulu boozomen ta ipet na makin, mana iŋgo zin ma tila pa kar Yoppa.

Petrus ikeenetondo

(Iŋgo 11:5-14)

⁹Aigule toro, zonj mataana ikam kembei palakuutu na, zin tel tana tiwwa ma tigarau kar Yoppa. Indeeŋe tana, Petrus isala pa pooto ta imbot ruumu uteene na be isuŋ. ¹⁰Imbotmbot ma peteli, to iso ikan ka kini. Tikamam uraata pa ka kini, mi ni isu na ikeenetondo. ¹¹Mataana isala na, ire saamba ikaaga mi koronj kembei ta kawaala biibi i, timbuk tumbuntumbun paŋ, mi titu ma isu. ¹²Mi buzur matakiŋa ta tisula kawaala tana. Kar kan, su kan, koronj karrajan, mi zin man ta tirrie sala maŋaanaŋana na. ¹³Molo som na, ileŋ sua ta kembei: “Petrus, maŋa, pun zin mi kan.”

¹⁴Mi Petrus iso: “E-e Merere, irao aŋkan na som kat. Pa munŋu munŋu mi imar na, kwonj iteege koronj sa ta kembei pasa zen. Koronj pakan tina ambai pa kanjana som. Pa tutu iŋgalsek pa.”^w

¹⁵To ileŋ sua mini ma iwe ru pa. Iso: “Koronj ta Anutu itunu ikam ma iwe ŋgeezana na, nu re kembei sananjana pepe.”^x ¹⁶Iso ta kembei pa tel, mi kawaala imiili ma isala mini pa saamba.

^u 10:4 Tur 8:4 ^v 10:6 Iŋgo 9:36 ^w 10:14 Wkp 11:1+ ^x 10:15 Mk 7:14+; Ro 14:14-20; 1Tim 4:3+

¹⁷Petrus imanga ma ikamam ngar booza pa koron ta ire na, mi tomtom tel ta Konili iŋgo zin na, timar mi tindeene Simon ruumu kini ma timender su kataama kwoono. ¹⁸To tiwi ma tiso: “Simon ta zaana toro Petrus na, imbotmbot, som som?”

¹⁹Petrus ikamam ngar pa koron ta ire na, mi Bubunana iso pini. Iso: “Simon, tomtom tel tiru u a. ²⁰Manga ma sula re zin. Mi lelem iwe ru pepe. La gaaba zin ma niomŋan kala. Pa iŋga nio aŋgo zin ta timar na.” ²¹Tana Petrus isula kizin to iso: “Nio ta ituŋ ti. Mi parei ta kamar kuru yo?”

²²To tiso: “Konili ta imborro zin malmal kan tomtom lamata i, ni iŋgo yam ta amar i. Ni tomtom ndeeneŋana, mi imototo Anutu mi itoto mbulu kini. Tana Yuda ta boozomen timap tiwidit uruunu. Neeri ŋonoono, ni ikeenetondo mi ire aŋela potomŋana ta ipet kini. Mi iso pini be iboobu ma la ruumu kini, mi kam sua pakan pini ma ileŋ.” ²³Petrus imanga na ikam zin ma tilela pa ruumu tau ni imbotmbot pa i.

Petrus ila ki Konili

Tikeene ma aigule toro to, ziŋan Petrus timanga ma tila. Mi zin toŋmatiziŋ pakan ta ki kar Yoppa i tomini tigaaba zin. ²⁴Tiwwa ma tila ma aigule toro to tipet Sisarea. Mi Konili, ni iyogeege zin wal kini mi waene bizin pakan tomini, mi ziŋan tinamnaama zin ma timbotmbot. ²⁵Petrus ila mabe iloondo pa ruumu, mi Konili ila to itop su kumbuunu uunu beken a ipakuri. ²⁶Tamen Petrus ipeteke i ma iso: “Wa, kam kembena paso? Manga! Pa nio iŋgi tomtom raraate kembei ta nu na.” To iwiti ma imanga.^y

²⁷Ziru tizzo sua ma tilela na, Petrus mataana pokpok pizin iwal biibi ta tilup zin ma timbotmbot. ²⁸To iso pizin. Iso: “Ou, niom kuute lup kek. Niam Yuda, tutu tiam imender ta kembei. Zin wal ta Yuda somŋan i na, irao amgaaba zin som, amgarau zin som. Tamen Anutu, ni iso yo kek ta kembei: Irao aŋur ŋgalseki pa tomtom sa na som. Mi irao aŋso tomtom sa, ni sananŋana pa Anutu mataana na som.^z ²⁹Tana sua tiom ila, mi iŋgi aŋmar i. Aŋkam zoroŋana som. Lak, parei?”

³⁰Konili iso: “Wai! Mi nio ti, uriiza, zoŋ mataana ikam tel kembei ta buri na, aŋzuŋzuŋ su ruumu tio ti. Mi molo som na, aŋre tomtom ta. Mburu kini milmilŋana. Imar imender su kereŋ uunu mi iso: ³¹‘Konili o, suŋŋana ku, Anutu ileŋ kek. Mi mbulu ku ambaiŋana ta uluulu zin sorrokŋan na, ni mataana iŋgalŋgal.^a ³²Tana ŋgo wal pakan ma tila kar Yoppa be tikam Simon ta zaana toro Petrus na. Imbotmbot ki Simon toro ta ikamam uraata pa buzur kulin na. Ruumu kini imbotmbot ta tai a.’ ³³Tanata aŋgo

^y 10:26 Iŋgo 14:15; Tur 19:10, 22:8+ ^z 10:28 Iŋgo 15:8+; Ep 2:11+ ^a 10:31 1Kor 15:58; Ibr 6:10

zin tomtom ma tima ku karau men. Ma ingi mar ma ambai kat. Mi niam munjoyam ta amar amlup yam su taingi pa Anutu mataana. Tana sua ta munjaana men tau Merere iur ma ku be kam piam na, so ma amleŋ.”

Zaala ikaaga pizin wal ta Yuda somŋan i

³⁴To Petrus imanga mi iso: “Oo, buri na, ngar tio ipet mi aŋkilaala i. Iŋonoono kat. Merere, ni iur leleene pizin wal pakan, mi wal pakan som na som.^b ³⁵Ni iur leleene pizin wal ta boozomen. Tana tomtom ta sombe imoto i, mi ikamam mbulu ta indeeŋe men pa ni mataana, na ta tina. Ni, Merere leleene pini.^c ³⁶Iŋonoono, uruunu ambaiŋana ta iso iti pa zaala tabe itian Anutu taparlup ti ma tewe tamen pa i, na Anutu ipumuungu piam Israel. Zaala tana imbot la uraata ki Yesu Krisi. Mi ni Merere kizin tomtom ta boozomen.^d

³⁷⁻³⁸“Mi uraata biibi tau ipet ma irao lele pakaana ki Yudea na, niom ko keleŋ sa kek. Indeeŋe tau Yoan ikamam sua pizin tomtom pa yok kamŋana na, Yesu ki Nasaret, ni imanga pa uraata kini isu Galilea. Ni, Anutu iroogi mi iuri pa uraata kini. Pa isilou i pa Bubugana Potomŋana, mi ipomboli pa itunu mburaana. Tanata izzu ma izze pa uraata ambaimbaiŋan, mi iurpewe wal boozomen ta Tomtom Sanaana mburaana ikototo zin na. Pa ni, Anutu imbotmbot raami tau.^e

³⁹“Uraata kini boozomen ta ikamam su lele pakaana ki Yudea mi Yerusalem na, niam ti amre kat pa motoyam. Tanata ampombolmbol ka sua. Uraata kini tana, ta ikam ma tipuni ma imeete sala ke.^f ⁴⁰Tamen aigule iwe tel pa, to Anutu ipei i ma burup ma imanga mini pa naala, mi ipatoonji pizin tomtom pakan ma tire kati. ⁴¹Mi indeeŋe ta ni imanga pa naala na, ila ipet kizin iwal boozo som. Niam men ta ipet tiam mi amre i, mi niamŋan amkan kini. Pa Anutu ipeikat yam ta munŋu kek be amender pa sua kini mi ampombol.^g ⁴²Mi ni itunu iur sua piam be amsoyaara sua pizin Israel ta kembei: Ni, Anutu iuri be itiiri zin tomtom pa mbulu kizin, mibe iur kadoono pizin. Zin ta matan yaryaaraŋan, mi wal meeteŋan tomini.^h ⁴³Mi Anutu kwoono bizin ta boozomen, sua kizin ipombol sua kini ma iso ta kembei: Wal boozomen ta so tiurla kini, inako ni iwe zaala pizin be Anutu ireeŋe sanaana kizin.”ⁱ

Anutu ikam Bubugana Potomŋana pizin wal ta Yuda somŋan i

⁴⁴Petrus izzo sua tana, mi Bubugana Potomŋana tau isu ma isalakaala wal ta boozomen ta tileŋleŋ sua i. ⁴⁵⁻⁴⁶Zin Yuda pakan ta tiurla ki Krisi

^b 10:34 Mt 16:19; Ro 2:11; Ep 6:9; 1Pe 1:17 ^c 10:35 Ro 2:10+; 1Kor 12:13; Ga 3:28;

Ep 3:6; Kol 3:11 ^d 10:36 Ro 10:12; Ep 2:14; Kol 1:20; Tur 17:14 ^e 10:37-38 Yesa 61:1

^f 10:39 Iŋgo 2:32, 5:30 ^g 10:41 Lu 24:36+ ^h 10:42 Mt 28:19+; Iŋgo 17:31; Ro 14:9+;

2Kor 5:10 ⁱ 10:43 Yesa 53:5; Ro 10:9; 1Yo 2:2,12

mi ziŋan Petrus timar na, tire Bubunana isalakaala zin wal tana, mi tilen zin tizzo karkari kalŋan mi tipakurkur Anutu, to timurur mi tisombe: “Wai, wal tiŋgi, zin Yuda som. Mi iŋgi Anutu ikam pizin ta kembei tomini?”^j

⁴⁷To Petrus isu mi iso: “Asiŋ irao iŋgalsek pizin wal ti be tikam yok? Som. Zin iŋgi tikam Bubunana Potomŋana raraate kembei ta iti.”^k ⁴⁸Tana Petrus iso pizin ma tikam yok pa Yesu Kisi zaana. Kaimer mana tibiigi Petrus ma ziŋan timbot pa aigule pakan.

Petrus isope zin Yerusalem kan pa uraata kini

(Ŋgo 10:9-44)

11 ¹Zin ŋgoŋana ziŋan zin toŋmatiziŋ ki Kisi ta timbotmbot irao lele pakaana ki Yudea na, tilen zin wal ta Yuda somŋan i urun kembei zin tomini tikan la Anutu sua kini kek. ²Tabe Petrus isala Yerusalem na, zin tau timbolmbol pa tutu ki Mose mi reetenana na, tiyyo kwon pini. ³Tiso: “Petrus o, nu tina la ma niomŋan zin wal ta tireete zin som na, kakanan kini isu ruumu kizin, na?”

⁴Petrus imanga to isinin mbulu boozomen ta ipet pini na. Iso: ⁵“Kelen, nio ti aŋbotmbot ta kar Yoppa, mi aŋzunzun. Mi aŋkeenetondo, mi motoŋ sala na, aŋre koron kembei ta kawaala biibi i. Timbit tumbuntumbun paŋ mi titu ma isu. Isu isu ma isu ta kereŋ uunu i. ⁶Mi motoŋ isula kawaala leleene na, aŋre buzur matakiŋa. Kar kan, su kan, pakan ta tikarra i, mi man ta tirrie sala maŋaanaŋana i tisula ma bok. ⁷Molo som na, aŋlen kalŋaana ta iso ta kembei: ‘Petrus o, manga! Pun zin, mi kan.’

⁸“To aŋso: ‘E-e Merere, irao aŋkan na som kat. Pa mungu mungu mi imar na, koron ta kembei isula kopon pasa zen. Koron pakan tina ambai pa kanŋana som. Pa tutu iŋgalsek pa.’^l

⁹“To sua imbot saamba mi isu ma iwe ru pa. Iso: ‘Koron ta Anutu itunu ikam ma iwe ŋgeezenana na, nu re kembei sananŋana pepe.’^m ¹⁰Iso ta kembei pa tel, to koron ta boozomen imiili ma isala mini pa saamba.

¹¹“Molo som na, tomtom tel ki kar Sisarea ta tiŋgo zin pio na, timar timender ruumu tau nio aŋbotmbot pa i, ka kataama kwoono. ¹²Mi Bubunana iso pio be lelen iwe ru pepe, mibe aŋgaaba zin ma niamŋan amla. Zin toŋmatiziŋ lamata mi ta ti tomini. Niamŋan amla mi amlela tomtom tana ruumu kini. ¹³To ruumu katuunu imanga na iso piam ta kembei. Ni ire aŋela ta ila ipet kini su ruumu kini mi iso: ‘Ŋgo wal pakan ma tila kar Yoppa be tikam Simon ta zaana toro Petrus na ma imar. ¹⁴Pa ni ko ikam sua piom. Mi sua kini ko iwe zaala pu mi wal boozomen ta timbot ruumu ku na be Anutu ikamke yom.’

^j 10:45-46 Mk 16:17; Ŋgo 2:4, 11:15; Ga 3:14 ^k 10:47 Ŋgo 15:8+ ^l 11:8 Wkp 11:1+
^m 11:9 Mk 7:14+; Ro 14:14-20; 1Tim 4:3+

¹⁵ “Tana anmanga be anso sua, mi Bubujana Potomjana isu ma isalakaala zin. Ikam raraate kembei tau mata popoten ikam piti na. ¹⁶ To motoŋ ingal Merere kaljaana ta isombe: ‘Yoan ikam yok pizin tomtom. Mi niom, nako kakam Bubujana Potomjana ma isalakaala yom.’” ¹⁷ Kere. Mungu iti tuurla ki Merere Yesu Krisi, mi Anutu ikam Bubujana piti. Mi ni ikam koronj pizin wal tana raraate men kembei ta ikam piti na. Kena nio asin ta anrao be anjooro Anutu? Pa koronj tinji imar pa ni itunu tau.”^o

¹⁸ Tilenj ta kembei to, timbuulu sua pini mini som. Mi tipakur Anutu zaana ma tiso: “Ʋonoono kat. Anutu, ni ipomoozo zin wal ta Yuda somjan i tomini, mi ikam zin ma titooro lenen, beken a tikam mbotjana ta ki Anutu i.”^p

Lupjana ki Krisi ta imbot su kar Antiok

¹⁹ Indeeje tipun Setepan mi imar na, wal ki Krisi tibadbaada patajana biibi pa sua ki Merere. Tana timureege, mi tiko kinakija pa lele pakaana ki Ponisia, mutu Saiprus, mi kar Antiok. Tiwwa na, tikamam sua pizin Yuda men.^q ²⁰ Mi tomtom kizin pakan ta timar pa mutu Saiprus mi lele pakaana ki Kairini na, tila pa kar Antiok, to tiso zin Grik tomini pa uruunu ambaijana ki Merere Yesu. ²¹ Mi tiwwa raama Merere mburaana, tana iwal biibi ki kar tana tiurla ki Merere mi titooro lenen.”^r

²² Uraata ti uruunu ila ipet ta Yerusalem mi lupjana ki Krisi tilenj, to tinjo Panabas ma ila kar Antiok be ire zin.^s ²³ Ila ma ipet na, ire kampejana biibi ki Anutu ta imbotmbot se kizin, tana menmeeni pa. Mi ipombolmbol zin iwal ma izzo pizin be tiur lenen imap ila ki Merere mi tikiskis urlajana kizin.^t ²⁴ Pa Panabas, ni tomtom ambaijana. Urlajana kini imbol kat, mi Bubujana Potomjana izeebe kati. Mi mazwaana tana, wal boozomen tiurla ki Merere mi tigaaba wal kini.”^u

²⁵ To Panabas ila Tasus be iru Saul.^v ²⁶ Iru i iru i ma indeenji to ikami ma ziru timiili ma tila mini pa kar Antiok. Mi ndaama munjaana tina, Panabas ziru Saul ziŋan lupjana ki Krisi ta imbot kar tana na tiparluplup zin. Mi ziru tikamam sua pizin iwal biibi. Zin Antiok kan ta titoto Yesu i, ta mata popoten mi tomtom tiwatwaata zin be ‘Kristen.’^w

²⁷ Indeeje mazwaana tana na, Merere kwoono bizin pakan timbot Yerusalem mi tisula kar Antiok. ²⁸ To tomtom kizin ta, zaana Agabus, Bubujana ipazali mi imanga to ipityaara sua pa peteele biibi tabe isu pa toono ta boozomen. (Peteele tana ipet indeeje Klodias iwe Kaisa mi imborro lele.)^x ²⁹ To zin wal ta titoto Yesu i, tilup zin mi tikam naman

ⁿ 11:16 Mt 3:11; Ʋgo 1:5 ^o 11:17 Ʋgo 10:47, 15:8+ ^p 11:18 Ro 10:12+, 15:9,16

^q 11:19 Ʋgo 8:1,4 ^r 11:21 Ʋgo 13:1+, 14:26+, 18:22+ ^s 11:22 Ʋgo 8:14+

^t 11:23 Ʋgo 14:22 ^u 11:24 Ʋgo 2:41, 4:36+ ^v 11:25 Ʋgo 9:27,30 ^w 11:26 1Pe 4:16

^x 11:28 Ʋgo 21:10

ikot zin be tiuulu zin toŋmatiziŋ kizin ta timbotmbot lele pakaana ki Yudea na. Tikam irao zitun pat kizin.^y ³⁰Tikam ta kembei to, tikam seŋgeeri kizin se ki Panabas ziru Saul. Mi ziru tikam ma tila tiur la kizin mborogan ta timbot Yerusalem na.^z

Tiseeze zin urlaŋana kan matan mini

12 ¹Indeeŋe mazwaana tana na, king Erot^a ni imaŋga, mi ikis tomtom pakan ta timbot lela lupŋana ki Kisi i be iseeze matan. ²Iso ma tikam Yems ta Yoan toono na, mi tiyembut ŋgureene pa buza ma imeete.^b ³Mi ire kembei zin Yuda lelen ambai pa uraata tana, tona imaŋga na ikis Petrus tomini. Uraata tina ipet indeeŋe zin Yuda tilup zin be tikan narabu ta ka yis somŋana na.^c ⁴Tana Erot ikam Petrus to, ila iuri lela ruumu sanaana. Mi iuri la kizin menderŋan lamoro mata mi ta be matan pini. Zin menderŋan tana na, paŋpaŋa timbot la uunu tataŋa mi tiparpekelkel zin. Pa Erot ikam ŋgar ta kembei. Lupŋana biibi ki Pasoba isombe imap, to ikam Petrus mi ipamenderi ila iwal biibi matan. ⁵Tana Petrus, tiuri lela ruumu sanaana ma imbotmbot. Tamen lupŋana ki Kisi, zin tiur lelen imap mi tizuŋzuŋ mbolŋana pa Anutu be iuuli.^d

Aŋela itatke Petrus pa ruumu sanaana

⁶Indeeŋe nol tabe Erot ikam Petrus ma iyooto pa ruumu sanaana be ipamenderi na ka mbeŋ na, menderŋan ru timenderkalkaala Petrus, mi ni ikenne su ziru mazwan. Ni, tipo i pa re ru. Mi menderŋan pakan timendernder su kataama kwoono tomini be timboro ruumu sanaana. ⁷Molo som na, aŋela ki Merere ta imar. Mi azuŋka kini iyaara lela ruumu sanaana tana leleene. To aŋela ipai Petrus ma iso: “A, munga ta buri!” Izzo sua tana, mi re ta tipo Petrus pa na, imet ma isu lene.

⁸To aŋela iso pini mini. Iso: “Ur pus ku mi kumbum keteene ila.” Petrus izeebi pa mburu kini maŋiŋ, to aŋela iso pini. Iso: “Ur mburu ku mat kana isala regem mi to yo.” ⁹Tona Petrus ito i mi ziru tiyooto pa ruumu sanaana. Tamen ni le ŋgar sa pa mbulu ta aŋela ikam pini i som. Iso ko ikeenetondo ma iŋgi. ¹⁰Ziru tila ma tizem menderŋan uunu ta, to tila tizem toro, mana timar kataama mbolŋana ta ila pa zaala kwoono

^y 11:29 Ro 15:26; 1Kor 16:1; 2Kor 8:1+, 9:1 ^z 11:30 Ŋgo 12:25 ^a 12:1 Sua ki Merere iso pa tomtom boozo ta zan Erot. Indeeŋe Yesu isu na, Erot mataana kana ikamam peeze pizin Israel. Ni ta ipun zin pikin ki Betelem ma timetmeete. Mi ni lutuunu zaana Erot tomini. Lutuunu tana, ta ipun Yoan ma imeete, mi igaaba Kaipas mi Pontius Pilatus ma tipun Yesu. To isu mini pa Erot ta iwe tel pa. Sua pakaana ti iso pa Erot tana. Ni Erot mataana kana tumbuunu. Erot ta iwe tel pa ta ipun Yems ma imeete, mi kaimer motmooto tikani. To ni lutuunu, zaana Erot Agripa, ta kaimer tipamender Paulus ila kereene uunu. Ka mbol imbot la sua pakaana 25:13–26:32. ^b 12:2 Mt 4:21, 20:22+ ^c 12:3 Kam 12:15, 23:15 ^d 12:5 Ro 15:30+; Ep 6:18

na. Tipa ma timar to, kataama itunu ikaaga sorok, mi ziru tiyooto. Tizem ruumu sanaana mi titoto zaala ma tilala mi molo som na, aŋela izemi.^e

¹¹To Petrus ŋgar kini ipet mi iso: “O, iŋgi buri na aŋkilaala i. Iŋgi Anutu iŋgo aŋela kini ma imar bekena itatke yo pa Erot namaana mi mbulu boozomen ta zin Yuda tisombe tikam pio i.”

¹²Petrus ikilaala mbulu ta ipet pini to, ikoŋuru ruumu ki Maria, ta Yoan Markus naana na. Ruumu tana leleene na, wal boozomen ta tila tilup zin pa, mi tizunzun ma timbotmbot.^f ¹³Petrus ila na ipitpit lae pa kataama. To mbesoŋo moori ta, zaana Roda, ila be isol kataama. ¹⁴Som, mi ikilaala Petrus kalŋaana. To menmeeni biibi kat, mi iloondo ma ilela kizin iwal biibi ma iso: “Aleei, Petrus itunu ta imendernder kataama kwoono a!” ¹⁵To zin tiso: “Waa, nu kankaana. Petrus imbot ruumu sanaana leleene.” Mi Roda kwoono imbol ma iso: “Soom, ni tau.” To zin tiso: “Inako aŋela kini ma iŋgi.”

¹⁶Mi Petrus ni imbotmbot mat men mi ipunun kataama. Beso tisol kataama na, tire i to timurur. ¹⁷To kalŋan izalla. Tamen ni iur namaana pizin be timaane. To ipit mbol pa zaala ta Merere ikami ma iyooto pa ruumu sanaana na. Ipit ma imap, mi iso pizin be tila tisotaara Yems^g mi toŋmatizin pakan tomini pa mbulu ta ipet pini na. To izem zin, mi iko ma ila lele toro.

¹⁸Tikeene ma aigule toro, zoŋ ise na, orooro tau sorok som isala. Pa zin menderŋan tiru Petrus zalaana. Tiso: “To tana ko sokorei ikami?” ¹⁹Erot ileŋ sua tana, to iso pizin menderŋan be tila tiru i. Tamen tiru i ma som. To iwisese zin. Iwi zin ma som to, iur sua mi tikam zin ma tila be tiur kadoono pizin. Mana kaimer to Erot imanga na izem lele pakaana ki Yudea, mi isula imbot kar Sisarea.

Meeteŋana ki Erot

²⁰Erot, ni keteene malmal kat pa kar ru, Tiro mi Sidon. Tana kar ru tana tilup zin mi tila be tire i. Paso tingimgiimi kan kini ta king lele kini a. Mi timoto: Kokena ni iruutu pizin. Tana tila na loŋa mi tikam Blastus leleene. Pa Blastus tana, ni imborro king ruumu kini. Mana tila ki Erot itunu be ziŋan tiparurpe lenen. Tiso sua kizin ma ileŋ, to iur nol pizin be ipekel kalŋan.

²¹Indeeŋe nol tana ipet na, Erot izeebi pa mburu milmilŋana ki king, mi ila imbutul sala sua urpeŋana muriini be ikam sua pizin tomtom. ²²Mi zin tomtom ta tileŋleŋ la pa kalŋaana na, kalŋan zalla ma tizzo: “To iŋga tomtom som. Iŋga ko Anutu tau!” ²³Tizzo na molo? Merere aŋela kini ituti ma kaŋ kuruŋ su. Pa ipakur itunu ma isombe ikam Anutu muriini mi zaana ilip. Tana motmooto tikan ketenketen ma imeete.

^e 12:10 Mbo 34:7; Iŋgo 5:19, 16:25+; 2Kor 1:10 ^f 12:12 Iŋgo 12:5,25, 15:37+

^g 12:17 Yems ti, ni Yesu tiziini ŋonoono.

Panabas ziru Saul timiili pa Antiok

²⁴Mi Merere sua kini na, mburaana mi ila ma ila.^h ²⁵Mi Panabas ziru Saul na, tiposop uraata kizin isu Yerusalem makij to, tikam Yoan Markus mi zigan timiili ma tisula mini pa kar Antiok.ⁱ

Tiur Panabas ziru Saul pa uraata

13 ¹Lupjana ki Krisi ta imbot su kar Antiok na, Merere kwoono bizin pakan mi zin tau tipaute zin tomtom pa sua ki Merere na, ta zan tis: Panabas, Simion ta tipaati be Aigap na, Lusius ta imar pa lele pakaana ki Kairini na, Manaen ta mungu iwe Erot toroona na, mi Saul. ²Aigule ta na, tingalsek zitun pa kini kanjana bekena timbot kat pa sunjana. Tizunzun, mi Bubujana Potomjana iso pizin ta kembei. Iso: “Kozo kuur Panabas ziru Saul be tikam uraata ta ajroogo zin pa na.”^j ³Tana tisuj mi kaimer, to tiur naman salakaala zin, mi tiur zin ma tila.^k

Saul ziru Panabas tila mutu Saiprus

⁴Tana Bubujana Potomjana ingo Panabas ziru Saul ma tila pa uraata. Tisula kar Selusia, to tikam woongo mi tikwai ma tila pa mutu Saiprus. ⁵Tilela kar Salamis, to tilala lupjana murin kizin Yuda mi tizzoyaryaara Anutu sua kini. Mi Yoan Markus, ni igaaba zin tomini be iuulu zin pa uraata.^l

⁶Tiwwa pa mutu tana ma timar tipet kar biibi Papos. Tipet Papos, to tindeenge Yuda ta. Ni tomtom naboroujana mi ipakamkaam kembei ni Anutu kwoono. Zaana Bar-Yesu.^m ⁷Mi ni igabgaaba Sergius Paulus ta ni biibi mi imborro mutu tana. Sergius Paulus, ni tomtom ngarjana, mi leleene be ilej sua ki Anutu. Tabe iso la pa Panabas ziru Saul be timar kini. ⁸Tomtom naboroujana tana zaana toro Elimas. Pisis tana ka uunu ta kembei: ‘tomtom yaambajana.’ Mi ni izorzooro ziru kwon. Pa leleene be biibi ki mutu tana iurla ki Krisi pepe. ⁹To Bubujana Potomjana izeebe Saul, ta tipaata zaana toro be Paulus na, mi igeede la pa tomtom naboroujana tana, ¹⁰mi iso: “Hai, nu tina ta urur koi pa mbulu ndeengejan ta munjaana men. Mi mbulu pakaamjan ta boozomen na, nu rao pa kat. Tomtom Sanaana lutuunu ta nu na! Nu pandelndel zin tomtom pa zaala ndeengejana ki Merere paso? Ijiizi na zem mbulu ku tana?” ¹¹Ingi be re kat Anutu mburaana. Ni ko ipumun motom ma ipis kat ma rao re lele som. Mi ko mbot ta kembei ma risa.”

Molo som na, zugut izukkaali ma sik. To isu na izoromrom, mi iru le tomtom sa be iteege namaana mi iuuli. ¹²Mi biibi ki mutu tana ire

^h 12:24 Nggo 6:7, 19:20; Kol 1:6 ⁱ 12:25 Nggo 11:29+, 12:12 ^j 13:2 Nggo 9:15; Ro 10:15; Ep 3:7+; 1Tim 2:7 ^k 13:3 Nggo 6:6, 14:26 ^l 13:5 Nggo 13:13, 15:37+ ^m 13:6 Nggo 8:9+ ⁿ 13:10 Mt 13:38; Yo 8:44; 1Yo 3:8

mbulu ta ipet na, to iurla kat. Mi imurur pa sua ki Merere ta tipaute i pa na mburaana.

Paulus ziru Panabas tila kar Antiok ta Pisidia a

¹³Paulus ziḡan waene bizin tikam woḡḡo isu Papos, mi tikwai ma tila mi tilela kar Perga, ta imbot lele pakaana ki Pampilia na. Timbot tana, mi Yoan Markus izem zin mi imiili ma ila lene pa Yerusalem.^o ¹⁴To Paulus bizin tizem Perga mi tisala pa kar Antiok ta imbot lele pakaana ki Pisidia na. Timbot ma indeeḡe aigule potomḡana kizin Yuda be keten su, to tilela lupḡana muriini kizin ma mbulen su. ¹⁵Kaimer ma tipaata tutu ki Mose mi sua ki Merere kwoono bizin makin, to zin mborḡan ki lupḡana muriini tana tiso pa Paulus ziru Panabas. Tiso: “Ou, niom toḡmatiziḡ ru tana, sombe leyom sua sa be kopombol zin wal tiḡi pa, na koso.”^p

Mos ta Paulus ikam pizin Yuda isu kar Antiok

¹⁶To Paulus imaḡa imender, mi iur namaana pizin be matan ila kini, mi isu na iso: “O niom tomtom ki Israel mi niom pakan ta komototo Anutu mi kototo mbulu kini na, kuḡḡun talḡoyom mi keleḡ! ¹⁷Muḡḡu, Anutu kiti Israel, ni itunu ipeikat tumbundu bizin, mi ikam zin ma tiwe lene. Mi indeeḡe mazwaana ta tila tiwe leembe isu Aikuptu na, ni ikam zin ma urun iwe biibi kat, mi iswe mburaana biibi, mi iyaaru zin ma tizem Aikuptu.”^q ¹⁸Mi indeeḡe tau tiwwa isu lele bilimḡana pa ndaama tomtooru na, timbel zoorḡana. Tabe Anutu niini gesges pizin. Tamen ni izem kat zin som, mi mataana pizin.^r ¹⁹Tiwwa ma tipet toono Kanaan to, ni ipambiriizi lele pakaana lamata mi ru ka tomtom bizin, mi iur toono kizin ma iwe zin Israel len.^s ²⁰Uraata ta boozomen tana ikam ndaama 450, to zin Israel tikam toono Kanaan ma iwe len kat.

“Kaimer mana, Anutu iur zin bibip tau len ḡgarḡan i be tikam peeze pizin, mi imar imar ma indeeḡe mazwaana ki Samuel ta Anutu kwoono na. ²¹Tona zin tisu na titagroro Anutu pa len king. Tana ni iur Saul ta Kis lutuunu na, ma iwe king pizin. Saul tana, uunu kini ipet pa Benyamen. Mi ni imboro Israel pa ndaama tomtooru.”^t ²²Tamen kaimer na, Anutu iziiri i, mi iur Dabit ma ikam Saul muriini. Mi iwit Dabit uruunu ma iso ka sua ta kembei:

Aa, Dabit ta Yesi lutuunu na, nio leleḡ pini ilip. Pa ni itoto kat leleḡ. Ni ko ito ḡgar tio pa koronḡ ta boozomen.”^u

^o 13:13 Iḡo 13:5, 15:37+ ^p 13:15 Lu 4:16+ ^q 13:17 Kam 6:6+, 12:51

^r 13:18 Kam 16:8; Nam 14:33+; Mbo 95:10; Iḡo 7:36 ^s 13:19 Lo 7:1; Mbo 78:55; Iḡo 7:45

^t 13:21 1Sam 8:4+, 10:17+ ^u 13:22 1Sam 13:14, 15:23+, 16:12+; Mbo 89:20

23 “Imar imar ma Anutu iur Yesu ta iyooto pa Dabit popogana kini na, ma iwe ulaaga pizin Israel. Ito sua kini mbukjana tau.”^v 24 Indeeje Yesu imanga pa uraata kini zen na, Yoan imuungu pini mi ikamam sua pizin Israel ta boozomen be titooro lenen mi tikam yok.”^w 25 Ni ikamam uraata ta Anutu iur la namaana na, mabe imap, to iwi zin. Iso: ‘Ou, niom koso nio asij? Nio ti, tomtom ta kuurur motoyom pini i som. Mi tomtom tana, ni itoto yo ma iwwa i. Nio aŋre ituŋ kembei aŋrao pini risa som kat. Uraata sorokjana kembei kumbu keteene ka wooro putkjana, ina tomini aŋrao aŋkam pini na som. Pa ni ilip kat pio.’”^x

26 To Paulus iseeje sua kini ma iso: “O niom toŋmatizij tio, niom ta Abaraam popogana kini, mi niom pakan ta komototo Anutu mi kototo mbulu kini na tomini, kelej. Sua ta iso pa ulaaga tabe imar i, iŋgi imar piti tau.”^y 27-28 Tamen zin Yerusalem kan zijaŋ zin peeze kan kizin tikilaala Yesu som. Ijonoono, tiwatwaata sua ki Anutu kwoono bizin ikot aigule potomjan ta boozomen. Tamen tikam ngar pa som. Tanata tiseeze sorok Yesu mataana, mi timaŋmaŋ Pilatus, tabe ni iur sua ma tipuni ma imeete. Mi Yesu, ni le uunu sa isaana som. Mi mbulu ta tikam pini, ina ikam ma sua ki Anutu kwoono bizin ta tawatwaata na, iur ijonoono.”^z 29 Pa mbulu boozomen ta ipet pini na, Anutu kwoono bizin tiso ka sua pataaga kek. Tana tikam mbulu ta boozomen tana makij, to tikami ma isu pa ke pambaaraŋana, mi tila tiuri lela naala.”^a 30 To Anutu ipei i ma burup ma imanga mini.”^b 31 Mi ilala iwedet kizin tomtom tau mungu zijaŋ tiwwa ta Galilea mi tila tipet Yerusalem na. Wal tana, ta koozi tipombolmbol sua kini, mi tikamam sua pizin wal kiti Israel.”^c

32 “Mi niam tiŋgi amar be amkam uruunu ambaijana ti piom. Kere. Sua ta mungu Anutu imbuk pa tumbundu bizin, ta iŋgi ikam ma iur ijonoono piti kek.”^d 33 Pa ni ipei Yesu ma imanga pa naala kek. Ka sua imbot la mboe suŋjana kana ta iwe ru pa. Iso:

Nio lutuŋ ta nu na.

Koozi nio aŋwe tomom.”^e

34 “Tana Anutu ipei i ma burup ma imanga mini kek. Mi ko irao imeete ma isula mini naala be ibuuzu na som. Ka sua imbot pataaga kek ta kembei:

Nio aŋbuk sua mboljana pa Dabit be aŋkampe i pa koron matakiŋa ta ndabokbokjan mi potomjan. Mi koron ta boozomen tana, nio kola aŋkam piom.”^f

^v 13:23 Mbo 132:11; Lu 1:32 ^w 13:24 Lu 3:3 ^x 13:25 Lu 3:16 ^y 13:26 Lu 24:47; Ijgo 2:39, 3:26 ^z 13:27-28 Mt 27:20+; Lu 23:18+; Ijgo 3:14+ ^a 13:29 Lu 23:50+, 24:44; Yo 19:36+ ^b 13:30 Mt 28:6 ^c 13:31 Yo 20:19+; Ijgo 1:3, 2:32 ^d 13:32 Un 12:3; Ro 1:2, 4:16
^e 13:33 Mbo 2:7; Mt 3:17; Ibr 5:5 ^f 13:34 Yesa 55:3

35 “Mi sua lwoono toro iso ta kembei. Iso:

Nu ko irao zem mbesooḡo ku potomḡana ma ibuuzu na som.^g

36 “Kere. Dabit, ni imbeeze pa Anutu mi ito ḡgar kini ma irao meeteḡana kini. To titwi i sula ki tumbuunu bizin ma ibuuzu.^h 37 Tamen ni tau Anutu ipei i ma burup ma imangḡa pa naala na, ni irao imeete mini ma ibuuzu na som.

38-39 “Tana niom toḡmatiziḡ tio, kelej! Niam amso kat piom ta kembei: Yesu ta iwe zaala piti be Anutu ireege sanaana kiti. Tana tomtom sa isombe iurla kini, inako Anutu ire i kembei ni tomtom ndeeḡeḡana. Pa sanaana boozomen ta tutu ki Mose irao be iurpe som, mi ikam ti ma tasaana pa Anutu mataana na, Yesu, ni irao iurpe.ⁱ

40 “Tana kere yom. Kokena kitit ulaaḡa ta iḡḡi Anutu ikam piti, to mbulu ta Anutu kwoono bizin tiso pa na ipet piom. Ka sua imbot ta kembei:

41 Niom wal ta kerepiili sua ki Anutu na, kere yom!

Pa uraata popoḡana tabe aḡkam ma kere i, ko ipa ndel kat.

Tabe ipet pizin wal pakan mi kelej uruunu men, so kuurla som.

Tana niom ko kwoyom taanda pa mi kakam ḡgar pa ma som, mi kala leyom.”^j

42 Paulus iso sua ma imap, to ziru Panabas be tiyooto pa lupḡana muriini. Som mi timangḡa ma tiwi ziru beso aigule potomḡana toro ipet, to timiili mi tiso zin pa sua tana mini. 43 Lupḡana imureege na, zin Yuda ḡnoono, mi wal pakan ta titooro zin ma tiwe Yuda i mi timarmar pa suḡḡana na, boozomen tito ziru ma ziḡan tila. Mi ziru tipombol zin be tikiskis kampeḡana mi muḡaiḡana ki Anutu.^k

44 Timbot ma aigule potomḡana ipet mini, to kar kan timeke ma timap ma kar putuunu. Pa timar tilup zin be tileḡ sua ki Merere tau. 45 Zin bibip kizin Yuda tire iwal biibi tana tila be tileḡ Paulus ziru Panabas, to matan mburbur ma tau tisaana kat. Tana timangḡa mi ziḡan Paulus tiparzorzooro pa sua. Mi tiwirri sua repiiliḡan booḡo pini.^l

46 Tamen Paulus ziru Panabas timoto som. Timender mbolḡana, mi kwon imbol kat ma tiso: “Ina som. Anutu isombe ipumuungu sua kini piom. Tamen iḡḡi niom kitit. Pa niom, ina motoyom iḡḡal ituyom be kakam mbotḡana ki Anutu ta iseenge iseenge ma ila na som. Tana iḡḡi ko aḡzem yom ma komboreyom, mi amla kizin wal ta Yuda somḡan i.^m 47 Pa Merere iur sua piam kek ta kembei. Iso:

^g 13:35 Mbo 16:10; Iḡgo 2:27,31 ^h 13:36 Iḡgo 2:29 ⁱ 13:38-39 Iḡgo 2:38; Ro 3:28; Ga 2:16; 1Yo 2:2,12 ^j 13:41 Hab 1:5 ^k 13:43 Iḡgo 11:23, 14:22 ^l 13:45 1Tes 2:15 +
^m 13:46 Mt 21:41; Iḡgo 3:26+, 18:6; Ro 1:16

Nio anjur u be la mi ur mat pizin wal ta Yuda somjan i.

Naso we zaala pa toono ta boozomen be tikam ulaanga tio.”ⁿ

⁴⁸Inggi sua ti ila ma zin wal ta Yuda somjan i tilen, to lenen ambai kat pa Merere sua kini mi tipakurkur sua tana. Mi zin wal tau Anutu iroogo zin pataanga kek be tikam mbotjana kini na, tiurla.^o

⁴⁹Tana Merere sua kini irak ma irao lele pakaana tina. ⁵⁰Tamen zin bibip kizin Yuda timanga ma tipesse zin bibip ki kar tana, zijan zin moori zangan pakan ta tigabgaaba zin Yuda pa sunjana kizin. Tona timanga pa Paulus ziru Panabas ma tiseeze matan, mi tiser zin pa lele kizin ma tila len.^p ⁵¹Tana ziru titir ululu pa kumbun pizin bekana iwe kilalan pa sanaana kizin, mi tiwwa ma tila kar Ikonium.^q ⁵²Mi zin wal ki kar Antiok ta titoto Yesu na, Bubujana Potomjana izeebe zin lup, ma lenen ambai kat.^r

Paulus ziru Panabas tikam uraata su kar Ikonium

14 ¹Mbulu raraate men ta ipet su kar Ikonium. Paulus ziru Panabas tila tipet to, tilela lupjana muriini kizin Yuda, mi tikam sua pizin. Mi sua kizin ingal tomtom boozomen ma tiurla ki Yesu. Zin Yuda, mi pakan ta Grik i tomini.

²Tamen zin Yuda ta tiurla som na, tikuru zin wal ta Yuda somjan i lenen. Tabe lenen pizin tonmatizij ki Krisi mini som. ³Tana Paulus ziru Panabas timbot kar tana ma molojana ri, mi timender mboljana mi tizzoyaryaara Merere uruunu. Mi tipombolmbol sua pa kampejana kini. Mi Anutu ipombolmbol sua ta ziru tizzo na, mi ikamam len mburan. Tabe titortooro mos ma uraata bibip pakan ma iwedet.^s ⁴Tana iwal biibi ki kar tana tisu to tiwe ru. Pakaana tilae kizin Yuda, mi pakaana tiyo se ki ngogana ru tana.^t

⁵To zin wal ta Yuda somjan i mi Yuda pakan, zijan zin bibip kizin tilup lenen be tipasaana ziru, mibe tipun zin pa pat.^u ⁶Mi Paulus ziru Panabas taljan ikam sua ti, to tiko ma tila pa lele pakaana ki Likonia mi timbot kar Listara mi kar Derbe. Mi tilalae pa kar munmun ta timbot koloujana na tomini,^v ⁷mi tizzoyaryaara uruunu ambajana pizin.

Mbulu ta ipet su kar Listara mi kar Derbe

⁸Tomtom kumbuunu sananjana ta, imbotmbot kar Listara. Irao ipa na som. Ni ta kembejana, mi naana ikami ma isu. ⁹Paulus izzo sua na, ni imbutultul mi ileljen. To Paulus igeede la pini, mi ire kembei ni iurla ma Anutu irao iurpe i.^w ¹⁰Tana kaljaana biibi ma iso: “Ai, nu tana, burup ma

ⁿ 13:47 Yesa 42:6, 49:6; Lu 2:32 ^o 13:48 Ro 8:29+ ^p 13:50 2Tim 3:11 ^q 13:51 Mt 10:14

^r 13:52 Nggo 16:34; Ro 14:17; 1Pe 1:8 ^s 14:3 Mk 16:20; Nggo 5:12; 2Kor 12:12

^t 14:4 Lu 12:51+; Nggo 28:25 ^u 14:5 2Tim 3:11 ^v 14:6 Mt 10:23 ^w 14:9 Mt 9:28+

manga mender.” Tomtom tana inaunau som. Burup ma imanga mi iwwa pataaŋa.^x

¹¹Zin iwal biibi ki lele pakaana ki Likonia na, tire Paulus ikam uraata tana, to kalŋan isala mi tiso la zitun kalŋan ma tiso: “Wai. Ingi zin merere kiti, ta tisu ma tiwe tomtom i.”^y ¹²Tona tiboobo merere kizin Grik zaana Zeus,^z ise ki Panabas. Mi Paulus na, tiboobo Hermes zaana pini. Pa Paulus ta imuŋmuungu pa sua. ¹³Kar tana zilŋaana na, merere pakaamŋana Zeus urum kini imbotmbot. Tana patoronŋana ka tomtom ta ki urum tina, ni ziŋan zin iwal tikam mbili pakan mi aigau ma timar zaala kwoono be tikam patoronŋana pa Panabas ziru Paulus.

¹⁴Tamen ziru tikilaala mbulu ta ingi be ipet i, to tiraaza mburu kizin, mi wis ma tilela ta iwal biibi lenen. ¹⁵Mi kalŋan biibi ma tiso: “Wai, ingi parei ta koso kakam piam ta kembei? Niamru ti, tomtom kembei ta niom na. Iti raraate men tau. Niamru amar be amsoyaara uruunu ambaiŋana piom. Merere tiom soroksorok na, kezem zin ma timboren. Mi kuur leleyom ila ki Anutu ŋonoono ta mata yaryaaraŋana na. Pa ni ta iur saamba, iur toono, iur tai, mi koronŋ boozomen ta timbotmbot pa.”^a ¹⁶Mungu, ni izem zin tomtom ma tiwwa ma tikamam mbulu irao zitun lenen mi ŋgar kizin.^b ¹⁷Tamen ni ikewe piti som. Pa ikamam koronŋ ambaimbaiŋan ma imarmar ta gorgori. Ikamam leynom yaŋ ta imbot saamba mi isu, mi iurur gorgor ki mai pa koronŋ ta boozomen. Mi ikamam koyom kini boozo bekena leleyom ndabok, mi menmeen yom pa. Mbulu kini boozomen tana izzwe kembei ni imbotmbot.”^c ¹⁸Sua tiŋgi, ziru tiso paso, zin iwal biibi tana ŋgar kizin imbol be tikam patoronŋana sa pa ziru. Mi rimen mi tikam. Tamen ziru tipetekewe zin, tabe tikam som.

¹⁹To zin Yuda pakan ta timbot kar Ikonium mi kar Antiok ta ki Pisidia na, timar. Timar ma tikuru zin iwal lenen be tizem Paulus bizin mi tilae kizin. To timanga na tipun Paulus pa pat, mi tiyaaru tataati ma tila kar zilŋaana. Pa tiso ko imeete kek.^d ²⁰Tamen waene bizin ta titoto Yesu i, tila tiliu i, to ni imanga mi ziŋan timiili ma tilela kar mini. Tikeene ma aigule toro to, ziru Panabas timanga mi tila pa kar Derbe.

Ziru timiili pa kar Antiok ta ki Siria na

²¹Paulus ziru Panabas tipet kar Derbe to tizzo uruunu ambaiŋana isu tana. Tikam ma tomtom boozo tiurla mi lenen be tito Yesu. To timiili ma tila kar Listara, to tila kar Ikonium. Mana tila kar Antiok ta ki Pisidia na.

^x 14:10 Mk 2:11; Iŋgo 3:6, 9:34, 28:8+; Yems 5:14+ ^y 14:11 Iŋgo 28:6 ^z 14:12 Zin Grik, merere kizin boozo. Zin tiurla ta kembei. Zeus, ni merere biibi kat ta ilip pizin merere kizin ta boozomen. Mi Hermes, ni merere toro ta iwe Zeus kwoono mi izzo zin tomtom pa sua kini. ^a 14:15 Un 1:1+; Iŋgo 10:26; 1Kor 8:4; 1Tes 1:9 ^b 14:16 Mbo 81:12; Iŋgo 17:30; 1Pe 4:3 ^c 14:17 Mbo 104:27+, 147:8; Mt 5:45; Iŋgo 17:27; Ro 1:20 ^d 14:19 2Kor 4:9, 11:25; Ga 6:17; 2Tim 3:11

²² Mi tipombolmbol zin wal ta titoto Yesu i mi kwon imbol pizin be tikis kat urlajana kizin. Mi tiso pizin ta kembei: “Bela temender mboljana mi tabaada patajana boozo, to tombot lela peeze ki Anutu mi tala kar kini.”^e
²³ Ziru tiwwa na, tiurur zin tomtom ma tiwe mboronjan be tikam peeze pa lupjana ki Krisi ikot kar tataga. Mi tingalseksek zitun pa kini kanjana mi tizunzun, mi tiur zin ila Merere, ta zin tiurla kini i, namaana. To tizem zin.^f

²⁴ Tipa pa lele pakaana ki Pisidia ma imap. To tila tipet lele pakaana ki Pampilia. ²⁵ Tiso uruunu ambaijana isu kar Perga, mana tisula kar Atalia. ²⁶ To tikam woongo su tina, mi tikwai ma timiili ma tila mini kar Antiok. Pa zin tojmatizij ki Krisi ta timbot kar tana, ta munju tiur Paulus ziru Panabas pa uraata, mi tisuj Anutu be ikampe zin mi mataana pizin. Mi ingi tila ma tikam uraata ma imap, ta timiili ma timar mini i.^g

²⁷ Tana timar tipet kar Antiok, to zijan lupjana ki Krisi tilup zin mi tiwidit mbol pa uraata ta Anutu ipombol zin pa ma tikam na. Mi tiso pizin ta kembei: Anutu, ni ikaaga kataama pizin wal ta Yuda somjan i mi zin tiurla kek. ²⁸ Mi zijan waen bizin ta titoto Yesu i ta ki kar tana timbel mbotjana.

Wal pakan kwon imbol pizin wal ta Yuda somjan i be tito tutu ki Mose

15 ¹ To tomtom pakan timbot Judea mi tisula kar Antiok. Mi timanga ma tizzo pizin tojmatizij ta ki Krisi i ta kembei. Tiso: “Ai, niom wal ta Yuda somjoyom i, bela koto tutu mi mbulu ta Mose iur na, mi tireete yom, tona Anutu ikamke yom. Mi sombe koto som, inako Anutu ikamke yom som.” ² Paulus ziru Panabas tilej sua tana na, keten malmal pa. Tabe zijan tiparzooro. Timbel sua sojana. To tilup lenen, mi tiur Paulus ziru Panabas mi waen bizin pakan ta ki Antiok na be tisala Yerusalem, mi tire zin ngogana pakan zijan zin mboronjan, mi tiurpe patajana ti.^h

³ Tana lupjana ki Krisi iurpe zaala pizin, mi tiur zin ma tila. Tiwwa pa lele pakaana ki Ponisia ma Samaria, mi tizzotartaara zin tojmatizij ta timbot tana ta kembei: Wal boozomen ta Yuda somjan i, titooro lenen mi tiurla ki Merere kek. Tana waen bizin tilej ma lenen ambai kat.ⁱ ⁴ Tila tipet Yerusalem, to lupjana ki Krisi zijan zin ngogana mi mboronjan lenen ambai pizin mi tikam zin ma tila ruumu kizin. Mi zin tipit mbol pa uraata ta Anutu ipombol zin pa ma tikam na, mi waen bizin tana tilej.

⁵ To zin tutu kan pakan tau tiurla ki Krisi na, timanga mi tiso: “Som. Ina kembena pepe. Zin wal ta Yuda somjan i, sombe tiurla ki Krisi, na bela tereete zin mi tuur sua pizin be tito tutu ki Mose, tona ambai.”

^e 14:22 Mt 7:14, 16:24; Ngog 11:23; 1Tes 3:3+; 2Tim 3:12 ^f 14:23 Ngog 6:6, 13:1+; Tit 1:5

^g 14:26 Ngog 13:1+ ^h 15:2 Ga 3:5,10, 5:2+; Pil 3:2+; Kol 2:16+ ⁱ 15:3 Ngog 11:18, 14:27

**Lupŋana biibi ta ipet su Yerusalem mi iur
zaala pizin wal tau Yuda somŋan i**

⁶Tabe zin ŋgoŋana mi mboronŋan tilup zin, mi titiiri sua taingŋi. ⁷Tinok sua ma molo, mana kaimer to Petrus imanga mi iso: “O atonŋan mi tiziŋan, niom kuute. Anutu, ni ipei kat yo la mazwoyom ta alok kek, mi iŋgo yo ma aŋla kizin wal ta Yuda somŋan i bekana aŋkam uruunu ambaiŋana pizin. Mi zin tileŋ na tiurla.”^j ⁸Mi Anutu, ni iute iti tomtom lelende lup kek. Tanata ikam Bubunŋana Potomŋana pizin raraate kembei ta munŋu ikam piti na, bekana iswe kembei ni leleene ambai pizin tomini.^k ⁹Mbulu ta ni ikam piti mi zin, ina raraate men. Ikam ndelndelŋa som. Pa urlaŋana kizin ta ikam ma Anutu ipus zin ma lenen iŋgeeze.^l ¹⁰Mi iŋgi parei ta kusu mi koso kuur patanŋana ise kizin wal poponŋan ta titoto Yesu i? Niom kere. Tumbundu bizin ta munŋu munŋu mi imar ma isu kiti i, iti tarao be toto kat tutu? Som. Tana kere yom. Kokena kozooro Anutu ŋgar kini, to kapamalmal keteene.^m ¹¹Ina som. Pa iti tuurla ta kembei: Munaiŋana ki Merere Yesu ta ikamke iti. Koronŋ toro sa som. Mi zin ta kembena tomini.”ⁿ

¹²Wal tana tileŋ, mi timap timaane men. To tingun talŋan pa Panabas ziru Paulus. Pa ziru tiwidit mbol pa mos pakan mi uraata bibip ta Anutu ipombol zin pa ma tikam la zin wal ta Yuda somŋan i mazwan na. ¹³Tiso makinŋ, to Yems imanga mi iso: “O niom tonmatiziniŋ tio, keleŋ sua tio ti! ¹⁴Merere, ni mataana iŋgalŋgal zin wal ta Yuda somŋan i, mi leleene be ikam zin tomini ma tiwe wal kini bekana tipakur zaana. Sua tingi poponŋana piti som. Indeeŋe ta Simon ila mi ikam sua pizin wal ta Yuda somŋan i na, Anutu ikaaga zaala pizin. Ka sua ta ni ila leleene pa kat ma teleŋ kek.”^o ¹⁵Mi Anutu kwoono bizin tiso sua tamen tau. Pa tibeede sua ta kembei:

¹⁶Kaimer to aŋmiili mini.

Toinabe aŋurpe ruumu ki Dabit ta borok su lene na,
mi aŋpamender mini.^p

¹⁷Naso ipei ŋgar kizin tomtom pakan.

To wal boozomen tau Yuda somŋan ta aŋroogo zin kek be tiwe lenŋ,
nako tikam kinkiini be tiute yo.

¹⁸Sua tingi na, Merere kalŋaana. Itunu iswe ta munŋu kek.”^q

¹⁹To Yems iso seenŋe. Iso: “Tana nio aŋre ta kembei: Zin wal tau Yuda somŋan mi iŋgi titooro lenen ma tiurla ki Merere i, iti irao tuur patanŋana biibi ise kizin sorok pepe. ²⁰Miso kembena, na iti bela tebeede ro tasa ila,

^j 15:7 Mt 16:19; Iŋgo 10:9-44, 11:18 ^k 15:8 Iŋgo 10:43+ ^l 15:9 Iŋgo 10:43;
Ro 10:9+ ^m 15:10 Lu 11:46; Ga 3:10 ⁿ 15:11 Ro 3:24,28; Ga 2:16; Ep 2:5+; Tit 3:4
^o 15:14 Iŋgo 15:7+ ^p 15:16 Amos 9:11+ ^q 15:18 Yesa 45:21

mi tosotaara zin pa tutu ingoi tabe tito i. Tutu ta kembei: Kini ta tipakur zin merere pakaamjan pa i, na zin irao tikan pepe. Mi sij mi buzur sijjana ta kembena, irao tikan pepe. Mi tiyaraama zitun: Kokena timolo ula ka tutu.^r ²¹ Pa ta mungu mi imar na, tutu ki Mose ka tomtom bizin tirao karkari lup. Mi aigule potomjana ta boozomen na, tiwatwaata tutu tana ilela lupjana murin kizin Yuda.”

Ro ta tibeede pizin wal ta Yuda somjan i

²² To zin ngogana zijan zin mboronjan mi waen bizin ta boozomen ta timbot lupjana tana, tilup lenen mi ngar kizin, mi tiur tomtom kizin pakan be tiwe kwon, mibe tigaaba Paulus mi Panabas ma zijan tisula pa Antiok. Tana tiur Yudas ta zaana toro Barsabas na, mi Silas. Pa ni ziru ta zin tojmatizij ki Kisi matan ise kizin. ²³ Mi tiur ro ila kizin be tikam ma tila. Ro tana, tibeede sua ta kembei ise:

“Niam ngogana niamjan zin mboronjan amkam aigule tiam ima piom tojmatizij tiam ta kombot Antiok, mi Siria, mi Silisia na. Niom ta Yuda som mi kuurla i.

²⁴ “Niam taingi amlen kembei tomtom tiam pakan tima, mi tiso sua pakan ta ikam yom ma leleyom ipata mi kakam ngar boozo. Tamen wal tana, niam amgo zin som. ²⁵ Tanata amlup yam, mi niam ta boozomen amyok raraate men be amur tomtom tiam pakan ma tiwe kwoyam, mi amgo zin ma tima i. Mi Panabas ziru Paulus, tomtom kiti ru ta leleyam pizin kat na, ko zijan tima. ²⁶ Ziru tana tizem kat zitun pa uraata ki Merere kiti Yesu Kisi, mi tiurur zitun ila zaaba kwoono pa ni zaana.^s ²⁷ Tana niam ingi amgo Yudas ma Silas be tikam ro ti ma tima. Mi ziru ko tiso pa kwon tomini. ²⁸ Niam taingi, Bubujana Potomjana ta ikam peeze piam mi amyok raraate ta kembei: Niam ko irao amur tutu boozo piom na som. Kokena amkam patajana piom. Mi tutu ta tingi: ²⁹ Kini ta tipakur zin merere pakaamjan pa i, na kakan pepe. Mi sij mi buzur sijjana ta kembena, kakan pepe. Mi komolo ula ka tutu pepe. Tana sombe kagabiizi ituyom kat pa mbulu ta kembei, na niom ko kakam kat mbulu. Sua ta tana. Ambai. Amzem su ti.”^t

Zin Antiok kan lenen ambai pa ro kizin Yerusalem kan

³⁰ Zin tomtom ta tingo zin i, tisula ma tipet kar Antiok, to zijan zin tojmatizij tana tilup zin mi tiur ro tana ila kizin. ³¹ Beso tipaata mi tilej sua pomboljana tingi na, lenen ambai kat mi menmeen zin pa. ³² Yudas mi Silas, ziru Merere kwoono bizin. Tana tikam sua boozomen pizin Antiok kan bekana tipombol zin ma timender

^r 15:20 Un 9:4; Kam 20:3+; 1Kor 6:18, 8:7+, 10:14+; Ga 5:19+; Ep 5:3; 1Tes 4:3

^s 15:26 Ngog 9:23+, 14:19; 1Kor 15:30 ^t 15:29 Tur 2:14, 20

mbolŋana. ³³Ziŋan timbot pa mazwaana ri, mana kaimer to, zin Antiok kan tiur zin raama lelen ambai, mi timiili ma tisala mini kizin wal ta tingo zin na. [³⁴Tamen Silas leleene be imiili som. Tabe ziŋan timbotmbot ta tina.]

³⁵Mi Paulus ziru Panabas na, timbotmbot su Antiok ma moloŋana ri. Mi ziŋan waen bizin boozomen tiparluplup zin, mi tikamam sua ki Merere pizin mi tipaute zin pa.

Paulus ziru Panabas tiparzem zin

³⁶Timbotmbot ma Paulus isu to iso pa Panabas. Iso: “Ouo, ituru timiili ma tapa pa karkari, mi tolou waende bizin ta mungu tosoyaara sua ki Merere pizin na. Timbot ambai, som som?” ³⁷Mi Panabas, ni leleene be ikam Yoan Markus ma ziŋan tila.” ³⁸Tamen Paulus itiiri na, ambai be tikami som. Pa kena so pai mataana kana i ziŋan tipa pa sua, mi tila tila ma uraata imap, so ambai. Mi ina som. Pa indeeŋe ta zin tila Pampilia mi timaŋga be tipa pa sua na, Yoan Markus izem zin, mi ila lene.”

³⁹Tana ziru tisu ma keten malmal mi tiparzooro pa. Tabe tiparzem zin. Panabas isu na karau pa Markus, to ziru tikam woongo, mi tikwai ma tila pa mutu Saiprus. ⁴⁰Mi Paulus, ni ikam Silas. Tana zin toŋmatiziŋ ki Kriŋi tiur zin la Merere namaana, mi tisun Merere be ikampe zin mi mataana pizin,” ⁴¹to Paulus ziru Silas timaŋga ma tila mi tiwwa pa lele pakaana ki Siria ma Silisia, mi Paulus ipombolmbol lupŋana ki Kriŋi ta timbot lele tana.

Timoti ila ma igaaba Paulus ziru Silas

16 ¹Paulus ziru Silas tiwwa ma tila tipet kar Derbe, to tila pa kar Listara. Kar tana, nangaj ta tau itoto Yesu i, ni imbotmbot. Zaana Timoti. Naana, ni Yuda nan. Mi iurla ki Kriŋi. Mi tamaana na, ni Grik.^x ²Zin toŋmatiziŋ ki Kriŋi ta timbot kar Listara mi kar Ikonium na, timap tiwidit Timoti uruunu. ³Tana Paulus leleene be ikami ma ila igaabi ma ziŋan tila pa uraata. Tana iso mi tireeti. Ikam ta kembei paso, zin Yuda boozomen ta timbotmbot lele tana na, zin tiute Timoti tamaana ni Grik. Kokena tiyo kwon pini.”

⁴Tona Paulus bizin timaŋga mini pa pai. Mi tila ma tiwwa pa kar ta boozomen, mi tizzotartaara waen bizin pa sua kizin iŋgoŋana mi mboroŋan ta timbot Yerusalem na. Mi tipombol zin be tito zin tutu ta zin Yerusalem kan timbol pa.”

^u 15:37 Iŋgo 13:5; Kol 4:10; 2Tim 4:11; 1Pe 5:13 ^v 15:38 Iŋgo 13:13 ^w 15:40 Iŋgo 13:3

^x 16:1 Iŋgo 14:6+; 1Kor 4:17, 16:10; 2Kor 1:19; Pil 2:19+; 1Tim 1:2; 2Tim 1:2 ^y 16:3 1Kor 9:20

^z 16:4 Iŋgo 15:28+

⁵Tana zin lupjana ki Kisi, urlajana kizin izze be imbol kat. Mi aigule ta boozomen tomtom poponjan tiwedet mi tikanan la sua kizin. Tabe timasak ma tiwe boozo.^a

**Merere iboobo Paulus be ila mi isoyaara uruunu
ambajana pizin Masedonia kan**

⁶Paulus bizin tipa pa lele pakan ki Pirigia mi Galesia. Mi tila lele pakaana ki Asia som. Pa Bubujana Potomjana ipeteke zin be tikam sua pizin Asia kan pepe. ⁷Tiwwa ma tipet lele pakaana ki Misia, to tiso tilae pa lele pakaana ki Bitinia. Tamen Yesu Bubujana iyok pizin som. ⁸Tana tipa pa lele pakaana ki Misia men, mi tisula tipet kar Troas.

⁹Mbej ta na, Paulus ikeenetondo, mi ire tomtom ta ki lele pakaana ki Masedonia imenderder. Mi tomtom tana itanjoro i ma iso: “Nu tana kozo mar ta Masedonia i be uulu yam.” ¹⁰Paulus ikeenetondo makin, to niamjan^b Paulus amanga ma kanjan pataaja be amla pa Masedonia.^c Paso, amkilaala mbulu boozomen ta ipet na ta kembei: Ingi Merere iboobo yam be amsoyaara uruunu ambajana pizin wal ta timbot lele pakaana tana.

Paulus bizin tila kar Pilipai

¹¹Niam amse woongo mi le isala, to amzem Troas mi amyembut ma amla mutu Samotaras. Be kozeere mini na, amla sor lela Neapolis. ¹²To ampa toono mi amla ta kar Pilipai. Pilipai, ina kar biibi ta ki lele pakaana ki Masedonia. Mi zin Rom kan ta tiur kar tina. Amla to ambot pa aigule pakan.

¹³Indeeje aigule potomjana kizin Yuda be keten su, to amzem kar biibi, mi amla ta yok kezeene a. Pa ina lele ta zin Yuda tiluplup su pa i be tisuj. To mbuleyam su mi amkamam sua pizin moori pakan ta tilup zin su tana. ¹⁴Zin moori tana, kizin ta zaana Lidia. Ni moori ki kar Tiatira. Mi uraata kini ta ingomonmoono mburu ta kan mos totonjan mi ambaimbaian kat. Ni Yuda som. Mi iurla ki Anutu, mi igabgaaba zin Yuda pa sunjana kizin. Ilenlen sua ki Paulus na, Merere ikam uraata pa leleene ma iurla.^d ¹⁵Tana zijan wal kini ta timbot ruumu kini na, timap ma tikam yok. Mana iso piam. Iso: “Niom sombe kere kembei ajurla kat ki Merere, na kamar tala ruumu tio.” Itunu imanman yam, to niamjan amla ruumu kini.^e

^a 16:5 Ijgo 2:42+, 4:32+ ^b 16:10 Sua “niamjan” ti iswe ta kembei: Indeeje Paulus bizin timbot Troas na, Lukas ila igaaba zin. ^c 16:10 Masedonia, ina lele pakaana ta ki Yurop. Tana indeeje Paulus ila ma ikam sua pizin, ina mazwaana mataana kana ta uruunu ambajana ila pa zin Yurop kan. ^d 16:14 Lu 24:45; Yo 6:44; Ijgo 13:48; 2Tes 2:13+ ^e 16:15 Ijgo 16:33, 18:8; 1Kor 1:16

Tiur Paulus ziru Silas lela ruumu sanaana

¹⁶Indeeŋe aigule ta na, niam amsombe amla mini pa suŋjana muriini tana. Tana amla na amse ki moori ta ni mbesoongo sorok. Moori tana, ni irao iswe koron turkenan pakan. Pa bubuŋana sananŋana iru pini tau. Mi pat ta ni ikamam pa uraata kini tana na, sorok som. Mi pat tana, ni ikamam mi iurur la kizin bibip kini. ¹⁷Moori tana ire yam, to itokelkeelee yam, mi iboboobo ma iso: “Ai, kere. Wal ti, zin mbesoongo ki Anutu kor kana kat. Ingi timar be tiso yom pa zaala tabe Anutu ikamke yom pa i.”^f ¹⁸Inoknok ta kembei pa aigule boozoŋana ri. Tabe Paulus ileŋ ileŋ ma keteene malmal, to itoori mi iŋasaara bubuŋana sananŋana tana. Iso: “Hai! Nio anur sua pu pa Yesu Krisi zaana. Zem moori tina mi yooto ta buri.” To bubuŋana sananŋana iko pa moori pataaŋa.^g

¹⁹To zin bibip ki moori tana keten malmal kat pa Paulus ziru Silas. Pa tire kembei zaala kizin ta tikamam pat pa i, ina imun kek. Tana tikam zin, mi tiyaaru tataata zin ma tila kar keteene be tipamender zin ila zin bibip matan.^h ²⁰Tikam zin ma tila zin peeze kan keren uunu, to tiŋgal sua pizin. Tiso: “Wal tiŋgi, zin Yuda. Mi timar kar kiti ma tikamam mbulu booza ta ipasaana mboti ki kar.”ⁱ ²¹Mi timolo tutu kiti tomini. Pa tipesese zin tomtom be tikam mbulu pakan ta iti Rom kanda irao takam som.”

²²Iwal biibi tileŋ sua tana to, tigaaba zin mi tiŋa ziru. Zin peeze kan timaŋa na tiso ma tiraaza mburu kizin be tibalis zin. ²³Tona tikam teene mi tibalis zin ma ruŋgun isaana kat. Mana tila tipiri zin lela ruumu sanaana. Mi tiur sua pa menderŋana ta imborro kataama i ta kembei: Sombe ikotkaala kataama, na bela namaana tuŋ pa.^j ²⁴Ni ileŋ, to ikam zin mi ipiri zin lela ruumu leleene kat. Mi kumbun ma naman tiloondo pa ke patanpatan ta bibip i, mi tiponŋeere.

²⁵Indeeŋe mbeŋ lukutuunu na, Paulus ziru Silas tizuŋzuŋ mi timbombo mboe pa Anutu. Mi wal pakan ta ziŋan timbotmbot lela ruumu sanaana na, tiŋgun talŋan mi tileŋleŋ zin.^k ²⁶Molo som na, toono ikam kat. Yenyeenŋe biibi kat itok ruumu sanaana ma ka kataama ta boozomen tikaaga lup. Mi re ma koron ta tiwwo zin pa na, titoptop lup pa naman ma kumbun.^l ²⁷Menderŋana ta imborro zin i, ikenne. Beso burup ma imaŋa be mataana ila na, kataama ta munŋaana men, ta kakaaganan men. Tana iso ko zin tomtom tiko ma tila len lup kek. Tabe ŋgelbuk ikami, to ipas buza kini, mi iso ikuruumu itunu ma kup. ²⁸Tamen Paulus loŋa kaŋaana biibi ma iso pini. Iso: “Ai! Pasaana itum pepe. Niam munŋoyam ta ambotmbot i.”

^f 16:17 Mk 1:24,34 ^g 16:18 Mk 16:17; Iŋgo 5:16, 8:7 ^h 16:19 Iŋgo 19:25+

ⁱ 16:20 Iŋgo 17:6 ^j 16:23 2Kor 6:5, 11:23+; 1Tes 2:2 ^k 16:25 Mbo 119:62; Ep 5:19

^l 16:26 Iŋgo 5:19, 12:7+

²⁹To menderjana tina iso ma tikam kai imar bekena lele mat. Mi wis ma ila kizin, to itop su Paulus ma Silas kumbun uunu. Pa motojana biibi ikami tau. ³⁰Mana ikam zin ma tiyooto, mi iwi zin. Iso: “Bibip tio, ingi ko anjam parei mi Anutu ikamke yo ma anbot ndabok?”^m

³¹Ziru tiso pini. Tiso: “Urla ki Merere Yesu. Naso ni ikamke u mi zin wal ta niomjan kombot ruumu ku na tomini.”ⁿ ³²To ziru tikam sua ki Merere pini mi wal boozomen ta ni zijan timbot ruumu kini na. ³³Mben tamen ta tina, ni ikam ziru mi inguuru zaaba kwon murinmurin, mi ni zijan wal kini ta boozomen tikam yok.^o ³⁴To ikam Paulus ziru Silas ma tisala tikan kini ta ruumu kini. Mi ni menmeeni kat. Paso, zijan wal kini, ta ingi tiurla ki Anutu i.^p

³⁵Aigule toro, zoj ise na, zin bibip ki kar tingo menderjan pakan ma tila ruumu sanaana mi tiso: “Wal ru tina, kozo zem zin ma tila len.”

³⁶To menderjana ta imborro kataama i, ila ma isotaara Paulus pa sua tana. Iso: “Zin bibip tiso mar ta kembei: Niomru Silas irao kala leyom. Tana ingi anzem yom i. Niomru kala raama leleyom ambai!”

³⁷Tamen Paulus iso pizin menderjan ta timar na ma iso: “Na na som. Zin bibip tina timolo tutu ki Rom kek. Pa niamru ti, tomtom ki Rom. Mi zin titiiri kat uunu tiam som, mi tibalís yam sorok ila iwal biibi matan. To tipiri yam sorok ilela ruumu sanaana. Mi ingi tisu mini ma tiso tiser yam ki kejana? Irao amlen zin na som. Bela zitun timar ta ti, mi tikam yam ma amla.”^q

³⁸To zin menderjan tila mi tisotaara zin bibip pa sua ki Paulus. Beso tilej kembei Paulus ziru Silas, zin tomtom ki Rom, to timoto kan. ³⁹Tana zitun tila ma zijan tiurpe lenen, tona tikam ziru ma tiyooto, mi tiwi zin be tizem kar tana.

⁴⁰Ziru tizem ruumu sanaana mi tila, to kanjan pa ruumu ki Lidia. Tila tina to, tindeenge tonmatizij pakan ta ki Krisi i. Mi tipombol zin pa sua pakan, tona tizem zin ma timbot, mi ziru tila len.

Paulus ziru Silas tila ta Tesalonika a

17 ¹Paulus ziru Silas tipa ma tila pa kar Ampipolis ma kar Apolonia, to tizem mi tila kar Tesalonika. Mi kar tina, lupjana muriini kizin Yuda ta imbotmbot. ²Tana Paulus ito mbulu kini, mi ikojuru lupjana muriini tana. Ni imbotmbot kar tina pa wik tel. Mi aigule potomjan ta boozomen tau zin Yuda keten su pa i, na ni ilelala lupjana muriini kizin, mi ikamam mos pa Anutu sua kini, mi itomtoombo be ipei ngar kizin. ³Zijan wal kar kan tizzo sua, mi ni iwesweeze kat sua ki Anutu ta iso pa Mesia bela ire yoyoujana mi imeete, to imanga mini

^m 16:30 Lu 3:10, 10:25; Ijgo 2:37 ⁿ 16:31 Yo 3:16,36, 6:47; 1Yo 5:10+ ^o 16:33 Ijgo 2:41, 16:15, 18:8; 1Kor 1:16 ^p 16:34 Ijgo 13:52; Ro 14:17; Ga 5:22; 1Pe 1:8 ^q 16:37 Ijgo 22:25

pa naala. Mi iso sua tana iur ŋonoono se ki Yesu. Tana iso pizin mi iso: “Kelen. Yesu ta aŋzzo yom pini i, ni Mesia tau.”^r 4 Tomtom kizin pakan tileŋ sua tiŋgi na, tire kembei sua ŋonoono. Tana tila ma tigaaba Paulus ziru Silas. Mi zin iwal biibi ki Grik ta tiurla ki Anutu mi tigabgaaba zin Yuda pa sunŋana kizin i, ziŋan zin moori zanŋan pakan, ta tila tigaaba zin tomini.

⁵Tamen zin Yuda tire iwal biibi timokor la kizin, to matan mburmbur. Tana tila tiyo tomooto sananŋan pakan ta tiwwa len sorok i ma tilup zin, mi timaŋga be tikuru zin kar kan lenen. Be molo som na, orooro biibi isala. To wis ma tila Yason ruumu kini, be tiru Paulus ziru Silas. Beso tindeeŋe zin ma iŋgi, to tiso tikam zin ma tipamender zin ila iwal biibi matan.^s 6-7 Tamen tila tiru zin ma som. To tiyaaru tataata Yason mi toŋmatiziŋ pakan ta ki Kisi i, mi tikam zin ma tila kizin peeze kan ki kar. Mi kaŋan izalla ma tiso: “Wal ta Yason ikam zin ma tila timbot ruumu kini na, tipa pa lele ta boozomen mi tipesese zin tomtom be tikam mbulu bozboozo. Mi iŋgi buri timar tipet kar kiti i. Wal tana tizorzooro tutu tau biibi itunu ŋonoono ki Rom iur na. Pa tisombe king toro imbotmbot tomini. Zaana Yesu.”^t 8 Iŋgi tipiri sua tiŋgi ila, to zin iwal biibi ziŋan zin peeze kan ki kar timaŋga ma tikam orooro biibi pa. 9 Tona zin peeze kan tiso pa Yason ziŋan waene bizin ma tikam pat pakan ma ila imbot kizin bekana ipamoto zin. Beso tikam mbulu toro sa mini som, to pat kizin imiili. Tiŋgiimi makin, mana zin peeze kan tizem zin ma tila.

Paulus ziru Silas tila kar Berea

¹⁰Timbot ma mbeŋ to, zin toŋmatiziŋ ta ki Kisi i karau men mi tiur Paulus ziru Silas ma tila pa kar Berea. Ziru tila tipet na, kaŋkaŋ ma tila pa lupŋana muriini kizin Yuda. ¹¹Zin Yuda ki Berea na, ŋgar kizin ambaiŋana. Tiliplip pizin Tesalonika kan. Pa tiŋgun taŋan pa sua, mi lenen ilip be tikam kat ka uunu. Tana aigule ta boozomen tiwatwaata sua ki Anutu, mi titirtiiri sua ta Paulus izzo na: Ko sua kini ŋonoono, som som?^u ¹²Tabe zin Yuda boozo tiurla. Mi zin Grik nan ta zanŋan na, ziŋan tomooto pakan tiurla tomini.

¹³Beso zin Yuda ta ki kar Tesalonika tileŋ Paulus uruunu kembei ikamam Anutu sua kini isu kar Berea tomini na, timar be tikuru zin iwal lenen mi tipesa zin. ¹⁴Tamen zin toŋmatiziŋ ta ki Kisi i loŋa men mi tiur Paulus ma ipera lene tai. Mi Silas ziru Timoti na, timbot men Berea. ¹⁵Zin tau tiur Paulus na, ziŋan tipa ma tila ta kar zaanaŋana Atens a. To Paulus iso pizin ta kembei: “Kimiili ma kala mini pa Berea, to koso pa Silas ma Timoti be loŋa timar.”

^r 17:3 Lu 24:26,45+; Iŋgo 3:18, 18:28 ^s 17:5 Iŋgo 13:45; Ro 16:21; 1Tes 2:2,16+

^t 17:6-7 Lu 23:2; Yo 19:12; Iŋgo 16:20 ^u 17:11 Yo 5:39

Paulus imbot kar biibi Athens

¹⁶Indeeje Paulus imbotmbot Athens mi inamnaama Silas ziru Timoti na, keteene malmal mi leleene ipata biibi kat. Pa irre la pa kar lene na, bok kat pa merere pakaamjan kunun. ¹⁷Tana ni ilelala lupjana muriini kizin Yuda, mi zijan zin Yuda mi wal pakan ta tiurla ki Anutu mi tigabgaaba zin Yuda pa sunjana kizin na, tizzo sua. Mi aigule ta boozomen na, zijan zin wal ta timarmar pa nol muriini i tomini, ni zijan tizzo sua.

¹⁸Zin wal ngarjan tau tipaute zin tomtom pa ngar bibip i, timbot la uunu ru. Ta, tipaata zin be Epikurean. Mi uunu toro na, tipaata zin be Stoik. Ina zin tomini zijan Paulus tiparzorzooro. To pakan timanga mi tiparso pizin ma tiso: “A, niom kere. To na, iyyo kwoono paso? Ina sa ilej la kizin wal pakan, ta izzo na.” Mi pakan tiso: “E-e, ingi ko isombe ikam ma tuurla kizin merere sorok ta kizin wal pakan.” Tiso ta kembei paso, Paulus izzo pa uruunu ambaijana ki Yesu mi mangajana kini tau.

¹⁹Tabe timanga mi titeege lae pini, to tikami ma tila pa lupjana kizin biibi ta zaana Areopagus na. To tiso pini. Tiso: “Lak, niam leleyam be amkam kat sua ta nu zzo pa na. ²⁰Pa koron pakan ta amlej nu zzo i, ina popojana piam. Tana leleyam be nu so mini mi amkam kat ka uunu.”

²¹Pa zin tomtom ki Athens mi zin leembe ta timbotmbot tana na, re beso tilej sua popojana sa ta buri ipet i, na irao tilae timaare som. Timap ma kwon itektege len mi timbombooren.

Mos ta Paulus ikam pizin Athens kan

²²To Paulus imanga mi imender la lupjana tana matan mi iso: “O niom tomtom ki Athens, nio ankilaala yom kembei niom kosombe kembeeze kat pizin merere ta boozomen. ²³Pa anjwwa pa kar lene ti, mi anrre zin koron tau kuzunzun pizin i na, andeeje artaal ta. Mi bude ta imbot se i, ina iso ta kembei. Iso: ‘Merere ta niam amute zaana som, ta ampo artaal ti pini.’ Lak, Merere sojana? Ni tau niom kuute i som mi kuzunzun pini i, ta nio anjzoyaryaara uruunu piom i.

²⁴“Ni Anutu ta iur toono mi koron ta munjaana men ta timbot pa. Saamba mi toono katuunu ta ni. Mi urum sunjana kana ta tomtom zitun tiwwo pa naman na, ni imbotmbot pa som.” ²⁵Som ni iru sokorei beken a tomtom tikam pini? Som. Pa ni itunu, ta ikam ma tomtom ta boozomen matan yaraaranjan, mi ikam koron ta munjaana men pizin.” ²⁶Mungu kat, ni iur tomtom tamen nonono. To tomtom tamen nonono tina, ta tomtom ta boozomen un tipet pini, mi timasak ma tirao toono ta boozomen. Mi mungu kek, ni itunu ngar kini mi leleene iur pa lele pakaana boozomen tabe tomtom timbotmbot pa. Mi iur len mazwaana be

ˆ 17:24 Un 1:1+; Ijgo 7:48+, 14:15 ˆ 17:25 Mbo 50:10+

timbot su toono kizin kizin.^x ²⁷Anutu ikam ta kembena bekema ipei ngar kizin tomtom ma tikam kinkiini be tiute i. Mi iti kembei tomtom mata pisŋana ta izaromrom kosa sa be ikam. Tamen Anutu, ni imbot molo pa tomtom sa som.^y ²⁸Pa pai kiti mi mboti kiti ta tombot su toono tingi na, iti tombot se kini men tau. Mi ina kembei ta tomtom tiom mboe kan pakan tisombe: ‘Iti ta boozomen na, Ni lutuunu bizin.’^z

²⁹“Tana sombe Anutu lutuunu bizin iti, na irao takam ngar ma toso ni kembei koronj kunun ta tomtom tiurpewe pa pat milmilŋan na som. Pa Anutu ŋonoono na, ni kembei merere soroksorok ta tomtom matan iur, mi zitun tikam mos pa naman keteene na som.”^a

³⁰“Ŋonoono, munŋu zin tomtom kembei matan munŋan ma tiute i som. Tanata Anutu iŋgal matan pa sanaana kizin som. Mi koozi, ni iur sua pizin tomtom boozomen ta timbot irao lele ta munŋaana men be tizem kat mbulu kizin sananŋan mi titooro lenen.”^b ³¹Pa ni itunu iur nol pataaŋa kek be itiiri iwal ta timap timbot su toono ti pa mbulu kizin mi iur kadoono pizin. Mi kadoono tabe ikam pizin i, ko indeeŋe men. Mi tomtom ta, Anutu iuri ma zaana imender pa uraata tana kek. Mi iwal ta munŋaana men tirao be tikilaali paso, ni, Anutu ipei i ma burup ma imanŋa pa naala kek.”^c

³²Indeeŋe ta tileŋ Paulus kwoono la pa sua lwoono tau “burup ma imanŋa pa naala kek” na, tomtom kizin pakan tiseeŋe pini. Mi pakan na, tiso pini ma tiso: “Kozo kaimer to so sua tana mini ma amlen.” ³³To Paulus izem zin mi ila. ³⁴Mi tomtom pakan tiurla, tana tila tigaabi. Zin ta tito i ŋan na, kizin ta zaana Dionisis. Ni tomtom ki lupŋana biibi tana. Mi moori ta, zaana Damaris, ni iurla tomini. Mi zin pakan.

Paulus ikam uraata su kar Korin

18 ¹To Paulus izem Atens mi ila kar Korin. ²Ila to indeeŋe Yuda ta. Zaana Akwila. Ni, naana ipeebe su lele pakaana ki Pontus. Mi waene zaana Prisila. Ziru timbot Itali mi timar. Pa Klodias, ta Kaisa ki Rom na, iur sua be zin Yuda ta timbotmbot kar biibi Rom na, timap ma tizem Rom mi tila lenen.”^d ³Paulus ila be ire ziru, to ziŋan timbotmbot mi tikamam uraata pa mbili kulin ma koronj, be tisese ma iwe kembei ta sel. Pa uraata ta ziru waene tikamam, ina Paulus uraata kini tomini be ikam le pat.”^e ⁴Mi aigule potomŋan ta munŋaana men tau zin Yuda keten su pa i na, Paulus ilelala lupŋana muriini kizin, mi ziŋan zin Yuda mi zin Grik tizzo sua. Pa iso ikam zin ma tiurla.

^x 17:26 Un 2:7 ^y 17:27 Mbo 145:18; Ro 1:20 ^z 17:28 Kol 1:17; Ibr 1:3

^a 17:29 Yesa 40:18+; Ro 1:22+; Iŋgo 19:26 ^b 17:30 Lu 24:47; Iŋgo 14:16; Ro 3:25; Tit 2:11+

^c 17:31 Mbo 9:8, 96:13; Iŋgo 2:24, 10:42 ^d 18:2 Ro 16:3; 1Kor 16:19; 2Tim 4:19 ^e 18:3 Iŋgo 20:34; 1Kor 4:12; 1Tes 2:9; 2Tes 3:7+

⁵Indeeje Silas ziru Timoti tizem Masedonia mi timar tipet na, Paulus izem uraata ta ikamam pa mbili kulin na, mi mataana ingalngal sua kamjana men. Ni izzokatkat pizin Yuda ta kembei: Mesia kizin na Yesu tau. ⁶Tamen zin tizoroori mi tiwirri sua sananja boozo pini. Tabe itir ululu pa mburu kini ma isu pizin, mi iso la nin. Iso: “Ambai. Mi sombe kala leyom, na niom uunu tiom tau. Mi kuur mar tio pepe. Ingi buri be anjem kat yom, mi ajla kizin wal ta Yuda somjan i.”^f

⁷To izem zin, mi ila imbot ki Titius Yastus. Ni Yuda som. Mi iurla ki Anutu mi igabgaaba zin Yuda pa sunjana kizin. Mi ruumu kini igarau lupjana muriini kizin Yuda. ⁸Mboron mataana kana ta ikamam peeze pa lupjana muriini tana, ni zaana Krispus. Ni zijan zin wal ta timbot ruumu kini na, timap tiurla ki Merere. Mi zin men som. Tomtom boozomen ki Korin ta tileljen sua na, tiurla mi tikam yok.^g

⁹Mbej ta na, Paulus ikeenetondo, mi ire Merere ipet kini ma iso: “Moto kom pepe, mi maane pa sua pepe. Tekteege sua ta kembena.”^h ¹⁰Pa nio anbotmbot raamu. Mi tomtom sa ko ikam malmal pu be ipasaanu na som. Pa kar ti, ingi nio wal tio boozomen ta timbotmbot i.”ⁱ ¹¹Tana Paulus imbot kar Korin ma irao ndaama ta mi pakaana, mi ikamam sua ki Anutu pizin.

¹²Indeeje ta Galio imborro lele pakaana biibi ki Akaia na, zin Yuda tilup lenen mi timanga pa Paulus. To tikami ma tila tipamenderi ila Galio mataana. ¹³Tila to tiso: “To ti, ni ipandelndel zin tomtom, mi iso ikam be itooro zin ma tito zaala popojana pa sunjana ta tikamam pa Anutu i. Tana ni ikamam zoorojana pa tutu ki Rom.”

¹⁴Paulus be kwoono ikaaga pa sua. Som mi, Galio iso pizin Yuda. Iso: “Niom Yuda kelej. Sombe tomtom ti ikam mbulu sananja nonoono sa tabe kakami ma kamar pa i, so irao anlen yom mi itijan tuurpe. ¹⁵Mi ingi niomjan kaparooro pa sua mi tutu tiom Yuda men, mi tomtom zan ma koron ta kembei. Tana niom ituyom kuurpe. Pa nio lelen be antiiri sua sorok ta kembena som.”^j ¹⁶To iser zin ma tipera mat. ¹⁷To iwal biibi timanga pizin mi tipun Sostenes pataaja isu sua urpejana muriini tana. Pa ni ta imborro lupjana muriini kizin Yuda isu kar tana. Tikamam na, Galio mataana ila pizin risa som.

Paulus imiili mini ma ila pa kar Antiok ta Siria a

¹⁸Paulus zijan zin tojmatizij ki kar Korin timbot ma molojana ri, mana iteege naman mi izem zin. Pa isombe imiili ma ila lele pakaana ki Siria mini. Mi Prisila mi Akwila tigaabi. Tizza woongo su kar Kenkrea,

^f 18:6 Ezek 33:7+; Mt 10:14+; Ijgo 13:46; Ro 1:16 ^g 18:8 Ijgo 16:15,33; 1Kor 1:14

^h 18:9 Ijgo 23:11; 1Kor 2:3 ⁱ 18:10 Mt 28:20; Yo 10:16 ^j 18:15 Yo 18:31;

Ijgo 23:29, 25:18+

mi tipup Paulus ute ruunu ma isu lene. Pa ina iwe kilalan pa sua mbolḡana ta ni imbuk pa Anutu na. Mana woḡḡo ilela be ikam zin.^k

¹⁹⁻²¹ Tikwai ma tila tipet kar Epesus, to Paulus ilela lupḡana muriini kizin Yuda ma ziḡan zin Yuda tiparzorzooro pa sua. Zin Epesus kan tiso tiruuti be ziḡan timbot ma moloḡana ri. Tamen ni ipiyar. To iteege naman mi iso pizin. Iso: “Anutu itunu tau. Sombe leleene be aḡmiili ma aḡma tiom mini, nako kena.” Iso ta kembei, mi keḡ se woḡḡo mini be ila pa Sisarea. Mi Prisila ziru Akwila na, timboren Epesus.^l ²² Paulus ila ipet kar Sisarea, to kaḡkaḡ ma isala Yerusalem be ire lupḡana ki Krisi ma ziḡan tiso sua ri. Mana isula mini pa kar Antiok.

Paulus imaḡa pa pai kini ta iwe tel pa

²³ Ni imbot moloḡana ri isu Antiok, mana imaḡa mini pa pai ma iwwa pa lele pakan ki Galesia mi Pirigia, mi ipombolmbol zin wal ki lele tana ta titoto Yesu i.

Apolos ikam Anutu sua kini isu kar Epesus mi Korin

²⁴ Yuda ta, ni imar kar Epesus. Zaana Apolos, mi kar kini Aleksandria. Mi ni tomtom ḡarḡana mi kwo suaḡana. Mi ikam kat ḡar pa sua ki Anutu. ²⁵⁻²⁶ Ni, tipaute i pa zaala ki Merere kek. Tana sua kini ta izzo pa Yesu na, indeḡdeḡ men. Mi izzo katkat sua raama leleene, mi ikamam sua mbolḡana pizin tomtom. Tamen iute yok kamḡana ki Yoan men. Tana imaḡa be ikam sua lela lupḡana muriini kizin Yuda, mi Prisila ziru Akwila tileḡi, to tikami ma tila ruumu kizin, mi tisoḡe i pa zaala ki Anutu bekena iute kat.

²⁷ Apolos, ni leleene be ila lele pakaana ki Akaia tomini. Mi zin toḡmatiziḡ ki kar Epesus tiso tipomboli. Tana tibeede ro ta ila kizin Akaia kan ta titoto Yesu i, mi tisoḡaara zin be tiur matan pini. Beso ila ipet to tikami. Apolos ila ipet Akaia na, iuulu kat zin wal ta Anutu ikampe zin ma tiurla kek na.^m ²⁸ Pa ni izzwe katkat sua ki Anutu pizin tomtom. Mi ziḡan zin Yuda tiparzorzooro ila iwal biibi matan, mi imendernder mbolḡana mi ikototo zin. Tabe ikam ma tomtom tikilaala ta kembei: Yesu, ni Mesia.ⁿ

Paulus ikam Anutu sua kini isu kar Epesus

19 ¹ Indeeḡ Apolos imbotmbot kar Korin na, Paulus iwwa pa karkari ta timbotmbot abal uteene na, mi ipombolmbol zin urlaḡana kan ma ila ila ma isula kar Epesus. Ila mi indeeḡ wal pakan ta titoto Yesu i, ² to iwi zin. Iso: “Parei, indeeḡ ta niom kuurla na, kakam

^k 18:18 Nam 6:18; Iḡo 21:24 ^l 18:19-21 Ro 1:10; 1Kor 4:19; Ibr 6:3; Yems 4:15

^m 18:27 1Kor 3:6 ⁿ 18:28 Iḡo 9:22

Bubugana Potomgana tomini, som som?”^o Mi zin tipekel ma tiso: “E-e, niam amleŋ sua sa pa Bubugana Potomgana som.”

³Paulus iso: “Ambai. Mi yok kamgana pareiŋana ta tikam piom na?” To tiso: “Yok kamgana ta ki Yoan na.”^p

⁴Tabe Paulus iso: “Yok kamgana ki Yoan, ina iwe kilalan pizin wal ta titooro lenen mi tizem sanaana kizin. Mi Yoan iso pizin tomtom be tiurla ki tomtom toro tabe imar pa kaimer na. Mi ina Yesu tau.”^q ⁵Tilen na, tikam yok pataaŋa pa Merere Yesu zaana. ⁶Mi Paulus iur namaana isalakaala zin, to Bubugana Potomgana imar isalakaala zin lup. To timanga na, tiso sua ila karkari kalŋan, mi tiwe Anutu kwoono ma tiso kalŋaana pizin tomtom.^r ⁷Zin tomooto tana ko kembei laamuru mi ru sa.

⁸Mi puulu tel, ta Paulus ziŋan zin Yuda tiparzorzooro pa Anutu peeze kini lela lupgana muriini kizin. Ni imototo som. Kwoono imbol mi izzokatkat sua. Pa iso ikam zin ma tiurla. ⁹Tamen zin pakan na, ngar kizin imbol. Tabe tiurla som, mi tipiri sua sananŋana pa Merere zaala kini ila iwal biibi matan. To Paulus izem zin, mi ikam zin wal ta titoto Yesu i ma tila. Mi aigule ta boozomen ziŋan tiluplup zin lela ruumu biibi ki Tiranus, mi tizzo sua.^s ¹⁰Tikamam ta kembei ma irao ndaama ru. Tabe zin Yuda mi Grik ta timbot lele pakaana biibi ki Asia na, timap tileŋ Merere sua kini.^t

Seba lutuunu bizin

¹¹Anutu ipombolmbol Paulus ma itortooro mos mburanŋan ma tiwedet. Mos tana tipa ndel kat.^u ¹²Ikamam ma sombe koronŋ kini riŋariŋa kembei ta kawaala kini pakanpakan na ila ise wal metenŋan, to nin ndabok. Mi zin tau bubugana sananŋan tiru pizin na, tiyotyooto pizin ma nin ambai.^v

¹³Zin Yuda pakan ta tizirziiri bubugana sananŋan na, zin timbotmbot i. Mi tiwwa ma tiso tiziiri bubugana sananŋan pizin tomtom pa Merere Yesu zaana tomini. Tana tizzo sorok pizin bubugana sananŋan ta kembei: “Yesu ta Paulus izzoyaryaara uruunu i, ta nio anŋmender se ni zaana mi anŋur sua piom be koyooto.”^w ¹⁴Mi Yuda ta, zaana Seba. Ni biibi ta kizin patoronŋana kan na, lutuunu bizin lamata mi ru ta tikamam ta kembei tomini.

¹⁵Tamen aigule ta na, tikam ta kembei, mi bubugana sananŋana ipekel kalŋan ma iso: “Yesu, nio anŋute i. Mi Paulus na, anŋlenŋen uruunu. Mi niom tina na, anŋkankaana piom.”^x ¹⁶To tomtom tau bubugana sananŋana izeebi na, imanga mi ipun zin ma runggun isaana. Pa mburaana ilip kat pizin. Mi iraraaza mburu kizin ma isu lene lup. To timanga na tiko pa ruumu tana ma tila len.

^o 19:2 Yo 7:39; Ijgo 2:38, 8:16, 10:44 ^p 19:3 Mk 1:4; Ijgo 1:5 ^q 19:4 Mt 3:11+

^r 19:6 Ijgo 2:4, 8:17, 10:44+ ^s 19:9 2Kor 6:14+ ^t 19:10 Kol 1:6 ^u 19:11 Ijgo 5:12+, 14:3; 2Kor 12:12 ^v 19:12 Mk 16:17+; Ijgo 5:15 ^w 19:13 Mk 9:38 ^x 19:15 Mk 1:34

¹⁷Zin Yuda ma zin Grik ta boozomen ta timbot kar Epesus na, tilen urun, to motoŋana biibi ikam zin, mi tiwidit Merere Yesu zaana ma isala ta kor a. ¹⁸Mi wal urlaŋan boozomen timar ma tizzwe mbulu kizin sananŋan ila iwal matan. ¹⁹Mi wal boozomen ta tikamam naborou na, timar raama ro kizin ta naborou kan sua ize i. To iwal biibi tirre, mi tiswiri sala you ma ikan ma imap. Beso titoombo tirobon ro kizin tana kadoono na, sorok som kat Ko irao kembei pat milmilŋan 50,000 ma iŋgi. ²⁰Ina zaala tana ta Merere ipombol sua kini ma irak ma irao lele. Pa sua iloondo raama mburaana. Tabe zin wal ta tiurla i, timasak ma tiwe boozo.

²¹Uraata ti ilae, mana kaimer to Bubunana ipazal Paulus, mi ni ikam ŋgar be ipa ma ila pa lele pakaana ki Masedonia ma Akaia, tona imiili mini pa Yerusalem. Mi ikam ŋgar ta kembei. Iso: “Aŋla tinga munŋu, mi kaimer to ko aŋla aŋre zin Rom kan tomini.”^y ²²Tana iŋgo Timoti mi Erastus, gaabaŋana ru ta tiuluuli pa uraata i, be timuunŋu ma tila Masedonia. Mi ni imbot ŋana ri isu lele pakaana ki Asia.

Malmal biibi ipet su Epesus

²³Indeeŋe mazwaana tana, Merere zaala kini iwe uunu pa malmal biibi ma ipet su kar Epesus.^z ²⁴Tomtom ta, ni zaana Demetrius. Ni uraata kini be iurpewe zin koron pa pat silba. Mi koron ta, ta ni iurpewe zin na, ina urum ki merere Artemis kunun.^a Zin uraata kan kini timbelmbel pat kamŋana pa koron ta tana. ²⁵Tana Demetrius iboobo zin uraata kan kini ma timar, mi ziŋan tomtom pakan ta uraata kizin raraate na, tilup zin. To imanŋa na iso pizin.

Iso: “Ou, niom kuute, iti uraata kiti tindi ta tayaryaaru pat boozo pa i. ²⁶Mi Paulus tana, niom ituyom kere i mi keleni lup kek. Ni kwo mbolŋana, mi inoknok sua ta kembei: ‘Merere kunun ta tomtom tiurpe pa naman na, ina Merere ŋonoono som.’ Tana ipandelndel zin Epesus kan boozo ma titooro zin kek. Mi iŋgi be ikam Asia ka tomtom bizin ma timap i.^b ²⁷Tana aŋso kere iti kek? Pa iŋgi be toporou sala patanana i. Pa to tana ko ikam ikam ma tomtom tirepiili uraata kiti. Mi tina men som. Ko ikam patanana pa merere kiti zaanaŋana Artemis tomini. Pa ina kola ikam ma urum kini iwe koron sorok. Mi Artemis zaana ta kembena. Koozi zin iwal biibi ki Asia mi toono ta boozomen tipakuri. Tamen Paulus ko ikam ma iwe koron sorok.”

²⁸Zin tilen sua tana, to ipas keten ma tau timanŋa ma kalŋan izalla ma tiso: “Artemis, ni merere kiti Epesus. Ni ta zaana biibi tau!”

²⁹Molo som na, orooro isala ma irao kar biibi. To keten malmal mi titeege lae pa Gaius ziru Aristakus. Pa ziŋan Paulus tiwwa tau. Wal ru

^y **19:21** Ro 1:11+, 15:23 ^z **19:23** 2Kor 1:8+ ^a **19:24** Artemis, ni merere pakaamŋana kizin Grik. Mi ni moori. ^b **19:26** Mbo 115:4; Yesa 44:10+; Iŋgo 17:29; Tur 9:20

tina, zin Masedonia kan. Karau lae pizin mi tiyaaru tataata zin ma tila lele tau iwal biibi tiluplup zin su pa i. ³⁰Paulus, ni iso ila ipet iwal biibi matan be iso sua pizin. Tamen wal pakan ta titoto Yesu i tipeteke i. ³¹Mi guraaba pakan ki Paulus ta timborro lele pakaana ki Asia na, zin tomini tipeteke la pini be ila iso runguunu pizin iwal biibi tana pepe.

³²Mi iwal biibi ta timbotmbot na, tikamam orooro ma kaljan izalla ta kor a. Tomtom pakan kaljan izalla pa koronj ta, mi pakan tizzo len sorok pa sua toro. Pa zin boozo ta timar tilup zin na, tiute lupjana tana ka uunu som. ³³To zin Yuda timanga na tipusuk Alisande ma ila ta mataana a. Mi tomtom pakan tire i, to tiso ko ni ta iwe uunu pa malmal tana. To Alisande iur namaana pizin iwal biibi be lele ikam kinj mibe isope zin. ³⁴Tamen zin matan ila na, tikilaali kembei ni Yuda. To tilup kwon mi kaljan isala ta kor a. Tiso: “Artemis, ni merere kiti Epesus. Ni ta zaana biibi tau!” Tinoknok ta kembei ma irao mazwaana mologana ri.

³⁵⁻³⁶Tana kuskus ki Epesus imanga, to zin timaane mi tingun taljan pini. To ni iso: “O niom tomtom ki Epesus, toono ta boozomen tiute iti makinj. Iti tingi ta tomborro merere zaanaana Artemis urum kini ramaki kunuunu ta imbot saamba, mi itop ma isu na. Tomtom sa irao izooro iti pa koronj taing i na som. Tana kakam mbulu kankaanaana pepe. Kamane! ³⁷Pa wal ta kakam zin ma timar i, zin tipasaana urum ka kosa sa som. Mi tikam sua repilijana sa pa merere Artemis som. ³⁸Sombe Demetrius mi waene bizin ta zijan tikamam uraata na len sua sa pa tomtom sa, na irao timbot ma ni ka aigule. Pa zin bibip ki titirtiiri sua i, ta timbotmbot i. Tana zin irao tila kizin, to zijan tiurpe sua. ³⁹Mi sombe sua pakan sa ta leleyom be koso, na kuur la lupjana ki kar namaana be titiiri mi tiurpe. Naso koto tutu kiti. ⁴⁰Pa koozi iti tososor pa mbulu kek. Tere na, orooro tingi ka uunu sa som. Mbulu ta koozi kakam na, sombe tiwi iti pa ka uunu, ko tepekel be parei?” ⁴¹Tana iso makinj, mi kaimer mana iso: “Kala leynom!” To timureege ma tila len.

Paulus ila ire zin Masedonia kan mi zin Grik

20 ¹Orooro biibi tana imap, mana kaimer to Paulus iboobo zin wal ta titoto Yesu i ma tila tilup zin, mi isotaara zin kembei ni be izem zin. Tila mi ni ipombol zin pa sua pakan, to izem zin ma timbot, mi imanga ma ila pa Masedonia. ²Iwwa ma ila beso ipet lele sa mi indeeje wal pakan ki Krisi, to ipombol zin pa sua boozo, mana ipa mini. Iwwa ma ila mi ipet lele pakaana kizin Grik, ³to imbot pa puulu tel. To iso imanga mi ikam woongo be ila lele pakaana ki Siria. Som mi ilenj kembei zin Yuda timbuuru kana. To itoori mini be ipa pa lele pakaana ki Masedonia. ^c ⁴Mi wal ta ni zijan tila ta zan tis: Sopata ta Pirus lutuunu i,

^c 20:3 2Kor 11:26; 1Tes 2:15+

ni ki kar Berea, mi Aristakus ziru Sekundus ki kar Tesalonika, mi Gaius ki kar Derbe, mi Timoti, mi Tikikus ziru Tropimus ki Asia. ⁵ Zin tina timuungu ma tila tizza yam su kar Troas. ⁶ Mi niam pakan na, ambot kar Pilipai pa lupḡana biibi ki narabu ta yis somḡana i. Ina imap, to amla ma amkam woonggo. Amkowo pa aigule lamata, mana amlela Troas. To amdeenge zin. Mi ambot Troas pa aigule lamata mi ru.

Paulus ipei Yutikus ma imangḡa mini

⁷⁻⁸ Indeeḡe aigule mataana kana na, niam amlup yam pa kini kanḡana mi sunḡana lela ruumu leleene ta imbot kor. Mi Paulus ziḡan zin tomtom tizzo pa sua ki Anutu ma ila mbeḡ lukutuunu. Pa aigule toro to pai. Mi titun lam boozomen. ^d ⁹ Mi nanḡaḡ ta, ni zaana Yutikus. Imbutultul se miiri kwoono mi ingungun talḡaana pa sua. Paulus ziḡan zin tomtom tizzo ma tizzo be molo som na, Yutikus mata ḡenḡeene. To itur ma som mi imbot. Ta kembei men ma ikanamaala itunu risa som. Tabe imalaala to iwwa. Itop pa ruumu leleene ta kor a ta iwe tel pa i, mi isula ta toono a. Wis ma tila be naman su pini na, Yutikus ni imeete ma kup kek. ¹⁰ Tamen Paulus isula toono, to isala ḡwaana mi isou i. To iso pizin. Iso: “Leleyom ipata pepe. Ni mataana iyaara mini kek.” ^e ¹¹ Paulus imiili ma isala mini, to titete narabu ma tikan, mi ni izzo sua pizin ma berek su. To izem zin mi pai. ^f ¹² Mi Yutikus na, tikami ma tila ruumu kini mi lelen ambai kat. Paso, ni mataana yaryaara ma imbot.

Paulus izem kar Troas mi ila kar Miletus

¹³ Paulus iurpe zaala piam be amse woonggo, mi amuungu ma amla kar Asos, to amsa i isu tana. Mi itunu na, ipa toono. ¹⁴ Imar ma indeeḡe yam su Asos, to amkami mi amkwai ma amla mutu Mitilene. ¹⁵ Amkeene ma aigule toro na, amla amdeeeḡe mutu Kios. Kozeere na, amar ampet mutu Samos. Mi kozeere mini na, kanḡaḡ ma amla amkam kar Miletus. ¹⁶ Paulus ipiyar. Pa leleene be ila Yerusalem, mana lupḡana biibi ki Pentekos ipet. Tana leleene be ilela ta kar Epesus som. Pa imoto: Kokena ilela, to imbotmbot ma molo su lele pakaana ki Asia.

Paulus ipombol zin mboronḡan ki Epesus pa sua pakan

¹⁷ Tana Paulus imbot kar Miletus, mi ikam sua ma ila pa lupḡana ki Kisi ta imbot kar Epesus na, be mboronḡan kizin timar. ¹⁸ Timar tipet, to iso pizin. Iso: “Keleḡ. Indeeḡe aigule mataana kana ta aḡmar aḡpet lele pakaana ki Asia, mi imar imar ma indeeḡe koozi na, mbulu tio ta aḡkamam na, niom kere kek. ¹⁹ Zin Yuda timbukmbuk koḡ kiizi totomen, mi tikamam pataḡana boozi pio, mi tomtom tipamiaḡ yo kat. Tamen nio

^d 20:7-8 Yo 20:1+; 1Kor 16:2 ^e 20:10 2Kin 4:32+; Iḡo 9:40 ^f 20:11 Lu 22:19

aŋkototo itun, mi aŋbesmbeeze pa Merere raama tiŋiizi. ²⁰ Mi niom kuute: Sua boozomen ta irao be iuulu yom na, aŋwatkaala sa piom som. Aŋzzo sua su mat keteene, mi aŋmama ruumu ma aŋzzo yom pa tomini.^g ²¹ Kwon imbolmbol pizin Yuda, mi zin Grik tomini, be tizem sanaana kizin, mibe titooro ŋgar kizin ma ila ki Anutu, mi tiurla ki Merere kiti Yesu.^h

²² “Mi buri na, Bubunana Potomŋana imanŋa pio be aŋla Yerusalem. Mi aŋkankaana pa. Ko mbulu pareinana ipet pio su tana?ⁱ ²³ Nio aŋute men tau kar boozomen ta aŋlala pa i, na Bubunana Potomŋana izzo yo ta kembei: Ruumu sanaana, mi patanana boozo ta izza yo a.^j ²⁴ Tamen nio aŋre ta kembei: Itun mbotŋana tio, ina koron sorok. Pa aŋkamam ŋgar men pa uraata ta Merere kiti Yesu iur mar nomon i be aŋkiskis mi aŋposop kat. Uraata tana na, ta kembei: Uruunu ambainana ta iso pa muŋainana mi kampanana ki Anutu na, bela aŋso pizin tomtom mi kwon imbol pa.^k

²⁵ “Kere. Niom tiŋgi, muŋgu nio aŋbotmbot la mazwoyom mi aŋzzo yom pa peeze ki Anutu. Mi iŋgi buri na, aŋute kat tau tiom tasa ko irao ire moton mini som. ²⁶ Tana koozi nio aŋso kat yom ta kembei. Sombe tomtom tiom tasa ila lene, ina uunu tio som.^l ²⁷ Pa nio aŋwatkaala sua sa piom som. Ŋgar ta boozomen ki Anutu, ta aŋso yom pa ma imap lup.

²⁸ “Motoyom iŋgal ituyom, mi sipsip boozomen ki Anutu ta Bubunana Potomŋana iur yom be komboro zin na. Komboro kat lupŋana ki Anutu. Pa ni iŋgiimi zin pa itunu Lutuunu siŋiini.^m ²⁹ Mi nio aŋute. Sombe aŋzem yom, inako wal pakan timar kembei ta me saŋsaŋŋan, mi tigaaba yom ma tipasaana Anutu wal kini.ⁿ ³⁰ Mi niom ituyom tomini, tomtom tiom pakan kola timanŋa, to tipabogboogo sua ŋonoono, mi tiyaaru wal pakan ta titoto Yesu i be tito zin.^o ³¹ Tana kere yom pizin. Mi motoyom iŋgal ndaama tel ta itinan tomtotmbot na. Mazwaana tana, nio aŋmaane piom som. Aŋzzopewe yom tatana pa mbeŋ ma aigule raama tiŋiizi.^p

³² “Mi iŋgi buri aŋso aŋur yom la Anutu namaana. Tana kwon imbol piom ta kembei: Motoyom iŋgal Anutu sua kini ta iso pa muŋainana kini. Pa ina ko ipombol yom, mi iuulu yom be kakam matamur kini ambainana ta ni imbuk sua pa be ikam pizin wal kini.^q ³³ Indeeŋe ta itinan tomtotmbot na, nio moton berber pa tomtom sa pat kini, som mburu kini sa be aŋkam leŋ i som.^r ³⁴ Niom ituyom kere kek. Koron ta iuluulu yo raama zin gaabaŋon ti, ina iwedet pa uraata ta itun aŋkamam pa nomon na.^s ³⁵ Aŋkamam ta kembei paso, aŋsombe aŋwe kin ambainana piom. Pa iti sombe takam uraata ma biibi, nako lende koron ma irao, mi tarao be tu'uulu zin wal ta

^g 20:20 Mbo 40:10 ^h 20:21 Ŋgo 2:38 ⁱ 20:22 Ŋgo 20:16 ^j 20:23 Ŋgo 9:16

^k 20:24 Ŋgo 21:13; 2Kor 4:1; Ga 1:1; Pil 1:20; 2Tim 4:7; Tur 12:11 ^l 20:26 Ezek 3:17+; Ŋgo 18:6 ^m 20:28 1Tim 4:16; 1Pe 1:18+, 5:2+; Tur 5:9 ⁿ 20:29 Mt 7:15; Yo 10:12; 2Pe 2:1

^o 20:30 1Tim 1:3-19+; 1Yo 2:19 ^p 20:31 Mk 13:37; 1Tes 2:11 ^q 20:32 Ŋgo 14:23; Ep 1:18; Kol 1:12; 1Pe 1:4+ ^r 20:33 1Kor 9:11+; 2Kor 2:17, 7:2; 1Tes 2:5 ^s 20:34 Ŋgo 18:3; 1Kor 4:12; 2Kor 12:14+; 1Tes 2:9

len koronj somŋan i. Matanda ngal Merere Yesu sua kini ta iso: ‘Ŋonoono, iti sombe tikam lende koronj, na menmeen ti pa. Mi sombe itundu tu'uulu zin tomtom pa koronj kiti, nako ikam ma menmeen ti biibi kat.’”^t

³⁶Paulus iso sua tana ma imap to, ziŋan tilek kumbun mi tisunj.

³⁷Tisunj makinj, to timaŋga mi tila tisou i, mi ziŋan titanj. ³⁸Lelen isaana kat pa sua lwoono ri ta isombe zin ko tirao be tire mataana mini som. Tana titanj makinj, mi tiuri ila woongo.

Paulus ila Yerusalem

21 ¹Niam amparzem yam na, zin timbot mi niam ampet. Mi amkwai ma kaŋkaŋ ma amla pa mutu Kos. Kozeere mini na, amla mutu Rodos. To amla mi amlela Patara. ²Amlela Patara, to amdeene woongo toro tabe ikakat ma ila pa lele pakaana ki Ponisia. Tana amlu yam se mi amla. ³Amkowo amkowo ma amre la pa mutu Saiprus. To amzem ma imborene, mi ampa ndapet men, mi amkoŋuru toono biibi Siria. Amla na amlela kar Tiro. Pa kar tana, ta gorgori woongo tana izemzem mburu su pa i. ⁴⁻⁵Amla amru zin wal ki kar tana ta titoto Yesu i, to niamŋan ambot pa aigule lamata mi ru. Pa amzza woongo tau. Mi Merere Bubunjana ipatoonjo zin pa mbulu tabe ipet pa Paulus i, tabe tibiigi i be imbot. Kokena isala Yerusalem. Niamŋan ambotmbot, to amzem zin mi amla. Wal boozomen ta titoto Yesu i, ziŋan waen bizin mi lutun bizin, ta timap tiur yam ma amzem kar mi ampera tai. Ampera tai na, amlek kumbuyam mi amsunj su peende.” ⁶To amparzem yam mi niam amla ma amsala woongo, mi zin ra, timiili ma tila kar.

⁷To ampet mini, mi woongo iko ma amla mi amlela kar Tolemais. Amre toŋmatizij pakan, mi niamŋan ambot pa aigule ta. ⁸To kozeere mini na, amzem zin, mi amla ampet kar Sisarea. To amla ambot ruumu ki Pilip. Ni tomtom ki izzo uruunu ambaijana. Wal lamata mi ru ta munju tiur zin be tiuulu zin ŋgoŋana pa uraata na, kizin ta ta tingi.” ⁹Ni lutuunu moori bizin paŋ ta tiwoolo zen. Mi zin tiwe Anutu kwoono bizin. Pa ni ipatoŋtoonjo zin pa koronj pakan.

¹⁰Niamŋan ambot pa aigule pakan, mana Merere kwoono ta, zaana Agabus, ni imbot Yudea mi isu. ¹¹Imar tiam, to ikam lae pa pus ki Paulus, mi ipo itunu namaana ma kumbuunu pa, mi iso: “Bubunjana Potomjana iso ta kembei: Mbulu raraate men ko ipet pa pus ti katuunu. Pa zin Yuda ta timbot Yerusalem a kola tipo namaana ma kumbuunu, mi tiuri la kizin wal ta Yuda somŋan i naman.””^w

¹²Amleŋ sua tingi to niamŋan waeyam bizin tana leleyam be Paulus isala Yerusalem pepe. Tana amtoombo be amruuti. ¹³Tamen ni iso

^t 20:35 2Kor 9:8; Ep 4:28; 1Tes 4:11+; 1Tim 6:18 ^u 21:4-5 Iŋgo 20:36 ^v 21:8 Iŋgo 6:5, 8:5

^w 21:11 Iŋgo 20:23, 21:33

piam ma isombe: “Ah, tiñiizi tiom tingi parei? Koso kakam be kaparru koponj pa patajana tingi? Sombe tipo yo su Yerusalem, na tipo yo lak! Mi sombe tipun yo ma anmeete pa Merere Yesu zaana, ina ambai tomini.”^x

¹⁴Tana amso ma som. Pa ni itunu imbol. To leyam sua sa mini som, mi amso: “Ambai, imbot la ki Merere itunu leleene tau.”

¹⁵Sua tana imap tona, amkam mburu tiam mi amsala pa Yerusalem. ¹⁶Wal pakan ki Sisarea ta titoto Yesu i, tiurur yam, mi niamjan amap ma amla ruumu ki Nason, to ambot. Nason tana, ni tomtom ta kizin wal mataana kan ta titoto Yesu i. Mi ni tomtom ki mutu Saiprus.

Paulus ila ipet Yerusalem

¹⁷Amsala Yerusalem mi zin toñmatizij ta timbot tina tire yam, to lelen ambai kat mi timar tikam yam ma amla. ¹⁸Kozeere mini na, niamjan Paulus amla be amre Yems. Mi amla na, zin mboronjan kizin ta boozomen timar timbotmbot tomini. ¹⁹To Paulus ila ma ire zin, mi ipit mbol pa uraata boozomen ta Anutu ipomboli pa ma ikam la zin wal ta Yuda somjan i mazwan na.

²⁰Tilej to tipakur Anutu zaana pa. To tisu mini mi tiso pa Paulus. Tiso: “Toyam, re. Zin Yuda booze kat ta tiurla ki Yesu i. Mi zin timap timbol kat pa tutu.”^y ²¹Mi urum na, imar ma zin tilej kek. Pa tomtom pakan tipingisngis sua ku ma tiso zin Yuda ta timbotmbot la zin wal ta Yuda somjan i mazwan na, nu zzo pizin be tipizil ndemen pa tutu ki Mose mi mbulu kiti mungunan, mibe tireete lutun bizin pepe.^z ²²Tana ingi ko takam parei mi tupunmeete sua tana? Pa tomtom ko tilej urum kembei nu mar kek, to dudut ma timar mi tikam mbulu sa.

²³“Tana lej la sua tiam ti mi kam ta kembei. Tomtom panj ta timbotmbot i. Zin timbuk sua pa Anutu kek. ²⁴La kizin ma niomjan kuurpe yom be kewe ngeezenoyom pa Anutu mataana, mi uulu zin mi giibi pat pa uten ruunu pupjana.”^a Naso tomtom ta boozomen ki kar ti tire mi tiso: ‘O, to ti uruunu ta imar ma telej na, ina pakaamjana. Pa ingi ni itoto men tutu ki Mose.’^b

²⁵“Mi wal urlajan ta Yuda somjan i na, niam amur zaala pizin kek mi ambeede ro ila pizin, mi amso pizin be tikan kini ta tipakur zin merere pakaamjan pa i pepe, tikan sinj pepe, tikan buzur sinjana pepe, mi timolo ula ka tutu pepe.”^c

^x 21:13 Lu 9:51; Ijgo 20:24 ^y 21:20 Ijgo 15:1,5 ^z 21:21 1Kor 7:18+; Ga 3:10+, 5:2+, 6:15; Kol 2:16+ ^a 21:24 Zin Yuda tikamam mbulu ta kembei: Sombe tomtom sa imbuk sua mboljana pa Anutu, na ni, tipupi som ma ila ila beso sua kini iur nonoono, to ikam patoronjana pa mbili pakan. Tana zin urlajana kan ki Yerusalem lelen be Paulus ingiimi zin mbili pa tomtom panj taingi. Naso iswe kembei ni itoto men tutu. ^b 21:24 Ijgo 18:18; 1Kor 9:20 ^c 21:25 Ijgo 15:29

²⁶Tikeene ma aigule toro to, Paulus ila ikam tomtom paŋ tana, mi ziŋan tila be tiurpe zin ma tiwe ŋgeezetan pa Anutu mataana. Ni ila Urum Merere, to iur sua sotaaraŋana kizin ise: Ko tikam aigule piizi be tiurpe zitun ma imap, mana tikam patoronŋana ma ikot zin.

Zin Yuda titeege Paulus su Urum Merere

²⁷Aigule lamata mi ru tana be imap. Som mi, Yuda pakan ta timar pa lele pakaana ki Asia na, tire Paulus imbotmbot Urum Merere kwoono. Tabe tila tikuru zin iwal lenen, to tila mi tikiskis lae pini. ²⁸Mi kalŋan izalla ma tizzo: “Ou, niom tomtom ki Israel, kamar mi ku'uulu yam lak! Tomtom tau iwwa pa lele ta boozomen mi ikamam sua pizin tomtom ta munŋaana men kembei iti ramaki tutu kiti mi Urum Merere potomŋana tiŋgi na koron sorok, ta itunu tis! Mi buri ŋonoono, ni ikam mbulu toro ma isala ki. Pa iyo Grik pakan ma tilela Urum Merere potomŋana ti ma tau tipasaana ma isaana kat.”^d ²⁹(Zin tiso ta kembei paso, muŋgu tire Tropimus ta ki kar Epesus i ziru Paulus tiwwa pa Yerusalem. Tana tikam ŋgar sorok ma tiso ko Paulus ikami ma ziru tilela Urum Merere ka siiri.)^e

³⁰To zin Yerusalem kan timap ma timanga ma kalŋan isala. Mi tilonloondo ma timar tile urum lene, to tiyasasaara Paulus mi tiyaaru tataati ma tipera mat, mi tikotkaala kataama pataaŋa. ³¹Tiso tikam be tipuni ma kup. Tamen sua ikam biibi ŋonoono ta imborro zin malmal kan ki Rom i. Tiso pini ta kembei: Zin Yerusalem kan ta timap ma tikamam malmal biibi. ³²Taba tikamam, mi biibi ŋonoono tana wis ma isu raama zin malmal kan kini mi zin bibip kizin. Zin Yuda tipunun Paulus, mi tire biibi tana ziŋan zin malmal kan kini tuŋ sula, to tizemi.

³³Biibi tana ila ipet kizin, tona iso ma tikiskis Paulus, mi tipo namaana pa re ru. To iwi zin. Iso: “To tiŋgi, ni asin? Mi ikam so mbulu i?”^f ³⁴Iwal biibi ta timbotmbot i, pakan timanga ma tiso pa sua uunu ta. Be pakan timanga, to tiso pa uunu toro. Taba tikam ma biibi tana ipas kat sua ŋonoono sa som. Pa tiso sua ndelndelŋa, mi orooro kizin isala mete. To biibi tana iso ma tikam Paulus mi tiuri lela ruumu mbolŋana ta zin malmal kan timbotmbot pa na. ³⁵Zin malmal kan ziŋan Paulus tipa ma tila ndeete uunu, to tikwaari. Pa iwal biibi tau tiso tikam be tiyatuti. ³⁶Mi iwal biibi tana titoto zin ma tila, mi timap ma kalŋan izalla ma tiso: “A, ila lene. Kupuni ma imeete!”^g

Paulus iso sua pizin iwal biibi

³⁷Zin malmal kan be tikoki Paulus ma tilela ruumu kizin mbolŋana. Som mi, Paulus iwi lae pa biibi kizin. Iso: “Irao be aŋso sua pu muŋgu?” To biibi tana iso: “Wai! Mi nu zzo Grik kalŋan?” ³⁸Pa nio aŋkam ŋgar pa tomtom ki Aikuptu ta uriizi ŋonoono ipese wal zigzikŋan munŋaana paŋ

^d 21:28 Iŋgo 6:13, 24:5 + ^e 21:29 Iŋgo 20:4 ^f 21:33 Iŋgo 20:23, 21:11

^g 21:36 Lu 23:18,21; Iŋgo 22:22

(4,000) mi iyaaru zin ma tila pa lele bilimɗana be tikam malmal na. Tabe aɗso ko nu tau.”

³⁹To Paulus iso: “E-e, nio ti Yuda. Aɗmar pa Tasus, ta kar zaanaɗana ki Silisia na. Parei? Irao yok pio mi aɗso sua pizin iwal tingi muɗgu?”

⁴⁰Biibi tana iyok pini, to Paulus imender sala ndeete, mi iur namaana be iso sua. Iwal biibi tire i, to lele ikam kiɗ. Mi ni iso sua pizin ila zitun kalɗan ta Iburu i. Iso:

22 ¹“O atonɗan ma tamaɗan, kungun talɗoyom. Pa nio leleɗ be aɗso uunu tio ma keleɗ kat.”

²Tileɗi iso Iburu kalɗan, to lele ikam kiɗ.

³Mi ni iso: “Nio ti Yuda. Tipeebe yo su kar Tasus ta ki Silisia na. Tamen nio musaari mi tikam yo ma aɗmar aɗbot kar tingi. Mi aɗkan su tingi ma aɗwe kaibiɗoɗ. Mi tutu ki tumbundu bizin na, Gamalielbi ipaute yo pa ma imap. Mi nio aɗkam kinkiini be aɗto kat mbulu ki Anutu kembei ta koozi niom ta boozomen kakamam i.^h ⁴Zin wal ta titoto zaala popoɗana tingi na, muɗgu aɗbelmbel matan seezeɗana. Mi tomtom kizin pakan na, aɗpun zin ma timetmeete. Mi pakan na, aɗyaryaaru zin ma aɗla aɗurur zin lela ruumu sanaana. Zin tomooto, mi moori tomini.ⁱ ⁵Biibi kizin patoronɗana kan ziɗan zin peeze kan ta boozomen tiute mbulu tio. Zin tirao be tipombol sua tio ti. Pa zin ta tiyok mi tikam ro imar tio, to aɗkam ma aɗso aɗla kizin toɗmatiziɗ kiti ta timbot kar Damaskus na. Pa aɗso aɗla be aɗkam zin tomtom ta titoto zaala tingi na, mi aɗyo zin ma timar Yerusalem be tiseeze matan.

Paulus iso pa mazwaana ta itooro leleene

(Ɗgo 9:1-18, 26:9-18)

⁶“Tana aɗmanga pa pai, mi aɗwwa ma aɗla aɗgarau kar Damaskus. Zoɗ mataana ikam kembei aigule palakuutu mi molo som na, azuɗka imbot saamba mi ikelyaara su ma iliu yo ma kembei ta lele ikimit i.

⁷To aɗtop su toono mi aɗleɗ sua ta isu pio ma iso ta kembei. Iso: ‘Saul, Saul, parei ta nu noknok motoɗ seezeɗana?’ ⁸Mi aɗpekel ma aɗso: ‘O Biibi, nu asiɗ?’ To pekelɗana imar. Iso: ‘Ɗgi nio Yesu ki Nasaret ta nu seseeze motoɗ na.’^j ⁹Sua tana, waɗɗ bizin ta niamɗan amla na, tileɗ som. Tigeede men, pa tire azuɗka men.

¹⁰“To aɗwi. Aɗso: ‘Biibi, kenako aɗkam so?’ Mi Merere ipekel kalɗoɗ ma iso: ‘Manga mi lela Damaskus, to leɗ sua pa uraata boozomen ta leleɗ iur pa kek be kam i.’ ¹¹Waɗɗ bizin timar na, titeege nomoɗ mi amla kar Damaskus. Pa azuɗka mburaana mete. Tabe ikam yo ma aɗrao aɗre lele som.

^h 22:3 Ɗgo 5:34+; Ga 1:13+; Pil 3:5+ ⁱ 22:4 Ɗgo 8:3; 1Kor 15:9; 1Tim 1:13

^j 22:8 1Kor 15:8; Ga 1:15+

¹² “Kar tana, tomtom ta imbotmbot, zaana Ananias. Ni iur kat leleene pa Anutu, mi itoto tutu. Mi Yuda ta boozomen ki lele tana matan ise kini. ¹³ Ni ikoŋuru yo ma imar, to imender lae zilŋoŋ uunu mi iso: ‘O tiziŋ Saul, motom kam pak lak!’ To karau men mi motoŋ iyaara mi aŋre i. ¹⁴ To imaŋga mi iso: ‘Anutu ta ki tumbundu bizin, ta itunu ipeikatu be ipaute u pa ŋgar kini mi leleene, mibe re kat Tomtom Ndeenŋana,^k mi leŋ sua ila ni itunu kwoono.^l ¹⁵ Mi nu be pombol sua kini ila wal ta boozomen matan, mi so zin pa koronŋ ta nu leŋ mi re kat pa motom na.^m ¹⁶ Tana maŋga ta buri, kam yok, mi suŋ pa ni zaana be ipusu pa sanaana ku ma ila ne.’ⁿ

¹⁷ “Uraata tana imap, tona aŋmiili ma aŋla Yerusalem mini. Aŋbot mi aigule ta na, aŋlela Urum Merere be aŋsuŋ. Aŋzunzuŋ na, ¹⁸ aŋkeenetondo mi Merere iso sua pio. Iso: ‘Loŋa mi zem Yerusalem ta buri. Pa wal tina, re beso swe uruŋ pizin, na irao tileŋu som.’

¹⁹ “Nio aŋsu to aŋso: ‘Biibi, wal tingi, zin tiute: Muŋgu nio aŋlonloondo pa lupŋana murin ta boozomen, mi aŋtekteeŋe zaaba pizin wal ta tiurla ku na, mi aŋyyo zin ma aŋurur zin lela ruumu sanaana. ²⁰ Mi indeeŋe ta tipun Setepan ma imeete, mi siŋiini ireere paso, izzwe nu urum na, nio aŋbotmbot mi aŋyok pa mbulu tana. Mi aŋmendernder raama mburu kizin wal ta tipununi.’^o

²¹ “Tamen Merere iso pio. Iso: ‘Maŋga. Pa iŋgi aŋgo u be la pa lele ta molo kat. Nu ko la kizin wal ta Yuda somŋan i.’ ^p

Paulus iso ni ki Rom

²² Iwal biibi tingun talŋan ma ilala, beso tileŋ Paulus iso ta kembei, to timaŋga na kalŋan isala. Tiso: “A, to na, kala kupuni ma imeete lak! Imbot ko ikam so?”^q ²³ Mi tiboboobo ma tiwirri mburu kizin, mi titiyaryaara toono zalla kor.’ ²⁴ Tana biibi ŋonoono kizin malmal kan iso ma tikam Paulus mi tilela ruumu mbolŋana ta zin malmal kan timbotmbot pa na. Mi iso pizin be tilela to tibalis Paulus pa wooro matanmatanŋana, mi tiwisese i beken a ipeeze kat uunu tau zin iwal biibi kalŋan izalla pini pa i.

²⁵ Tana tilela mi tipo i be tibalisi. Som mi, Paulus iso la pa biibi tau imborro zin malmal kan i. Iso: “Parei? Tomtom ta ni ki Rom na, sombe kendeŋe le uunu sa som, ko irao kabalisi sorok?”^s ²⁶ Biibi ileŋ sua tana, to ila mi iso pa biibi ŋonoono kizin malmal kan. Iso: “Iŋgi ko parei? Pa tomtom taing i, ni ki Rom.”

^k 22:14 Tomtom Ndeenŋana na, Yesu tau. ^l 22:14 Ga 1:12+; Ep 3:2+

^m 22:15 Iŋgo 23:11, 26:16 ⁿ 22:16 Ro 10:13; 1Pe 3:21 ^o 22:20 Iŋgo 7:58, 8:1

^p 22:21 Iŋgo 9:15, 26:17+; 1Tim 2:7 ^q 22:22 Iŋgo 21:36 ^r 22:23 Zin Yuda, sombe tileŋ sua ta ambai som kat, to tikam mbulu ta kembei. ^s 22:25 Iŋgo 16:37

²⁷Tabe biibi ngonoono tana ila ma iwi Paulus. Iso: “Ai, so kat. Nu tina, tomtom ki Rom?” Paulus iso: “E. Nio tomtom ki Rom.” ²⁸Biibi tana imanga to iso: “Nio ti angiihi pat zaanaana be aŋwe tomtom ki Rom.” To Paulus iso: “Mi nio na, angiihi som. Pa tamaŋ ta ipeebe yo na, ni ki Rom.”

²⁹Tabe zin ta timar mi timendernder be tiwi Paulus i, timilmiili ma timar tila len. Mi biibi ngonoono tana ire ma imoto kana. Pa Paulus, ni ki Rom. Mi ni iso pizin ma tipo i sorok.

Paulus imender su zin bibip keren uunu

³⁰Kozeere mini na, biibi ngonoono kizin malmal kan iso ipas kat sua uunu. Parei ta zin Yuda tingal sua pa Paulus? Tana iboobo zin bibip kizin patoronjana kan ziŋan zin peeze kan ta boozomen ma tilup zin. To ila ma iputke Paulus, mi ikami ma ila ipamenderi su keren uunu.

23 ¹Paulus ire la pizin peeze kan mi iso: “O niom toŋmatiziŋ tio, ta mungu mi imar indeeŋe koozi na, nio anyamaana ituŋ kembei aŋkam ŋoobo mbulu sa pa Anutu mataana som.”^t ²Biibi kizin patoronjana kan, zaana Ananias, ileŋ sua tana, to iso la pizin wal ta timender koloujana i ma tipeeze lae pa Paulus kwoono.”^u ³To Paulus iso pini. Iso: “Nu tina, Anutu ko ipunu tomini. Nu kembei didi ta ibuuzu kek, mi timusmus pen kokoujana ma ise sorok. Pa mbulu ku mat kana men ta ingeeze. Mi lelem na som. Nu mbulem su tina be tiiri yo pa tutu tau. Tamen itum molo tutu kek. Pa so pizin ma tipun yo sorok.”^v

⁴Zin wal tau timender koloujana pa Paulus na, timanga to tiso: “Wai, kwom pasom biibi kizin patoronjana kan paso? Ni sa Anutu tomtom kini na!”

⁵Paulus ipekel ma iso: “O niom toŋmatiziŋ tio, nio aŋkilaala kembei ni biibi kizin patoronjana kan na som. Mibe aŋkilaali, so aŋso sua ta kembei som. Pa sua ki Merere imbot pataaŋa kek ta kembei:

Tomtom peeze kana ta imborro yom na, piri sua sananana sa pini pepe.”^w

⁶Paulus, ni iute zin peeze kan tana lup kek. Zin timbot la uunu ru. Pakan na, zin sadusi. Mi pakan na, zin tutu kan. Tabe Paulus kaljaana mi iso la pizin. Iso: “Niom toŋmatiziŋ tio, kelen. Nio ti tutu koŋ tau. Mi tamaŋ ma anaŋ tomini na, zin tutu kan. Nio aŋurur motoŋ pa mangaana kizin meetejan, tanata tipamender yo pa i.”^x

⁷⁻⁸Paulus ipiri sua ti, to zin peeze kan tana timureege pataaŋa. Pa zin sadusi na, tiurla ta kembei: Sombe tomtom sa imeete, na irao imanga

^t 23:1 Ŋgo 24:16; 1Kor 4:4; 2Kor 1:12; 2Tim 1:3 ^u 23:2 Yo 18:22+ ^v 23:3 Lo 25:1+; Mt 23:27+ ^w 23:5 Kam 22:28 ^x 23:6 Ŋgo 24:21, 26:5+; Pil 3:5

mini som. Mi tiso aŋela sa imbot som, bubuŋana sa som. Mi zin tau tutu kan i na, urlaŋana kizin toro. Pa tiso zin meeteŋan kola timaŋga mini, aŋela timbotmbot, mi bubuŋan tomini timbotmbot.⁹ Tana kalŋan izalla kat ma tiparzorzooro ma ila to, wal ŋgarŋan pakan tau tutu kan i kalŋan sala ma tiso: “Ai, niam amtiiri na, tomtom ti, ni ikam mbulu sananŋana sa som. Ko bubuŋana sa, som aŋela sa iso sua sa pini ma iŋgi.”^z

¹⁰Biibi ŋonoono kizin malmal kan ire ma ambai som. Pa sua iporou mete. Tabe iso pizin malmal kan kini ma tila tikoki Paulus la zin peeze kan tina naman, mi tikami ma tilela ruumu kizin mbolŋana. Pa imoto: Kokena tiyatut Paulus.

¹¹Mbeŋ na, Merere ipet ki Paulus mi ipomboli. Iso: “Paulus, moto pepe. Mender mbolŋana. Pa uruŋ ta swe su Yerusalem, inako swe su Rom tomini.”^a

Zin Yuda timbuuru Paulus kana

¹²Kozeere mini na, Yuda pakan tila tilup zin be timbuuru pa Paulus. To timbul sua mbolŋana kat pa Merere zaana be tikan kini som, tiwin yok som ma irao tipun Paulus ma imeete. ¹³Zin wal ta timbuuru pini na, zin kembei tomtooru mi kwoono sa. ¹⁴To timaŋga na tila tire zin bibip kizin patoronŋana kan mi zin mboroŋan. Tila to tiso: “Ou, niam taiŋgi ambuk sua mbolŋana kat pa Merere zaana kek ta kembei: Koozi mi ila na, kwoyam ko iteege kini sa som ma irao ampun Paulus ma imeete. ¹⁵Tana niomŋan zin peeze kan pakan kala ki biibi ŋonoono kizin malmal kan, mi koso pini ta kembei. Koso: ‘Kam Paulus mi kusu. Pa niam amsombe ampas kat sua kini uunu.’ Niom koso kakam ta kembei, na niam ti ko amzaŋzaaŋi. Beso isu to loŋa ampuni. Mi irao imar ipet lele tiŋgi na som.”

¹⁶Tamen Paulus woono, ni talŋaana ikam kiizi kizin kek. Tana ila ma ilela ruumu mbolŋana kizin malmal kan mi isotaara Paulus. ¹⁷To Paulus iboobo la pa biibi tau imborro zin malmal kan na ma imar, mi iso pini. Iso: “Kam nangaŋ ti ma ila ki biibi tiom ŋonoono. Pa ni le sua ri be iso pini.” ¹⁸Ikami ma tila ki biibi ŋonoono tana, to iso: “Paulus ta imbotmbot ruumu sanaana na, iso pio, tabe aŋkam nangaŋ tiŋgi ma niamru amar. Pa ni le sua ri be iso pu.”

¹⁹Biibi ŋonoono ila to iteege nangaŋ tina namaana mi ziru men tilae. To iwi i. Iso: “Parei, nu lem so sua i, ta mar pio pa i?”

²⁰To nangaŋ tina iso: “Zin Yuda tilup lenen ma iwe tamen, mi tiso tipun Paulus ma imeete. Iŋgi ko molo som to sua ikamu be berek, to kam Paulus ma kusula pa lupŋana biibi kizin peeze kan be tipas kat sua kini uunu. Mi ina sua ŋonoono som. ²¹Tana leŋ zin pepe. Pa zin kembei tomtooru mi kwoono

^y 23:7-8 Lu 20:27 ^z 23:9 Iŋgo 25:25 ^a 23:11 Iŋgo 18:9, 27:23+

sa, ta ko tizarjaanji su zaala. Mi timbuk sua mboljana kat pa Merere zaana kek be tikan kini som, tiwin yok som ma irao tipun Paulus ma imeete. Inga tiurur matan ta timbotmbot a. Beso yok pizin, to tikam mbulu tana.”

²² Biibi ngonono ilerj sua tana to kwoono imbol pini. Iso: “Sua ta so yo i. Kozo so pa tomtom toro sa pepe. Kokena wal pakan tiute kembei nu ta mar mi so yo na.” Iso ta kembei, mi iso pini ma ila lene.

Tikam Paulus ma isula Sisarea

²³ Biibi ngonono tana imanja to iboobo bibip ru kizin malmal kan ma timar, mi iso pizin. Iso: “Kala ma kere zin malmal kan tomtom laamuru (200), mi zin hos kan tomtom tel laamuru (70), mi izi kan tomtom laamuru (200) be tisula pa Sisarea pa mberj ta koozi. ²⁴ Mi kere hos pakan pa Paulus tomini. Kozo komboro kati ma imbot ambai men ma irao ila ipet ki gabana kiti Peliks.” ²⁵ Mi ibeede sua sotaarajana ta kembei. Iso:

²⁶ “O biibi tio ngonono, gabana Peliks. Nio Klodias Lisius anjam aigule tio ima ku.

²⁷ “Tomtom taijgi, zin Yuda tikisi mi tipasaani mabe imeete. Tamen nio anjar raama zin malmal kan tio, to amkamke i pizin. Pa anlerj kembei ni tomtom ki Rom.^b ²⁸ Mi nio lelerj be anpas kat uunu kini. Parei ta zin tikamam sua boozi pini. Tana anjami ma ila pa lupjana biibi kizin peeze kan. ²⁹ Tamen anla ma andeenje kembei, ni le uunu sa tabe ilela ruumu sanaana, som imeete pa i som. Zin kwon ikanani sorok. Mi ina tiparzorzooro pa zitun tutu kizin tau.^c ³⁰ Mi anlerj kembei wal pakan tikamam to tingi kuziini, tana loja men mi anseri ma ima ku na. Mi anjar sua pizin Yuda be tima ku, to zijan tikam sua su ta kerem uunu na.”

³¹ Tana zin malmal kan tito sua ki biibi kizin, mi zijan Paulus timanja pa mberj. Tila tila ma ta Antipatris a. ³² Tikeene ma aigule toro to, zin tau tipa toono i timiili mini ma tila ruumu kizin mboljana ta Yerusalem a. Mi zin tau tise hos i, zijan Paulus tila. ³³ Tikami ma tila tipet kar Sisarea, to tisara ro ila ki gabana, mi tiur Paulus ila kini. ³⁴ Gabana ipaata ro makinj, to iwi Paulus: Ni imar pa lele pakaana swoi? Mi Paulus iso ni imar pa Silisia. ³⁵ To gabana iso pini. Iso: “Ambai. Mbot mi zin tau tingal sua pu na timar mungu, toinabe antiiri sua tiom.” To gabana iso pizin menderjan be tikam Paulus ma tila ruumu biibi ta mungu Erot ipo na, mi timboro i isu tana.

Paulus zijan zin Yuda timender su Peliks kereene uunu

24 ¹ Aigule lamata ilae to, Ananias ta biibi kizin patoronjana kan na, zijan zin mboronjan pakan, mi tomtom ngarjana ta ni zaana Tertulus, tisula pa Sisarea be zijan Paulus timender la gabana kereene uunu, mibe tingal sua pini. Tertulus tana, ni iute kat tutu ki Rom. Mi

^b 23:27 Nggo 21:30+, 22:25+ ^c 23:29 Lu 23:14+; Nggo 18:14+, 25:25, 26:31

uraata kini be iuluulu zin tomtom pa sua kizin. ²⁻³Tana tiboobo Paulus ma ilela kizin, to Tertulus imanga mi iso sua kini. Iso:

“O biibi tiam Peliks, niam tingi leleyam ambai kat pu. Pa mazwaana ta kamam peeze pa lele tingi na, niam ambot ambai men. Mi koron boozomen ta mungu isaana, ta ingi nu pazalzal mabe ambai lup. Tana lele pakaana ti, niam amap ma leleyam pu. Pa nu uluulu yam pa koron matakaŋa boozo. ⁴Tamen ko irao anjaaru sua ma molo som. Tana anwi u be lej sua tiam katjana ri ti.

⁵“To ti, niam amre i na, mbulu kini ambai som kat. Ni kembei ta mete sananjanana i. Pa ipeyei malmal boozomen ma tiwedet la zin Yuda mazwan irao toono ta boozomen. Mi zin wal ta titoto Yesu ki Nasaret mi tipabogboogo sua ki Merere na, ni ta imunmuungu pizin.^d ⁶Mi itoombo be ipasaana Urum Merere tomini. Ingi tabe amkisi. [Mi niam amso ituyam ampamenderi mi amtiiri mbulu kini pa tutu tiam. ⁷Tamen biibi kizin malmal kan Lisius imar, to imanga piam mi isani la nomoyam mi ikami ma ila. ⁸To Lisius iur sua piam be amar ku i.] Tana nu itum wi i, to re kat uunu ta niam ampamenderi pa i. Pa sua tiam ti, pakaamjanana som. Iŋonoono men.”

⁹Tertulus iso sua tana makin to, zin Yuda pakan timanga mi tipombol sua ta ni ingal pa Paulus na.

Paulus iso sua kini

¹⁰To Peliks iyembut sua kizin, mi iur namaana pa Paulus be iso sua. Paulus imanga to iso:

“O gabana Peliks, nio ajute: Ndaama ndaama ta nu mbel sua urpejana pa lele ti kek. Tana nio lelej ambai mi anso sua tio ti ima ku. ¹¹Sua tingi ipata pu som. Nu rao ute karau men. Re. Uriizi, aigule laamuru mi ru men ta ila kek na, nio ansala pa Yerusalem be anso. ¹²Mi niamru tomtom sa amparzoro lela Urum Merere som, mi ankuru tomtom lenen lela lupjana muriini kizin, som kar leleene ma ingi som tomini. Zin wal ta tingal sua pio i, tomtom kizin sa ire yo ankam mbulu ta kembei na som. ¹³Tana sua kizin, ina zin tiso. Mi sokorei toro tabe ipombol? Som.

¹⁴“Tamen sua kizin koronjanana ri, ta anyok pa. Zaala ki Krisi ta zin tizzo be pakaamjanana, ina nio antoto. Mi ina nio anzunzun men pa Anutu ta mungu tumbuyam bizin tizunzun pini na. Mi sua ta Merere kwoono bizin tibeede na, ramaki koron ta munjaana men ta indeenje tutu ki Mose, ina nio anurla men i.^e ¹⁵Nio niamnan zin wal tingi amur motoyam pa koron tamen tau. Pa amso Anutu, ni kola ipei zin tomtom ma timanga mini pa naala be tikam kadoono kizin. Wal ndeenjan, mi wal sananjan

^d 24:5 Iŋgo 16:20, 17:6, 21:28 ^e 24:14 Iŋgo 26:22, 28:23; 2Tim 1:3

tomini.^f ¹⁶ Tanata nio gorgori anjamam kinkiini be lelen ingeeze, mibe anjam kat mbulu pa Anutu mataana mi tomtom matan tomini.^g

¹⁷ “Nio anjem Yerusalem mi anbot lele pakaana toro pa ndaama booze kek. Tanata ingi ayla mini be anur nomon ila pizin wal tio, mibe anjam patoronjana pakan tomini.^h ¹⁸ Mi nio anjo mbulu mi anurpe itur ma angeeze mungu, mana anlela Urum Merere lene be anjam uraata tingi. Mi nio itur tamen kat ta anlela. Tomtom toro sa igaaba yo som. Mi anjam orooro sa som, kosa sa kembena som.ⁱ ¹⁹ Anjamam uraata tingi ma anbotmbot, mi Yuda pakan ta timar pa lele pakaana ki Asia na, tindeene yo. Ina zin ta tiwe uunu pa sua tingi. Mi wal tina, sombe len sua pio, na ambai be zitun timar mi tiso kat sua kizin isu kerem uunu ma lej. ²⁰ Mi sombe som, na zin wal tingi ta niamjan amendernder i, zitun irao tiso kat uunu tio ma telej. Nio anjam noobo so mbulu i? Pa uriizi, indeene ta tipamender yo ila zin peeze kan matan ta Yerusalem na, zin timbotmbot. ²¹ Nio anjo ko tikamam pa sua lwoono ta, ta kaljon biibi pa ma tilej. Sua ta kembei: ‘Koozi, nio sua indeene yo mi anmar amender su kereyom uunu ti paso, anjurla kembei zin meetengan kola timanga mini.’”

²² Peliks, ni ikankaana pa zaala ki Kisi som. Tana ilej, to ipeteke sua ma imbot mi iso: “Kezem su tana. Tombot ma biibi kizin malmal kan Lisius itunu imar, toinabe antiiri sua tiom.” ²³ To iur sua pa biibi kizin malmal kan be iur Paulus lela ruumu sanaana mi mataana pini. Mi irao ikam patanana biibi pini pepe. Sombe wal kini tila ma tiso tire i pa kopoono ma koron, na irao iyok pizin.^k

Paulus izzo pa zaala tabe tuurla ki Yesu Kisi i

²⁴ Aigule pakan ilae mi kaimer mana, Peliks ziru waene Drusila timar. Drusila, ni Yuda nan. Tana Peliks iso la pa Paulus ma imar, to Paulus izzo sua pa zaala tabe tuurla ki Yesu Kisi i, mi ni ileljen. ²⁵ Beso Paulus kwoono iyabakes lae pa mbulu ndeengana, mi mbulu ki tagabiizi itundu, mi kadoono urjana tabe ipet pa mben kaimer i, na sua ingal Peliks ma imoto. To iyembut sua. Iso: “Ambai. Irao ta ti. La mungu. Mi ko anre lwoono toro sa, to anboobu mini.” ²⁶ Mi Peliks, ni iurur mataana pa Paulus. Pa iso ko ni ikam le pat sa. Tingi tabe iboboobi ma ilala kini be ziru tizzo sua.

²⁷ Ndaama ru ilae, tona Peliks isu mi Porsius Pestus ikam muriini. Mi Peliks, ni leleene be zin Yuda lelen pini. Tana izem Paulus ma imbotmbot lela ruumu sanaana, mi ni imap pa uraata.

Paulus imender su Pestus kereene uunu

25 ¹ Pestus imar ipet Sisarea be iteege uraata kini. Mi aigule tel ilae mana, izem Sisarea mi isala pa Yerusalem. ² Isala to, zin bibip

^f 24:15 Yo 5:28+; Ngog 23:6, 26:6+; 2Kor 5:10 ^g 24:16 Ngog 23:1; 1Kor 4:4; 2Kor 1:12; 2Tim 1:3

^h 24:17 Ro 15:25+; 2Kor 8:1+; Ga 2:10 ⁱ 24:18 Ngog 21:26+ ^j 24:21 Ngog 23:6+

^k 24:23 Ngog 27:3, 28:16

kizin patoronŋana kan ziŋan zin bibip pakan kizin Yuda tila kini mi tiŋgal sua pa Paulus. ³Tila to loŋa mi tikuru leleene bekena ilae kizin, mibe ikam Paulus ma isala pa Yerusalem. Pa timbuk Paulus ka kiizi kek be tipunke i su zaala lwoono. ⁴Tamen Pestus iso pizin. Iso: “Paulus, ni imbotmbot ruumu sanaana leleene ta Sisarea a. Mi nio iŋgi be aŋsula i. ⁵Sombe ni ikam ŋoobo mbulu sa, na zin bibip tiom pakan timar ma niamŋan amsula, tona tiso ka sua isu tiŋga.”

⁶Pestus ziŋan timbotmbot ma aigule ko laamuru sa ma iŋgi, mana isula Sisarea. Kozeere mini na, ila ma mbuleene su sua urpeŋana muriini, mi iso be tikam Paulus ma imar. ⁷Paulus imar ipet to, zin Yuda tau timbot Yerusalem mi timar i, tila ma tiliu i. Mi tigiibi sua booŋo pini. Tiso ni ikam mbulu ta sananŋana kat. Tamen sua kizin tana, ka pombolŋana sa som.

⁸To Paulus ipekel kalŋan ma iso: “Nio ti aŋkam ŋoobo mbulu sa pa Yuda tutu kizin som, Urum Merere som, mi Kaisa som tomini.”¹

⁹Mi Pestus, ni ikamam be Yuda lelen pini. Tana imanga to iwi ten lae pa Paulus. Iso: “Parei, ko irao se Yerusalem, mi mender su kereŋ uunu ta tiŋga?” ¹⁰Paulus iso: “Wai, mi lele tabe aŋla ma aŋkam sua isu pa i, ina ruumu ki Kaisa ta iŋgi aŋbotmbot pa i. Som nu re kembei nio aŋkam ŋoobo mbulu sa pizin Yuda? Lak, ina tina, nu itum ute kek. ¹¹Mi sombe aŋkam mbulu sa ta sananŋana kat ma irao be aŋmeete pa i, na tipun yo lak. Irao aŋko pa kadoono tio na som. Tamen sombe zin Yuda ti, sua kizin ŋonoono som, na tomtom sa irao iur yo sorok la naman na som. Ambai. Nio aŋso aŋre Kaisa itunu mi ni itiiri sua tio.”^m

¹²Pestus ileŋ Paulus iso ta kembei, to ila ma ziŋan zin ŋgarŋan kini pakan tizzo sua. Mana iso pa Paulus. Iso: “Nu sombe la mi re Kaisa tau. Tana ko la ma re i.”

Pestus isope king Agripa

¹³Timbot ma king Agripa ziru lunuri Benis timar tipet Sisarea be tilou Pestus. ¹⁴Ziŋan timbot pa aigule pakan, tana Pestus izzo pa sua ta tikam pa Paulus na, ma king Agripa ileŋleŋ. Iso: “Tomtom ta, tau Peliks iuri lela ruumu sanaana ma imbotmbot, mi ni imap pa uraata. ¹⁵Mi indeeŋe ta nio aŋsala Yerusalem na, zin bibip kizin patoronŋana kan ziŋan zin mboronŋan kizin Yuda tiŋgal sua pini, mi timaŋmaŋ yo be aŋur kadoono pini. ¹⁶Mi nio aŋpekel sua kizin ta kembei. Aŋso: ‘Keleŋ. Niam Rom koyam na, mbulu tiam ta kembei som. Sombe wal pakan tiŋgal sua pa tomtom sa, na irao amuri sorok ila naman na som. Bela ni ziŋan tiso sua pa, mi itunu iso uunu kini muŋgu.’

¹⁷“Tana nio aŋmiili ma aŋsula mini na, niamŋan mi amar. Be ampet Sisarea na, aŋnaunau som. Ambot ma aigule toro, to mbuleŋ su sua

¹ 25:8 Iŋgo 24:12, 28:17 ^m 25:11 Iŋgo 28:19

urperjana muriini, mi aŋboobo Paulus ma ilela pataaŋa. ¹⁸Beso ka koi bizin timaŋga be tingal sua pini na, aŋso ko tiso pa mbulu pakan ta sananjan ŋonoono. Som mi som. ¹⁹Tiso kat sua sa som. Ziŋan Paulus tiparzorzooro pa urlaŋana kizin, mi tizzo pa tomtom ta, zaana Yesu. Zin na, tiso ni imeete kek. Mi Paulus izzo be ni imbot mata yaryaara men i. ²⁰Tana aŋleŋ na, ŋgar tio sa ambai som. Irao be aŋkam kat ŋgar pa sua ti be aŋurpe na som. Tana aŋwi i beso parei na, isala Yerusalem, tonabe imender mini pa sua tingi. ²¹Tamen ni ipemet sua, mi kwoono imbol be Kaisa itunu itiiri sua kini. Tana aŋur sua pizin menderjan be timboro i ma irao aŋuri la ki Kaisa.”

²²To Agripa iso pa Pestus. Iso: “Mi nio ti leleŋ be itun aŋleŋi tomimi.”
Tabe Pestus iso: “Ambai. Gaaga to leŋi.”

Tipamender Paulus su king Agripa kereene uunu

²³Aigule toro na, king Agripa ziru Benis timar ma ziŋan zin wal zanjan ki kar tana mi zin bibip kizin malmal kan tilela ruumu leleene biibi ta zin bibip tiluplup zin pa i. Mi tikam mbulu booza be tipakur Agripa ziru Benis. To Pestus iso, mi tikam Paulus ma imar ilela.^a ²⁴Pestus imaŋga to iso: “O king Agripa mi niom tau kamar ma itijan tombot tingi, koozi kere mar pa tomtom tingis. Tomtom tingi, ta zin Yuda ta boozomen timaŋman yo pini isu Yerusalem mi isu tingi tomimi. Timap ma kaŋan sala ma tisombe to ti, ni imbot pepe. Imeete ma ila ne.”^o ²⁵Mi nio na, aŋre kembei ni ikam mbulu sananjan sa tabe imeete pa i som. Tamen ni itunu isombe ila ki Kaisa be ni itiiri sua kini. Tanata aŋsombe aŋuri ma ila Rom. ²⁶Tamen aŋdeene sua ŋonoono sa pa tomtom ti beken aŋbeede se ro ma ila ki Kaisa i na som. Tanata aŋkami ma imar imender su kereyom uunu beken kitiiri uunu kini. Pa aŋso nu, king Agripa, nioman zin wal tingi koso ka sua, tonabe aŋbeede uunu kini ise ro. ²⁷Paombe sua izal som, mi tuur sorok tomtom sa ma ila ki Kaisa, ina mbulu kankaanana. Bela tebeede kat uunu kini ise ro mi ni ipa raama, to ambai.”

Paulus iso sua su king Agripa kereene uunu

(Iŋgo 9:1-18, 22:3-16)

26 ¹Tana king Agripa iso pa Paulus. Iso: “Iŋgi be nu kadoono so sua ku.”

Tana Paulus iur namaana, mi imaŋga to iso uunu kini: ²“O king Agripa, koozi nio leleŋ ambai. Pa aŋmar ma aŋmender su nu itum kerem uunu be aŋpekel sua boozomen ta zin Yuda tingal pio na. ³Pa mbulu tiam Yuda mi sua pakan ta amparzorzooro pa i, na nu ute lup kek. Tana aŋsombe aŋwi u ten. Ko irao be ŋgun talŋom mi leŋ mar pa kaŋon? Pa sua tio ko moloŋana ri. Kokena nim gesges ma iŋgi.

^a 25:23 Lu 21:12+ ^o 25:24 Yo 19:5+

⁴“Mbulu tio tau nanganŋoŋ mi imar indeeŋe koozi na, zin Yuda ta boozomen tiute lup kek. Mbulu tio ta aŋkam su itun kar tio, mi kaimer aŋkam su Yerusalem na, ike pizin som. ⁵Tana indeeŋe ta tanga mi tamar i na, zin tiute yo lup kek. Mi sombe len pa, na irao tipombol sua tio ti. Indeeŋe ta nio nanganŋoŋ mi imar na, aŋgabgaaba zin wal tutu kan ta timbol kat pa tutu mi sunŋana tiam i. Amlip pizin Yuda pakan.^p ⁶Mi koozi na, tipamender yo su tingi paso, nio aŋurur motoŋ pa koron ambaiŋana ta Anutu imbuk sua pa ila ki tumbuyam bizin tau.^q ⁷Sua mbukŋana tana, ta niam Yuda uunu laamuru mi ru amurur motoyam pa, mi amzunzun Anutu pa ikot mber ma aigule be iur ŋonoono. O king, nio aŋurur motoŋ pa koron ambaiŋana tana, tanata ikam ma zin Yuda tingal sua pio. ⁸Lak, parei ta niom tina kere kembei Anutu ni irao be ipei zin meeteŋan ma timaŋa mini som?

⁹“Muŋgu, nio tomini aŋkamam kaisiigi be aŋpasaana Yesu ki Nasaret uruunu. Mi aŋdemeere aŋso ko mbulu ta aŋkamam, ina ambai.”

¹⁰Mbulu tana, aŋkam su Yerusalem muŋgu. Zin bibip kizin patoronŋana kan ta tiyok pio, tanata aŋzebzeebe Anutu wal kini potomŋan boozomen lela ruumu sanaana. Mi nio ti aŋyok be tipun zin ma timetmeete tomini. ¹¹Tana aŋwwa pa lupŋana murin ta boozomen, mi aŋkamam patanana pizin wal tau tiurla ki Yesu i, mi aŋseseeze matan. Mi aŋmaŋmaŋ zin be tipasaana Yesu zaana. Aŋmalmal pizin biibi kat. Tana aŋwwa pa karkari ta lele molo na tomini be aŋru zin.

¹²“Uunu tina ta aigule ta, nio aŋpa ma aŋso aŋla ta kar Damaskus a. Uraata ta aŋso aŋkam su tana, nio zoŋ pa. Pa zin bibip kizin patoronŋana kan tipombol sua ma tiyok pio tabe aŋla. ¹³O king, nio aŋwwa pa zaala lwoono ma zoŋ mataana ikam kembei palakuutu. Mi molo som na, aŋre azunŋka ta imbot saamba mi ikelyaara su ma iliu yo raama waen bizin ma kembei ta lele ikimit i. Mi mburaana biibi kat. Ilip pa zoŋ mataana. ¹⁴Ikam ma niam iwal mi amtoptop su toono. To aŋlen sua ta iso la Iburu kaŋan ma isombe: ‘Saul, Saul, parei ta noknok motoŋ seezeŋana? Zooronŋana ta kamam, ina ipata pu. Pa ina kembei urur itum ila zaaba kwoono.’ ¹⁵Tabe aŋwi: ‘Biibi, ina nu asin?’

“To Merere iso: ‘Mi iŋgi nio Yesu ta nu seseeze motoŋ na. ¹⁶Burup ma mangan mender. Iŋgi aŋpet ku be aŋuru ma kam uraata pio. Koron ta buri rre i, ramaki koron pakan tabe aŋswe ma ku pa kaimer i, nu ko so zin tomtom pa, beken pombo sua tio. ¹⁷Nio ko aŋkamke u pa wal ku, mi zin wal ta Yuda somŋan i tomini. Mi iŋgi aŋgo u be la kizin tomtom mi pei ŋgar kizin ¹⁸ma matan ikam pak. Nu be tooro zin ma tipizil ndemen pa zugut mi tipet mat, mi kam zin ma tizem Sadan mburaana, mi tiur

^p 26:5 Iŋgo 23:6; Pil 3:5 ^q 26:6 Iŋgo 23:6, 28:20; Ro 15:8; 2Kor 1:20 ^r 26:9 Iŋgo 8:3; 1Kor 15:9; Ga 1:13; 1Tim 1:13

lelen ila ki Anutu. Naso aṅreege sanaana kizin, mi timar tigaaba zin wal tau tiurla tio mi tiwe wal potomṅan ta ki Anutu i.^s

¹⁹“O king Agripa, re. Koronj ta kar saamba iswe mar tio na, irao aṅzooro na som. ²⁰Tana mataana mi aṅzzoyaryaara ka sua isu Damaskus. To isu Yerusalem, to isu lele ta boozomen ki Yudea. Mana ila kizin wal ta Yuda somṅan i tomini. Nio aṅzzo pizin tomtom be tipizil ndemen pa mbulu kizin sananṅana, mi tiur lelen ila ki Anutu, mi tikam kat mbulu. Naso tiswe kembei titooro kat lelen.^t ²¹Iṅgi uunu tiṅgi ta zin Yuda tikiskis yo la Urum Merere kwoono, mi tiso tikam be tipun yo. ²²Tamen nio aṅre ulaaṅa biibi kat imarmar pa Anutu, ma irao indeeṅe koozi. Tanata aṅmendernder mbolṅana, mi aṅpombolmbol sua ki Yesu ila zin wal ta boozomen matan. Zin zanṅan, mi zin sorrokṅan tomini. Mi sua ta aṅkamam i na, popoṅana som. Ina aṅto men Mose mi Anutu kwoono bizin kalṅan. Pa sua ta muṅgu tiso, ta iṅgi iur ṅonoono kek.” ²³Pa tiso Mesia, ni ko ire yoyouṅana, mi iwe mataana pa maṅgaṅana kizin wal meeteṅan. Mi ni ko isoyaara sua tabe ikam zin Yuda mi zin wal ta Yuda somṅan i ma timbot mat.”^v

²⁴Paulus iso sua kini ma indeeṅe tiṅgi, to Pestus imanga mi kalṅaana biibi ma iso: “Ai Paulus, nu kankaanaṅom kat. Kam ṅgar biibi mete ta ipatalli u na!”^w

²⁵To Paulus iso: “O biibi tio Pestus, nio ti kankaanaṅonj som. Nio aṅzzo sua ṅonoono men raama ṅgar tau. ²⁶Tanata aṅmototo som, mi aṅzzo katkat sua. Sua ti, king Agripa ni iute ma imap. Pa mbulu ta boozomen ti, sa ike som. ²⁷Lak, king Agripa, nio aṅwi u. Nu urla Anutu kwoono bizin kalṅan, som som? E, nio aṅute. Nu urla.”

²⁸Tabe king Agripa iso: “Wai Paulus, iṅgi so tooro yo karau men be aṅwe Krisi lene ta buri?”

²⁹Paulus iso: “O, so buri, buri. Miso kaimer, kaimer. Mi nio aṅsun Anutu pu mi zin wal ta tileṅleṅ sua i tomini be kuurla mi kewe kembei ta nio i. Mi tamen nio leleṅ be tipo nomoyom ma kumbuyom ma tiur yom lela ruumu sanaana kembei ta tikam pio na pepe.”

³⁰To king ziṅan gabana Pestus mi Benis mi zin tau timbotmbot na burup ma timanga. ³¹Tiyooto ma tila na, tiparzzo pizin. Tiso: “To ti, ni ikam ṅoobo mbulu sa tabe ilela ruumu sanaana, som imeete pa i na som.”^x

³²To Agripa isu na iso pa Pestus. Iso: “Tomtom ti, ni iso ila ki Kaisa ma ni itiiri sua kini. Pepe so tezemi, mi iyooto ma ila ne.”^y

^s 26:18 Yo 8:12; Ijgo 2:38; Ep 1:18, 5:8; Kol 1:13; 1Pe 2:9 ^t 26:20 Mt 3:8; Ijgo 9:20+

^u 26:22 Lu 24:27,44+; Yo 5:46; Ijgo 10:43; Ro 3:21 ^v 26:23 1Kor 15:20,23;

Kol 1:18 ^w 26:24 Yo 10:20; 1Kor 2:14; 2Kor 5:13 ^x 26:31 Lu 23:14+; Ijgo 23:9, 25:25

^y 26:32 Ijgo 25:11

Paulus ikam woḡḡo be ila pa Rom

27 ¹Zin timbuk sua be niam amkwai ma amla Itali. Tana tikam Paulus ziḡan wal pakan ta timbot lela ruumu sanaana na, ma tiur zin la Yulius namaana. Yulius, ni biibi kizin malmal kan. Imborro zin malmal kan tomtom lamata ki Kaisa itunu tau. ²Amla ma woḡḡo ta ki kar Adramitium imar. Mi iḡi iso imiili mini ma ila pa kar pakan ki Asia. Tana amse mi le isala ma amla. Mi tomtom ta ki kar Tesalonika ta imbot la lele pakaana ki Masedonia na, igaaba yam ma niamḡan amla. Zaana Aristakus.

³Aigule toro na, amlala kar Sidon. Mi Yulius leleene ambai pa Paulus, tana izemi ma ila kizin guraaba kini bekena tire i pa kopoono ma korōḡ.^z

⁴To amzem Sidon mi ampet mini na, amko pa mutu Saiprus leleene ta miiri ilonloondo pa som i. Pa amseebe miiri biibi tau. ⁵Amko ma ampa ndapet men, mi amla Silisia ma Pampilia. To amyembut ma amlae na, amlala kar Mira ta imbot lele pakaana ki Lisia a. ⁶Amlala tina, mi biibi kizin malmal kan ire woḡḡo kizin Aleksandria ta isombe ila Itali. To iso piam ma ḡes lae woḡḡo tina.

⁷Woḡḡo iko riḡariḡa. Tabe amko amko ma molo mana, amso amlala Nidus. Som mi, miiri biibi kat ma amselaala na amrao som. Tana amko pa toono uunu ma amla, to ambeleu pa mutu Krit zuruunu ta iyaara ma ipera. Tipaata be Salmone. To mutu tana ipakaala miiri. ⁸Amkosal toono, mi amkowo riḡariḡa, mi amla amla ma sor lela lele ta tipaata be ‘Maata Ambaiḡana’ na. Imbot kolouḡana pa kar Lasea.

⁹Indeeḡe tana, ambel koḡana kek. Mi iḡi be lele isaana ma irao kwaiḡana mini som. Pa aigule biibi ki Sanaana Urpeḡana ila ne kek. ^{+(27:9)} Tana Paulus imanga mi isope zin. Iso: ¹⁰“Keleḡ. Nio aḡre tai iḡi be isaana i. Sombe tepet mini, inako tendeeḡe patanana biibi. Kokena woḡḡo mi mburu kiti ila ne, mi iti itundu tomini.” ¹¹Tamen biibi kizin malmal kan, ni iurla sua ki Paulus som. Mi ikanan la ki ni ta itektege peeze ki woḡḡo i mi woḡḡo katuunu. ¹²Timbot ma som mi miiri swoono ipet. Tabe lele ta woḡḡo ipot pa i, ambai som. To iwal biibi lelen be tila pa maata toro ta imbot kar Peniks a. Pa lele tina na, miiri pe som. Irao timbot pa ma miiri isu. Maata tina, ina imbot ta mutu Krit a. Imbot la ki pakaana ta zoḡ isula na.

Miiri biibi ma lele isaana

¹³Miiri riḡariḡa ta ipa ki meleebe mi ise. Tabe zin woḡḡo kan tindemeere ma tiso ko ambai pizin. Tana tiyaaru pat ise, to amko

^z 27:3 Iḡoḡ 24:23, 28:16 ^{+(27:9)} 27:9 Aigule tana, ina sunḡana biibi kizin Yuda. Iwedet pa Septemba.

ma amsal men pa mutu Krit. ¹⁴Molo som na, miiri biibi imanga. Ipa ki ndalea mi ipet ma indeeje yam. ¹⁵Miiri imar ma amtoombo be amkunyaara duubu. Tamen som. To amsur men. ¹⁶Amla ma amko pa mutu musaana ta zaana Kauda na ndemeene, to ipakaala miiri. Tana amso amyaaru woongo musaari ta timbit la woongo mbuleene i ma ise. Mi miiri mburaana men. Tabe ambel uraata pa woongo musaari tana. ¹⁷To amyaaru ma ise, mi zin pakan tipo woongo biibi pa re pakan bekena tipombol. Mi timoto: Kokena duubu ipiri woongo ma isala magat biibi ta igarau Aprika na. Tabe tipun le, mi woongo itunu rukruk ma ilala. ¹⁸Lele isaana kat ma tau runguyam isaana lup. Tabe kozeere to tipiri mburu pakan ila ne. ¹⁹Aigule iwe tel pa na, tikam mburu woongo kana pakan, mi tipiri sula len tai. ²⁰Mi lele na, isaana kat. Aigule boozo, zoj iyaara risa som. Mi pitik ta kembena. Sa imbot mat som. Tabe ikam ma amso ko irao ambot na som. Amla leyam.

²¹Zin tomtom tikan kini som, mi timbot sorok men pa mazwaana molo kek. Tana Paulus imanga na iso pizin. Iso: “Kozobe niom kakan mar tio ma tezem Krit pepe, so iti irao tendeeje patanjana tingi som, mi mburu kiti sa irao ila ne som. ²²Mi tongo. Nio anso anpombol yom ta kembei. Komoto pepe. Pa iti ti, tasa ko irao ila ne na som. Woongo men ta ko ila ne. ²³Pa mbeni, Anutu tio ta anbesmbeeze pini i, ingo ajela kini ta ma imar imbot su ta zilhoj uunu mi iso pio.” ²⁴Iso: ‘Paulus, moto pepe. Nu kola la ma pet ki Kaisa. Pa Anutu leleene iur ta kembei. Mi Anutu, ni munaijana katuunu. Tana ni ko mataana pa wal boozomen ta niomjan kamar i ma irao tasa ila lene som.’” ²⁵To Paulus iseenge sua kini mini ma iso: “Tana nio anso piom: Komoto pepe. Pa nio ajurla ki Anutu. Koroj ta ni iso yo pa, inako iur gonoono. ²⁶Tamen iti ti kola tala ma tosoolo sala mutu sa.”

Woongo isaana

²⁷Amzurzur ma aigule laamuru mi panj imap, to amla tai pakaana ta tipaata be Adria na. Indeeje mbenj lukutuunu na, zin woongo kan tiso ko amgarau toono kek. ²⁸Beso tikin yok na, tire kembei mozo biibi imbot. Timbot rimen mi tikin mini, to tire ise. ²⁹Tabe timoto ma tiso ko woongo ila ma ituti sala patmbu sa ma ingi. Tona tila woongo mbuleene, mi tipusuk pat bibip panj ta re ikan ma tunj i, ma tisula tai bekena tibiigi woongo. Mi tizunzunj be lonj mi berek. ³⁰Mi zin tau tikamam uraata pa woongo i, na tila ta woongo zuruunu, to tiputke woongo musaari mi tipelej ma isula be tiko ma tila len. Pa matan ingal zitun men. Tana tipakaam zin tau tise woongo na, mi tiso tila be tipusuk pat pakan isula ki munga bekena tibiigi woongo. ³¹Tamen Paulus imanga to iso pizin

^a 27:23 Ngog 23:11; Ro 1:9

malmal kan zijaḡan biibi kizin. Iso: “Kere zin wal ta tikamam uraata pa woḡḡo ti. Sombe tizem woḡḡo mi tila len, tona niom ko irao kombot ambai som.”³² Tabe zin malmal kan timaḡḡa na tiyembut wooro pa woḡḡo musaari, mi itop ma ila ne.

³³Berek zen mi Paulus iso pizin ta boozomen be tikan kini. Iso: “Ou, niom ti kakan koyom kini. Pa iti toporou sala pataraḡana ti ma kombotmbot ki kopoyom men ma iḡḡi aigule iwe laamuru mi paḡ i.”³⁴ Tana aḡsombe kakan koyom kini sa ta buri be ipombol yom. Pa iti ta boozomen ko tombot ambai. Tomtom tiom sa ko irao uteene ruunu sa ipas ma ila lene na som.”^b ³⁵Iso pizin makaḡ to, ikam narabu mi isuḡ pa Anutu ila iwal biibi matan. To ite kana ma ikan.”^c ³⁶Tanata ipombol ḡar kizin pa, to lelen ambai mi timap ma tikan kini. ³⁷Niam tomtom laamuru tomtom tel lamoro mata mi ta (276), ta amse woḡḡo i. ³⁸Tikan irao zitun lelen ma kopon bokbok, to tila ma tipiri mburu pakan ila ne tai, bekena woḡḡo ipot ma ise ḡana.

³⁹Berek su na, matan lae toono uunu. Tamen tikilaala lele som. Mi tire lele lumbuunaraḡana tau, to matan ito ma ila na, tire la pa maḡḡa. Tana tiso tikam woḡḡo ma tilela. ⁴⁰Timaḡḡa na tiyembut re pa zin pat ta tibiigi woḡḡo pa i ma titoptop sula len. Mi tiyembutmbut lae pa re ta timbit peeze pa i ma putput. To tiyaaru le ma isala. Pa tiso tilela pa toono uunu. ⁴¹Tamen woḡḡo iko ma ila, mi woḡḡo ndomoono isoolo sala magat. Mi mbuleene na iwwa. Tabe duubu ipun ipun ma imapaala la ki mbuleene.^d

⁴²To zin malmal kan timaḡḡa na, tiso tipun zin tomtom ta ruumu sanaana kan i. Kokena tiyaago ma tila, to tiko ma tila len. ⁴³Mi biibi kizin malmal kan na, leleene be tipun Paulus ma imeete pepe. Tana ipeteke zin ma tikam mbulu tina som. Mi iso pizin be zin tau tiute yaaraḡana na, loḡa tilu zin sula mi tiyaago ma tila toono uunu. ⁴⁴Mi wal biibi na, zin be tire len ke pakanpakan tau duubu ikiili pa woḡḡo i, tona tizze mi tiyaago raama ma tilela toono uunu. Amkam ta kembei, tabe niam ta boozomen mi amla amsala toono ma ambot ambai.

Amla amse mutu Malta

28 ¹Amla toono uunu, tona amleḡ kembei mutu tiḡḡi zaana Malta. ²Zin tomtom tau timbot mutu tiḡḡi, kampaḡana kizin ilip pa wal pakan. Timar mi tire yam, to tindou you ma ilo yam. Pa yaḡ tomini ma lele ilomo. ³Paulus ila iyo ke ma iliigi, mi ikam ma imar, mi iur sala you mataana be ikut. Molo som na, mooto sanaraḡana pus ma ipet pa ke liiḡaraḡana, mi ila ma iḡakiskis lae pa Paulus namaana. ⁴Zin mutu tana tire mooto imbotmbot la Paulus namaana, to tiparso pizin ma tiso:

^b 27:34 Lu 12:7 ^c 27:35 Mt 15:36; 1Tim 4:4+ ^d 27:41 2Kor 11:25

“Wai, to ti ko ipun tomtom sa ma imeete som? Ijonoono, miiri ma duubu na, ni iko pa. Mi merere kiti ta ipokotkot mbulu i na,^e irao ileeli na som.”

⁵Tamen Paulus itirke mooto tana isala le you ma you ikani, mi kosa sa ipet pini som.^f ⁶Ikam ma zin tomtom tiurur matan pini. Pa tiso ko izarzar ma ingi, som itop su ma imeete. Tamen kosa sa ipet pini som. To tisu na titooro ngar kizin ma tiso: “Wai, to tingi ko merere sa.”^g

⁷Biibi ki mutu tana, ni zaana Publius. Mi lele kini igarau. Imar ma ire yam, to ikam yam ma amla ambot ruumu kini pa aigule tel. ⁸Publius tamaana, ni ibayyou ma kopo suruunu ramaki siŋ. Tabe ikenne men ta muriini. Tana Paulus ila to ilela ma ire i. Mi imanga to iur namaana isala ŋwaana, mi isuŋ pa Merere, to niini ndabok.^h ⁹Zin mutu kan tire mbulu tana, to tila tiyo zin metenjan ta boozomen ma timar. Mi Paulus isuŋ pizin ma nin ndabok lup mi tilala. ¹⁰Tabe koronj ta boozomen tau tipakur yam pa men. Beso amparanjan koronj tiam be ampet na, zin timar ma tiuulu yam pa koronj boozomen ta leleyam pa i.

Amla ampet Rom

¹¹Indeeŋe ta miiri biibi mi imar na, woongo ta kizin Aleksandria imbot su mutu tana. Woongo ndomoono na, merere boogo ru kunun imbot la. Zan Kasto mi Poluks. Tana niam ambot pa puulu tel ma miiri imap, mana kaimer to, amkam woongo tana ma amla. ¹²Amla amla ma amlala Sirakus, to ambot pa aigule tel. ¹³To amzem kar tina, mi amko mini ma amla amlala Regium. Amkeene ma aigule toro na, miiri ipa ki meleebe mi ise. Aigule ru ta amkowo amkowo ma amla ampet kar Puteoli. ¹⁴Amlala tina, to amdeeŋe toŋmatiziŋ pakan ta ki Krisi i. To tikam yam ma amla, mi niamjan ambot pa aigule lamata mi ru. Mana amanga mini pa pai be amla Rom.

¹⁵Mi waeyam bizin ta timbot Rom a tileŋ uruyam kek. Tana tomtom kizin pakan tizem kar, mi tipa ma timar tau nol muriini ki kar Apius na. Mi pakan timar pa kar toro ta ruumu tel kizin leembe timbotmbot pa na, mi tizza yam su tana. Amar mi Paulus ire zin, to ipakur Merere pa kampejana kini. Pa kembei mbulu tana ipomboli. ¹⁶Amla ampet kar biibi Rom na, tiyok pa Paulus be itutamen ila imbot ndel. Ziru menderjana tamen be mataana pini.ⁱ

Paulus ikam uruunu ambaijana isu kar biibi Rom

¹⁷Aigule tel ilae mana, Paulus iso la pizin bibip kizin Yuda be timar. Timar ma tilup zin, to ni iso pizin. Iso: “O niom toŋmatiziŋ tio, kelenj.

^e 28:4 Wal taiŋgi, zin Kristen som. Merere ta tiso pa na, ina Merere Anutu som. Ina zin zitun merere kizin. ^f 28:5 Mk 16:18; Lu 10:19 ^g 28:6 Ijgo 14:11 ^h 28:8 Mk 16:18; Ijgo 3:2+; Ijgo 9:34, 14:8+; Yems 5:14+ ⁱ 28:16 Ijgo 24:23, 27:3

Nio ti, aŋzooro zin wal kiti pa kosa sa som, mi aŋzooro mbulu sa ta ki tumbundu bizin na som. Tamen titeege yo sorok isu Yerusalem, mi tiur yo la zin Rom naman.^j ¹⁸ Mi zin Rom titiiri yo ma som, to tisombe tizem yo ma aŋla leŋ. Pa tire yo na, kembei aŋkam ŋoobo mbulu sa tabe aŋmeete pa i som.^k ¹⁹ Tamen zin Yuda tinoknok sua ŋgalŋana pio, tabe leŋ zaala sa som. To aŋso: ‘Kena nio aŋso aŋla aŋre Kaisa itunu be itiiri sua tio.’ Mi nio itun na, leleŋ be aŋgal sua sa pa wal tio som. ²⁰ Ingi uunu tiŋgi ta aŋboobo yom ma kamar, bekena aŋre yom mi aŋso sua ma kelen. Pa koron ta iti Israel boozomen tuurur matanda pa i, ta nio aŋurla tomini. Nio, tipo nomon mi tiur yo lela ruumu sanaana pa uunu ta tiŋgi.”^l

²¹ To zin tiso: “Ambai. Mi zin Yudea kan tibeede sua sotaaraŋana sa pu ma imar piam som. Mi tomtom sa imbot Yudea mi imar be iŋgal sua pu i som. ²² Mi iŋgi itum mar na ambai. Pa amso amlen kat sua ku. Pa niam amute men ta kembei: Lele ta munŋaana men kan tomtom bizin tiwirri sua sananŋana pa lupŋana tiom ta tiŋgi.”^m

²³ To tiur len aigule toro tabe ziŋan tilup zin mini. Aigule tana, zon ise na, tomtom boozomen timeke ma timar, to tila ruumu tau Paulus imbotmbot pa i. Mi ni ipaute zin pa sua, mi ilala leleene pa ma tileŋleŋ ma ila mbeŋ. Izzo zin pa peeze ki Anutu, mi izzo zin pa tutu tau imar pa Mose mi Anutu kwoono bizin na. Iso ikam be ipatoonŋo Yesu pizin, mibe ikam zin ma tiurla.” ²⁴ Tomtom pakan tileŋ sua kini ma iŋgal zin, to tiurla. Mi pakan na, tiurla som. ²⁵ Zitun timanŋa na tiparzorzooro pa sua ma burupburup be tiyooto. To sua kaimer kana ta Paulus ipemet pizin mi timureege i, na iso ta kembei. Iso: “O, sua ta Bubunŋana Potomŋana ipazal Anutu kwoono Yesaya pa mi iso pa tumbundu bizin, ta iŋgi indeeŋe kat yom. Pa iso ta kembei. Iso:

²⁶ La kizin wal tiŋgi mi so zin. So:

Niom ti ko kuurur talŋoyom ma kelenleŋ sua. Mi ko kakam ŋgar pa ka uunu som.

Ko kerre ki motoyom. Tamen ŋgar tiom ko ipet som.

²⁷ Pa wal ti, ŋgar kizin imbol kat.

Zitun tizeeze talŋan mi tipumun matan.

Pa lelen be tikilaala som,

mi lelen be matan ire mi talŋan ileŋ som.

Pepe so ŋgar kizin ipet,

mi titooro lelen,

mi timar tio be aŋurpe zin.”^o

^j **28:17** Ɗgo 21:33 ^k **28:18** Ɗgo 26:31+ ^l **28:20** Ɗgo 2:31+, 26:6+; Ro 15:8; 2Tim 2:8+
^m **28:22** Ɗgo 24:5; 1Pe 2:12, 4:14 ⁿ **28:23** Lu 24:27+ ^o **28:27** Yesa 6:9+; Mt 13:13+;
 Ro 11:18

²⁸ “Tana nio lelej be niom kuute kat ta kembei: Zaala tau Anutu ikamkewe zin tomtom pa i, na uruunu ila pizin wal ta Yuda somŋan i kek. Mi zin ko tilej la.”^p

[²⁹Paulus iso makin, mi zin Yuda tiyotyooto na, tiparzorzooro pa sua mi tilala.]

³⁰ Mi ndaama ru kat, ta Paulus imbotmbot ruumu tau itunu ingiimi be imbotmbot pa, mi irre wal boozomen ta timarmar kini na. ³¹ Ni imototo som. Izzokatkat sua pa Anutu peeze kini, mi ikamam sua pizin tomtom pa Merere Yesu Kisi. Mi tomtom sa ipeteke i som.^q

^p 28:28 Mbo 67:2; Lu 3:6; Ŋgo 13:46+; Ro 11:11 ^q 28:31 Ep 6:19